

12

8 fl. non chiffés.

123 fl. chiffés.

1 fl. non chiffé





Édition Originale  
DE TOUTE RARETÉ

Le plus grand  
exemplaire connu



















# L'HISTOIRE

NOTABLE DE LA FLO-  
RIDE SITVÉE ES INDES  
Occidentales, contenant les trois voya-  
ges faits en icelle par certains Capitaines  
& Pilotes François, descrits par le Capi-  
taine Laudonniere, qui y a commandé  
l'espace d'un an trois mois : à laquelle a  
esté adiousté vn quatriesme voyage fait  
par le Capitaine Gourgues.


*Mise en lumiere par M. BASANIER,  
gentil-homme François Mathématicien.*



A PARIS,  
Chez Guillaume Aury, rue saint Jean de  
Beauvais, au Bellerophon couronné.

M. D. LXXXVI.

AVEC PRIVILEGE DV ROY.







## A ILLVSTRE ET VERTVEVX

SEIGNEVR VVALTER RALEGH,  
Cheualier Anglois, Seneschal des Du-  
chez de Cornuall' & d'Exon, Gouver-  
neur & Capitaine des Chasteaux & Sei-  
gneuries d'icelles pour la serenissime  
maiesté de la Roynie d'Angleterre, grand  
maistre & surintendât des mines d'estain  
par les prouinces de Cornuall' & d'Exon.

**M**ONSEIGNEVR, l'histoire estât  
cōme un miroir, par le moyē duquel  
nous formons nos actiōs au moullē  
des vertus de ceux qui nous y sont  
representez: & lisant les gestes des  
hommes, n'est autre chose que de hanter & frequen-  
ter avec eux, pour proffiter en leur compaignie &  
continuelle conuersation: si bien que les historiens  
sont merueilleusement bien venuz & receuz chez  
ceux qui font profession de la vertu. C'est pourquoy  
ayant ouy si haut & iusques icy entonner les belles  
& louables vertus qui vous assistent, & la naturel-  
le inclination qu'auex enē & continuez auoir à l'art

## EPISTRE.

de navigation, que ie puis dire à bon droit exceller les autres, tant pour le bien & profit qui en reuient au public, que pour la grande communication qu'il reçoit de ses belles sciences mathematiques, recognees entre toutes les humaines, participer de diuinité, & retenues au premier degré de certitude, par lesquelles aussi nous paruenons à la cognoissance des plus beaux & plus profonds secrets de la nature des choses: i'ay pensé faire un deu & tres-bon office à la memoire du Capitaine Laudonniere, & à vous (Monseigneur) service agreable, si vous presentant l'histoire de ses nauigations ie le faisois, comme nouveau domestique de vostre maison, reuiure en ce monde inferieur, & conuerser familièrement avec vous, lequel vous receurez, s'il vous plaist, comme un pilote que ie vous ameine, duquel ie m'assure que la frequentation vous donnera non seulement plaisir & contentement, mais vous rendra d'autant plus ardent & affectionné à continuer les beaux & genereux exercices, qui desia vous ont acquis un triomphe d'honneur & gloire incomparable: en ce mesmement que n'y auez espargné ny vos grands biens ny vostre personne mesme, ny autre chose qui puisse depèdre de l'homme qui fait profession d'honneur & de vertu, ayant en ce suiuy le vray sentier tramé par nos ancestres, quand ils ont desiré profiter à leurs republiques, immortaliser leurs noms, & en fin paruenir à la gloire de Dieu, qui sont trois poincts

## EPISTRE.

principaux, ausquels l'homme d'honneur & de vertu doit infalliblement aspirer: en quoy par une ferme & louable constance perseuerex iournellement avec augmentation d'honneur & profit à vostre nation. Tesmoins en sont de fresche & recente memoire les deux voyages faits depuis deux ans ençà par vos vaisseaux, vers les parties occidentalles, où vous & aucuns de vos amys n'auex moins employé de soixante mil escus: tellement que selon le rapport de personnes signallez & dignes de foy, y auex de rechef descouvert quelques Isles & terre continente entre la Floride & le Cap Breton, nommee à present (à l'honneur de vostre tres-vertueuse & serenissime Royne) Virginea, où le Seigneur Greenuill a estably vostre colonie, exercice certainement beaucoup louable & non moins profitable à une republique. Par ainsi (Monseigneur) ayant tousiours esté curieux recueillir les histoires des nauigations modernes, le plus fidelement & sincerement qu'il m'a esté possible, & icelles faire recognoistre par ceux mesme qui y auoient commandé, ou à faute d'eux, à ceux qui y auoient assisté, & apres les verifier es poincts dependans des Mathematiques, par lesquelles elles se peuuent & doiuent certainement confirmer, en fin ceste histoire passée par la mesme pierre de touche, & conferee avec la semblable, qui est entre mes mains, toutesfois



## EPISTRE.

descrite par vn autre grād Pilote François, en laquelle il a diligēment obserué les latitudes des lieux & profonditez des haures & riuieres le long de la coste (l'edition de laquelle ie difere à autre occasion:) & estant la presente aussi bien & deuement descrite, qu'il s'en puisse ou doine desirer de la bouche d'un Capitaine de marine, duquel il ne faut esperer vne langue si diserte ou telle profondeur de doctrine qui seroit requise en la description de l'histoire de nauigation: estant neantmoins supprimee & esteinte ia par l'espace de vingt ans ou enuiron, ie l'ay tiree avec la diligence de Monsieur Hakluit, homme certainement bien verse en l'histoire geographique & ayant bonne part en la diuersité des langues & sciences, comme du tombeau, où elle auoit ia si long temps inutile reposé, pour la mettre où il m'a semblé par la frequente lecture d'icelle qu'elle se demandoit. Ainsi qu'il appert par les trois nauigatiōs y cōtenues, & principalement par la seconde, où l'on cognoist nos François auoir autāt receu d'humanité & courtoisie des vostres, que d'affliction d'autres, & specialement d'un general Anglois, nommé le seigneur Haukins, qui lors vint surgir en la coste de ladite Floride, & terrir au fleuue de May, où estoit nostre fort & colonie, duquel les humanitez & courtoisies dont il vsa enuers nos François, ne le peuuent certainement declarer autre qu'homme d'honneur & de vertu. C'est pourquoy (Monseigneur) apres auoir

EPISTRE.

ainsi fidellement recueilly ladite histoire, sans y auoir diminué, adiousté, ou innoué, en quelque sorte que ce soit (suyuant le deuoir du vray hystoriographe) & mesmement laissé le mesme François avec sa nue nayfueté, sans le farder ou desguiser en aucune sorte, sinon apostiler en marge, & mettre en la fin vn ordre succinct des choses plus notables, ie l'ay bien voulu mettre ainsi candidement en lumiere, en faueur de vous, pour la vous dedier, comme à celuy qui est tres-digne d'icelle, voire de plus grand chose, ensemble le vœu que ie fais vous faire tres-humble seruice, que receurez s'il vous plaist d'aussi bonne volonté que ie prie Dieu

Monseigneur, vous donner par sa sainte grace tres-longue & tres-heureuse vie. De Paris ce premier iour de Mars, 1586.

Vostre tres-humble seruiteur  
M. BASANIER.

DE VIRI ILLVSTRIS VVALTERI  
RALEGGHI NOVA APVD INDOS  
occidentales colonia.

Dixêre Hebræi vates, dixêre Sibyllæ,  
Antiqui ignotas gentes per tempora secli,  
Notas extremi sub temporis orbe futuras.  
Qualem magnanimi classis Britannia GABOTI  
Maior Iasonia, meliori & vellere digna,  
Florentem reperit te Florida sorte secunda.  
Qualem posterius cōstat reperisse RIBALTVM.  
Et quæ Reginæ nunc lata sub ELISABETÆ  
Auspiciis, VVALTERE RALEGH, tibi terra reperta  
Nomine VIRGINIA est, Regina à Virgine dicta.  
Reginæ decus æternum, æternum decus Anglis.  
Ante omnēsque tibi, VVALTERE RALEGH, quia nullis  
Sumptibus, & nulli parcens inuictæ labori,  
Terrarum auxisti spatius maioribus orbem.

I. Auratus Poëta &  
Interpres regius.

AD EGREGII VIRI VVALTERI  
RALEGGHI INDICAM  
nouam coloniam.

*Tempore Diluuii terras diuina Columba  
Detexit nobis ramo viridantis Oliuæ.  
Altera & illa Columba COLUMBUS, & ipse  
RALEGGHVS  
Tertia, VIRGINIÆ cui virgo terra reperta est.*  
M. BASANERIVS.



# ANAGRAMMATISME. VVALTER RALEGH.

LA VERTV L'HAAGRE.

En VVALTER cognoissant LA VERTV s'estre enclose,  
J'ay combinay RALEGH, pour y veoir quelle chose  
Pourroit à si beau nom conuenir à mon gré:  
J'ay tronné que c'estoit, LA VERTV L'HAAGRE.

M. BASANIER.

In laudem eorum qui nouas orbis  
partes detexerunt,

*Sinarum tractus gens Lusitana subegit,  
Et Mexicanos fortis Iberus agros:  
Olim magnanimis concessit Florida Gallis:  
VIRGINIA & sceptro nuper Elisa tuo.  
Lusitana suum celebrat gens inclita Gamam:  
Terraque Cortesium iactat Ibera suum.  
Dat Laudonnerio palmam fortique Ribalto  
Gallia, nos primas clare Raleghe tibi.*

*Richardus Hakluit Anglus,*

## EXTRAICT DV PRIVILEGE.

**I**L est permis à Guillaume Auray Marchand Libraire, d'imprimer, ou faire imprimer, vendre & distribuer vn liure intitulé, *Les trois voyages des François en la Floride, descrits par le Capitaine Laudonniere.* Et est deffendu à tous autres Libraires & Imprimeurs, d'imprimer, vendre & distribuer ledit liure, durant le temps & terme de dix ans, sans le consentement dudit Auray, & ce sur peine de confiscation desdits liures & d'amende arbitraire, comme plus à plain est contenu és lettres de ce données à Paris le quatriesme iour de Ianuier 1586.

Signé DE L'ESTOILLE.



## PREFACE EN LAQVELLE

EST CONTENVÉ LA MANIERE ET

*façon de viure des Indieĩs, qui habitēt aux en-  
uiroñs de la riũere de May en la Floride.*



Ly a deux choses, lesquel-  
les selon mon opinion,  
ont esté les principales  
causes par lesquelles les  
hōmes tant anciens que  
modernes, se sont mis à  
voyager és pays loing-  
tains. La premiere a esté

le desir que naturellement nous auons de  
chercher les commoditez de bien viure, plā-  
tureusement & à l'aïse, soit que l'on abandon-  
nast du tout son pays naturel, pour habiter  
en vn meilleur: soit que seulement on y en-  
treprist des voyages pour y rechercher & en  
raporter ce qui est en plus grande estime  
& plus requis en nostre pays. L'autre cause  
a esté la multitude des peuples trop feconds  
en lignees, lesquels ne se pouuans plus tenir



# PREFACE.

en leurs terres naturelles se sont desbordez dedans les prochaines, & le plus souuent passans plus outre, ils ont esté iusques aux plus loingtaines regions. En ceste maniere le Septentrion, pere second de tant & tant de peuples, a souuentesfois enuoyé çà & là ses peuples les plus courageux, & par ce moyen peuplé vne infinité de pays : tellement que la plus part des nations de l'Europe tient leur origine de ces parties . Au contraire les regions plus meridionales, pour estre trop steriles, à cause des chaleurs insupportables qui y dominant, n'ont besoing de telles descharges , & ont esté plus souuent contraintes de receuoir les autres peuples plus souuent par la force d'armes que par amitié. Toute l'Aphrique, l'Espagne , & l'Italie le peuuent encores tesmoigner, lesquelles ne furent iamais si abondantes en peuple, que force leur fut d'enuoyer habiter ailleurs: ainsi qu'a faict la Scythie, la Noruege, la Gothie & la Gaule . La posterité desquelles demeure encore non seulement en Italie, Espagne, & Aphrique, mais aussi en la belle Asie. Je trouue toutesfois que les Romains outrepassans, ou plustost adioustans à ces deux premieres causes susdictes , comme estans curieux le possible de planter non seu-

# PREFACE.

lement leurs enseignes & trophées , mais aussi leurs loix , coustumes , & religion es provinces que par force d'armes ils auoient conqueſtes , ont ſouuentefois par le decret de leur ſouuerain Senat enuoyé des peuples qu'ils nommoient Colonies , penſans par ce moyen immortalizer leur nom : iuſques à deſgarnir leur propre pays de force qu'il entretenoient en ſon entier : choſe qui les a beaucoup plus retardez qu'auancez en la poſſeſſion de la monarchie vniuerſelle , à laquelle leur deſſein aſpiroit . Car il eſt aduenu que leurs colonies çà & là miſerablement ſaccagees par les peuples eſtrangers , ont du tout ruiné leur empire . Les liſieres du Rhin en rougiſſent encores : celles du Danube n'en ſont moins ſanglantes , & noſtre Gaule eſt demouree graſſe par leur ſang qu'ils ont eſpandu . Ce ſont les effectſ & ſalaires de tous ceux , leſquels pouſſez de ceſte ambition Romaine & Tyrannique , eſſayront de gagner les peuples eſtrangers , effectſ , dy-ie , contraires au proffit que receuront ceux , leſquels ſont ſeulement affectionnez au bien public , c'eſt à dire à la police vniuerſelle de tous les hommes , & taſchent de les vnir les vns avecques les

# P R E F A C E.

autres tant par commerces & conuersations foraines que par vertus militaires , lors que les estrangers ne veulēt entendre à leur tant salutaire deuoir . Pour ceste cause les princes ont faict partir de leurs terres quelques hommes de bonne entreprise , pour s'habituier en pays estranges , y faire leur profit, ciuilizer le pays, & si possible estoit , reduire les habitans à la vraye cognoissance de nostre Dieu : fin d'autant plus louable qu'elle est esloignee de toute domination tyrannique & cruelle, & ainsi ils ont tousiours prosperé en leurs entreprises, & petit à petit gagné le cœur de ceux qu'ils auoient surmontez ou pratiquez par quelque moyen. De là nous pouuons retirer qu'il est quelquefois bon, voire expedient, d'enuoyer des hommes descouurir l'aisance & la commodité des terres estrangeres : mais en telle sorte, que le pays duquel ces troupes sortent , ne demeure affoibly ny priué de ses forces : en sorte aussi que la troupe enuoyee soit de si iuste nombre, qu'elle ne puisse estre rompue par les estrangers , lesquels de moment en moment ne taschent sinon que de la surprendre à l'improuiste , ainsi que ces iours derniers les François ont esprouué à mon tref-grand regret , sans qu'il fust aucu-

PREFACE.

nement possible d'y pouuoir obuier, attendu que les elements, les hommes, & toutes les faueurs que l'on peut esperer d'une fidele & Chrestienne alliance ont bataillé contre nous. Ce que ie pretens discourir en ceste presente histoire avec vne verité si euidente, que la maiesté du Roy mon prince, sera satisfaiete en partie du deuoir que i'ay faict en son seruice, & mes calomniateurs se trouueront si descouverts en leur imposture menfongere, qu'ils n'auront aucun lieu pour se maintenir en droict. Mais auant que de commencer, ie desduiray en brief la situation & description des terres, esquelles nous auons nauigué & habité depuis l'an mil cinq cens soixante deux, iusques à soixante cinq, à celle fin que plus facilement l'on puisse comprendre ce que i'ay delibéré d'escrire en ce discours.







# L'HISTOIRE DES TROIS VOYAGES DES FRANÇOIS *en la Floride.*

**L**A partie de la Terre, que aujourdhuy nous nommons la quatrième partie du monde, ou l'Amerique, ou bien l'Inde Occidentale, a esté incognüe des anciens, à raison de sa trop longue distance: mesme toutes les isles del'Occident, & les Isles Fortunees n'ont esté descouuertes que par les modernes: encores que quelques vns ayent voulu dire qu'elles l'ayēt esté du temps d'Auguste Cesar, & que Virgile en a fait mention au sixième de son Eneide, quand il dit, qu'il y a vne terre delà les estoilles, & le voyage del'An & du Soleil, là où Atlas porte-ciel soustient le pole sur ses espaules: Toutesfois il est aisé de iuger qu'il n'entend parler de ceste terre, de laquelle il ne se trouue que personne ait

L'HISTOIRE DE

escriit de son temps, ny mesme de plus de mil ans apres. Christophle Colon premier de tous surgit en ceste terre l'an mil quatre cens nonante & deux, & cinq ans apres Americ y alla par le commandement du Roy de Castile & luy donna son nom, d'ot depuis elle a este nommee l'Amerique. Cest homme estoit heureusement versé en la marine & en l'Astronomie : parquoy il decouvrit en son temps plusieurs terres inconnues aux anciens Geographes. Ceste terre est nommee par quelques vns la terre du Bresil & Papegalli. Elle s'estend selon Postel depuis l'un des poles iusques à l'autre, excepté à l'endroit du Magelan, auquel elle se rend, cinquante deux degrez outre l'Equateur. Je la diuiseray pour plus facile intelligence en trois principales parties : celle qui est vers le pole Arctique ou Septentrion, est nommee la nouvelle France, pour autant que l'an mil cinq cés vingt quatre, Jean Verazano Florentin fut enuoyé par le Roy François premier, & par Madame la Regente sa mere aux terres neuues, auxquelles il prit terre & decouvrit toute la coste qui est depuis le Tropique de Cancer, à sçauoir depuis le vingt-huictiesme degre iusques au cinquantesme : & encore plus deuers le

North. Il planta en ce païs les enseignes & armoiries du Roy de Frâce: de sorte que les Espagnols mesmes qui y furent depuis ont nômé ce païs terre Francesque. Elle s'estéd doncques en latitude depuis le vingt-cinquième degré, iusques au cinquâte quatriesme vers le Septentrion: & en l'ogitude depuis le deux cës dixiesme iusques au trois cës trenteisme. La partie Orientale d'icelle est nommee par les modernes terre de Norumberge, laquelle abortit au Golphe de Gamas, qui la separe d'auec l'Isle de Canada: là où Robert Val & Iacques Cartier allerent l'an mil cinq cens trente cinq: & à l'entour de laquelle il y a plusieurs Isles, entre lesquelles est celle que l'on nomme terre de Labrador, tirât vers le Gronelande. En la partie Occidentale il y a plusieurs terres recognuës, cōme la region de Quiuira, Ceuola, Astatlan, & Terlichichimici. La partie Meridionale se nomme la Floride, à raison qu'elle fut decouuerte le iour de Pasques Flories. La partie Septentrionale est du tout incognue. La secōde partie de tout l'Amerique est nômée la nouuelle Espagne: elle cōmence depuis le Tropique de Câcer au vingt-cinquième degré iusques au neufiesme. En icelle est situee la ville de Themistitan, & a plusieurs regiōs.

*La partie  
seconde.*



# L'HISTOIRE DE

& plusieurs Isles adioustees, nommees les Antilles : les plus apparentes & renommees desquelles sont l'Espagnole & l'Isabelle avec vne infinité d'autres . Toute ceste terre ensemble le Golphe de Mexico, & toutes les Isles susdites n'ont en longitude que soixante dix degrez, à scauoir depuis le deux cens quarentiesme, iusques au trois cens dixiesme, encore est elle longue & estroite comme l'Italie. La tierce partie del'Amerique est nommee le Perou : elle est fort grande, & s'estend en longitude depuis le dixiesme degre iusques au cinquâtecinquiesme par delà l'Equateur, à scauoir, comme j'ay dit, iusques au destroit Magelanique. Elle est faite en façon d'un œuf, & est fort recognuë de tous les costez : l'endroit où elle est la plus large a soixante degrez, & de là elle s'estrefit petit à petit vers les deux bouts : En vne partie de ceste terre s'abitua Villegaignon droit sous le Tropique de Capricorne, & la nommee la Frâce Antarctique, à cause qu'elle tire au pole Antarctique, ainsi que la nostre à l'Arctique. La nouvelle France est presque aussi grande que toute nostre Europe. La partie toutesfois d'icelle la plus recognuë & habituee, est la Floride, en laquelle plusieurs François ont fait plusieurs voya-

Peru.

Florida.

ges à diuerſes fois, tellemēt qu'elle eſt maintenant la region plus recogneuë, qui ſoit en toute ceſte partie de la nouuelle France. Le Cap d'icelle eſt comme vn long bout de terre eſtendu en mer cent lieües, & tire droit vers le midy. Elle a vis à vis à vingts cinq lieües, l'iſle de Cuba, autrement appellee Iſabelle. Vers le leuant les Iſles de Bahama & Lucaye, & vers l'Occidēt le Golphe de Mexico. Le païs eſt plat, decoupé de pluſieurs riuieres, pour ceſte cauſe, humide, & ſabloneux vers le riuage de la mer. Il y croiſt grande quantité de Pins qui ne portent point de pepins dedans les prunes qu'ils produiſent. Il y croiſt des Cheſnes, Noyers, Meriſiers, Meuriers, Lentisques, & Chaſtagniers, leſquels ne ſont naturels comme en France. Il y a force Cedres, Cipres, Lauriers, Palmiers, Houx, & vignes ſauuages, leſquelles montent au long des arbres & aportent de bons raiſins. Il y a vne ſorte de meſliers, deſquels le fruit eſt meilleur que celuy de Frâce, & plus gros, auſſi y a il des Pruniers qui portent le fruit fort beau, mais non guere bon, des Fráboiſiers, vne petite graine que nous appellons entre nous bleues, qui ſont fort bōs à manger. Il y croiſt des racines qu'ils appellent en leur langage Haſſez, de quoy en la

*Arbres de  
La Floride.*

*Meſliers.  
plus gros  
& meilleurs  
qu'en  
France.  
Framboi-  
siers.  
Haſſez  
qui ſont  
racines.*

# L'HISTOIRE DE

*Animaux  
de la Flo-  
ride.*

*Oyseaux,  
Pois-  
sons,  
d'indes,  
perdix,  
etc.*

*Quantité  
d'or &  
d'argent.*

nécessité ils font du pain. Les animaux plus  
cognus en terre, sont des Cerfs, Biches,  
Cheureux, Dains, Ours, Leopards, Loups  
Ceruiers, Onces, diuerſes sortes de Loups,  
Chiens ſauuages, Lieures, Connins, Pou-  
les d'Indes, Perdrix, Perroquets, Pigeons,  
Ramiers, Tourterelles, Merles, Corneilles,  
Tiercelets, Faucons, Laniers, Herôs, Grues,  
Cigongnes, Oyes ſauuages, Canars, Cor-  
morans, Eſgrettes blanches, rouges, noires  
& grises, & vne infinité de ſorte de gibbier.  
Il y a telle quantité de Crocodils que les  
hommes en ſont ſouuentesfois aſſaillis en  
nageant, des ſerpens de pluſieurs ſortes &  
vne certaine eſpece de beſtes qui different  
fort peu des Lyons d'Afrique. Il ſe trouue  
entre les ſauuages quantité d'or & d'argent,  
qui eſt, à ce que j'ay entendu d'eux meſmes,  
des nauires qui ſe ſont perdues en la coſte.  
Ils en trafiquent les vns avec les autres : Et  
ce qui me l'a fait croire d'auantage, c'eſt que  
du coſté deuers le Cap là où ordinairement  
les nauires ſe perdent, il y a plus d'argêt que  
du coſté du North. Ils diſent toutesfois que  
dedans les montaignes d'Appaleſſeil y a des  
mines de cuiure q̄ ie pēſe eſtre or. Il y a auſſi  
en ceſte terre l'arbre d'Eſquine, qui eſt fort  
bon cōtre la verole & grāde quātité de grai-

nes & d'herbes, desquelles l'on feroit de fort bonnes teintures & peinctures de toutes couleurs. Et de fait les Indiës qui se delectēt fort à peindre sur des peaux, s'en sçauēt fort bien accommoder. Les hommes sont de couleur oliuastre, de grande corporance, beaux sans aucune difformité & bien proportionnez. Ils couurent leur nature d'une peau de Cerf bien couroyee. La pluspart d'eux sont peints par le corps, par les bras & cuisses de fort beaux cōpartimés, la peinture desquels ne se peut iamais oster, à cause qu'ils sont picquez dedans la chair. Ils portent les cheveux fort noirs & longs iusques sur la hanche, toutesfois ils les troussent d'une façon qui leur est bien seante. Ils sont grands dissimulateurs & traistres, vaillans de leurs personnes & combattent fort bien, ils n'ont autres armes que l'arc & la fiesche. Ils font la corde de leurs arcs d'un boyau de Cerf ou de cuir de Cerf, qu'ils sçauent aussi bien accoustrer qu'on sçaueroit faire en France, & d'aussi différentes couleurs. Ils ferment leurs fleches de dents de poisson & de pierre, qu'ils accoustront bien fort proprement. Ils font exercer les ieunes hommes à bien courir, & font entr'eux un certain prix que celuy qui a la plus longue haleine,

*Graines  
& herbes  
pour faire  
toutes sortes de  
bonnes couleurs.*

*Les mœurs  
& disposition des  
hommes.*



gaigne. Ils s'exercēt auffi fort à tirer de l'arc. Ils iouent à la pelote de ceste façon. Ils ont vn arbre planté au meilleu d'vne place, qui est de hauteur de huit ou neuf brassees, au fais duquel y a vn quarré fait d'eclisse, lequel donne gain de la partie à celuy qui en iouât l'a frappé. Ils prennēt grand plaisir à la chafse & à la pescherie. Les Roys du pais se font fort la guerre les vns aux autres, laquelle ne se meine que par surprise, & tuent tous les hommes qu'ils peuuent prendre: puis leur arrachent la teste pour auoir leur cheuelure, laquelle ils emportent à leur retour, pour, estans arriuez en leurs maisons, en faire le triomphe: ils sauuent les femmes & les enfans & les nourrissent & retiēent tousiours avec eux. Estans de retour de la guerre ils font assembler tous leurs subiets, & d'allegresse ils font trois iours & trois nuits à faire bonne chere, dancer & chanter. Ils font mesme dancer les plus anciennes femmes du pais, tenans les cheuelures de leurs ennemis en la main: & en dançant, chantent louanges au Soleil luy attribuant l'honneur de la victoire. Ils n'ont cognoissance de Dieu ny d'aucune religion, sinon, que ce qui leur apparoist comme le Soleil & la Lune.

*La façon  
de guerre  
des Flori-  
diens.*

*Prestres.*

Ils ont leurs Prestres ausquels ils croiēt fort,

pour autant qu'ils sont grands magiciens, grands deuins & inuocateurs de Diables. Ces Prestres leurs seruent de medecins & chirurgiens, ils portent tousiours avec eux vn plein sac d'herbes & de drogues, pour medeciner les malades qui sont la pluspart de verole: car ils aiment fort les femmes & les filles qu'ils appellent filles du Soleil: toutesfois quelques vns sont Sodomites. Ils se mariēt chacun à sa femme, & est permis aux Roys d'en auoir deux ou trois, toutesfois il n'y a que la premiere honoree & recongneuë pour Royne, & n'y a aussi que les enfans de ceste premiere femme qui heritent du biē & de l'autorité du pere. Les femmes font tout le mesnage, ils n'habitent point avec elles depuis qu'ils cōgnoissent qu'elles sont grosses, & ne mangent point de ce que elles touchēt, durāt qu'elles ont leurs fleurs. Il y a en tout ce pays grande quantité d'Her  
*Hermophrodites* mophrodites, lesquels ont tout le plus grand trauail, mesmes ils portent leurs viures quand ils vont à la guerre. Ils se peignent fort le visage, & s'emplissent les cheueux de dumel pour apparoirre plus effroyables. Les viures qu'ils portent sont de pain, de miel, & de farine faicte de mil grilé dedans le feu, lequel ils gardent sans se

gaster vn long temps. Ils portent aussi quelquefois du poisson qu'ils font cuire à la fumee. A la neccessité ils mangent mil vilennies iusques à aualler des charbons, & mettre du sable dedås la bouillie de ceste farine. Quand ils vont à la guerre, leur Roy marche le premier, avec vn baston en vne main, & son arc en l'autre, avec son carquois garny de flesches: Tous les hommes le suyuent, lesquels ont semblablemēt l'arc & les flesches. En combatant ils font de grands cris & exclamations. Ils ne font d'entreprise qu'ils n'assemblent par plusieurs fois leur Conseil, & conseillent fort bien vn affaire deuât que le refouldre. Ils s'assemblent tous les matins en la grande maison publique, là où le Roy se trouue, & se met seul sur vn siege qui est plus haut que les autres: là où les vns apres les autres le viennent saluer: & commencēt les plus anciens leur salut haussans les deux mains par deux fois à la hauteur de leur visage, disans ha, he, ya, ha, ha, & les autres respondent ha, ha. Ainsi qu'ils saluent, chacun s'affiet sur les sieges qui sont tout à l'entour du dedås de la maison. S'il y a quelque chose à traicter, le Roy appelle les Iaruars, c'est à dire leurs Prestres & les plus anciens,

& leurs demande leur aduis : puis il commande que l'on face du casiné , qui est vn breuuage composé des fucilles d'un certain arbre, ce casiné se boit tout chaud. Il boit le premier, puis en fait donner à tous l'un apres l'autre dedans le vase mesme qui tient bien vne quarte mesure de Paris. Ils font si grand cas de ce breuuage que nul ne peut boire en ceste assemblée s'il n'a fait preuue de sa personne à la guerre. Dauantage ce breuuage a telle vertu qu'incontinent qu'ils l'ont beu, ils deuiennent tous en sueur, laquelle estant passée, oste la faim & la soif pour vingt quatre heures apres. Quand il meurt vn Roy, ils l'enterrent fort solennellement & sur la sepulture ils mettēt le hanap làoù il auoit de coustume de boire, & tout autour de ladite sepulture ils plantent force flesches, & sont trois iours & trois nuicts sans cesser de plorer, & sans manger ; Tous les Roys ses amis font le semblable dueil : & pour tesmoignage de l'amitié qu'ils luy portent, ils coupent plus de la moitié de leurs cheueux tant hommes que femmes. Il y a durant le temps de six lunes quelques fēmes delegees, lesquelles pleurēt la mort de ce Roy trois fois le iour & crians à haute voix, à sçauoir au matin, à midy, & au soir.



# L'HISTOIRE DE

Tous les biens de ce Roy sont mis dans sa maison : puis l'on met le feu dedans, en sorte que l'on n'y voit iamais rien. L'on en fait autant du bien des Prestres : & d'auantage l'on enterre le corps dudit Prestre dedans la maison : puis ils y mettent le feu. Ils sement leur mil deux fois l'annee, c'est à sçauoir en Mars, & en Iuin, & tout en vne mesme terre. Ledit mil, depuis qu'il est semé iusques à ce qu'il soit prest à cueillir n'est que trois mois. Les six autres moys ils laissent reposer la terre. Ils recueillent aussi de belles citroylles & de fort bonnes febues. Ils ne fument point leur terre seulement quand ils veulent semer, ils mettent le feu dedans les herbes qui sont creües durant les six moys, & les font toutes brusler. Ils labourent leur terre d'un instrument de bois qui est fait comme vne mare ou houë large, dequoy l'on laboure les vignes en France : ils mettent deux grains de mil ensemble. Quand il faut ensemençer les terres, le Roy commande à un des siens de faire tous les iours assembler les subiets pour se trouuer au labour, durant lequel le Roy leur fait faire force breuuage duquel nous auôs parlé. En la saison que l'on recueille le mil, il est tout porté en la maison publique, là où il est distribué à chacun selon sa qualité. Ils

*Semence  
deux fois  
l'annee.*

ne fement que ce qu'ils pensent qui leur est  
 necessaire pour six moys , encore bien peti-  
 tement: car durant l'hiuer, ils se retirent trois  
 ou quatre mois de l'annee dedans les bois:  
 là où ils font de petites maisons de palmites  
 pour leur retirer , & vivent là de gland , de  
 poisson qu'ils peschent, d'huiſtres, de cerfs,  
 poules d'Indes, & autres animaux qu'ils pré-  
 nent. Ils mangent toutes leurs viandes ro-  
 sties sur les charbons , & boucauees , c'est à  
 dire, quasi cuiſtes à la fumee. Ils mangent  
 volontiers de la chair d'un Crocodil: & de  
 fait elle est belle & blanche, & n'estoit qu'el-  
 le sent trop le musc, nous en eussions souuen-  
 tesfois mangé: ils ont vne coustume entre  
 eux que quand ils se trouuent mal, là où ils  
 sentent la douleur , en lieu que nous nous  
 faisons saigner , leurs medecins les succent  
 iusques à leur faire venir le sang. Les fem-  
 mes sont semblablement disposees, & gran-  
 des, & de la mesme couleur des hōmes, pein-  
 tes comme les hommes , toutesfois quand  
 ils naissent ils ne sont point si oliuastres , &  
 sont beauconp plus blanches. Car la prin-  
 cipale cause de laquelle leur vient ceste cou-  
 leur, est des onctions d'huile dont ils v sent  
 entr'eux, & le font pour certaine ceremonie  
 que ie n'ay sceu sçauoir , & à cause aussi du

*Coustume  
 & façon  
 de guérir.*

*L'huile  
 trouuee en  
 la Floride*

L'HISTOIRE DE

Soleil qui leur donne dessus leur corps. La disposition des femmes est si grande qu'elles peuuent passer à nage de grandes riuieres, tenans leurs enfans sur vn bras, mesmes elles montent fort dispostemēt, sur les plus haults arbres du païs.

Voyla en bref la description du païs, avec la nature & coustume des habitans, que i'ay bien voulu escrire auant que d'entrer plus auant sur le discours de mon histoire, à fin que les lecteurs fussent mieux disposez à entendre ce que i'entens discourir cy apres.

L'Admiral de Chastillon, Seigneur plus desireux du bien public que de son propre, ayāt cognu la volōtè du Roy son Prince, qui estoit de faire recognoistre les terres neuues, fit en toute diligence equipper des vaisseaux propres pour ce fait, & leuer gens dignes de telle entreprise: entre lesquels il esleut le Capitaine Iean Ribaut, homme veritablement experimenté au fait de la marine, lequel ayant receu son commandemēt se mit en mer l'an mil cinq cēs soixāte deux, le dixhuietiemes iour de Feurier, accompagné seulement de deux Roberges du Roy: mais si bien fournies de Gentils-hommes, du nombre desquels i'estois, & de vieux sol-

dats, qu'il auoit moyé de faire quelque chose memorable & remarquable à iamais.

Ayant doncques nauigué deux moys sans aucunement tenir la route accoustumee des Espagnols, il prist port en la nouuelle France, terrissant pres vn Cap, ou promontoire non releué de terre, pource que la coste est toute plate, mais de hautes forests seulement: lequel à son abord, il appella CAP FRANÇOIS en l'honneur de nostre France. Ce Cap est distant de l'Equateur enuiron trente degrez. De ce lieu costoyant vers le Septentrion, il decouurit vne fort belle & grande riuere: laquelle luy donna occasion d'ancrer pour le lendemain l'aller reconnoistre au plus matin, ce qu'ayant fait & presque à l'aube du iour, accompagné du Capitaine Fiquinville & de plusieurs soldats de son bord, il ne fut si tost arriué à la lisiere du riuage, qu'il recongnut plusieurs Indiens hommes & femmes, qui tout expres s'estoient transportez en ce lieu pour y receuoir les François avec toute douceur & amitié: comme bien ils monstrent par la harangue, que leur Roy fit, & les presents de peaux de Chamoys, desquels il honora le Capitaine, qui le iour suyuant fit planter dedans ladite riuere & non fort loin de

Cap François.



l'emboucheure d'icelle vne colonne de pierre de taille sur vn petit costau de terre sablonneuse, en laquelle les armoiries de France estoient empreintes & grauees. Ce fait, il s'embarqua de rechef afin de tousiours pour suiure la recognoissance qu'il vouloit faire de la coste Septentrionnale. Apres auoir nauigué quelque temps, il prist terre en l'autre costé de la riuiera : & lors commanda, en la presence de quelques Indiens qui l'attendoient expres, de faire les prieres, pour remercier le Seigneur de ce que sans peril ou danger aucun, il auoit conduit par sa grace le peuple François iusques à ces lieux estranges. Les prieres acheuees, les Indiens qui s'estoient rendus fort attentifs à les escouter, estimans (à mon iugement) que nous adorions le Soleil, pour ce que nous auions tousiours les yeux au Ciel, se leuerēt tous & vindrent saluer le Capitaine Iean Ribault, promettant de luy monstrier leur Roy, qui ne s'estoit leué comme eux, ains estoit demeuré assis sur les fueillages verds de Lauriers & Palmiers. Vers lequel le Capitaine s'achemina, s'assit pres de luy, & l'entendit assez longuemēt discourir, mais avec vn assez maigre plaisir, pource qu'il ne pouuoit entendre son langage, & moins encore  
la

la cõception de son esprit. Au partir, le Roy donna au Capitaine vn pannache d'Aigrette teint en rouge , & vn panier à l'Indienne composé de Palmites, & tissu fort artificiellement, avec vne grande peau peinte & figuree par tout de diuers animaux sauuages, si viuement representez & pourtraits, que rien n'y restoit que la vie. Le Capitaine pour ne se monstrier ingrat, luy donna de petits brasselets d'estain argétez, vne serpe, vn miroir, & des cousteaux: dõt le Roy se môstra en estre fort ioyeux, & amplement satisfait. La pluspart du iour passé avec les Indiens, le Capitaine s'embarqua pour passer à l'autre bord de la riuiera, dont le Roy se monstra grandement contristé. Toutefois n'y pouuant donner ordre, commanda qu'en toute diligence on nous peschast du poisson, ce qu'ils firent en vn instant: car estans entrez en leurs parcs composez de roseaux & faits en façon d'une laberinth, ils nous chargerēt de Truites, de gros Mullets, de Plyes, de Turbots, & d'une infinité d'autres especes toutes differētes des nostres. Ce fait, entraſmes en nos barques & tiraſmes de l'autre part. Mais auant qu'aborder nous fusmes ſaluez d'un autre nombre d'Indiēs, lesquels se mettans en l'eau iusques aux esſelles nous

*Meures  
blanches  
& rouges,*

apporterent force petits paniers pleins de mil & de franches meures blanches & rouges : les autres se presenterent pour nous porter en terre: où estans descendus nous apperceusmes leur Roy assis sur vne ramee, & petite frescade de Cedres & Lauriers quel que peu separée du riuage de l'eau. Il estoit accompagné de deux de ses enfans beaux & puissans au possible: & d'une troupe d'Indiens qui tous auoient l'arc & la trouffe pleine de flesches merueilleusemēt bien en conche: les deux enfans receurent gracieusement le Capitaine: mais le Roy leur pere monstrant vne grauité, ie ne scay quelle, ne fait sinon branfler quelque peu la teste: lors que le Capitaine s'aduança pour le saluer, & sans se mouuoir autrement, tint vne si constante grauité, qu'il fait paroistre qu'à bon & iuste droict il portoit le tiltre de Roy. Le Capitaine ne sçachant que iuger du port de cest homme, pensa qu'il estoit ialoux de ce que premieremēt nous estiōs allez vers l'autre, ou bien qu'il n'estoit trop content de la borne que nous auions plantec. Sur ce ne sçachant que resouldre, l'vn fit entendre par signes, qu'il l'estoit venu trouuer exprez de lointaine region, pour luy faire cognoistre l'amitié qu'il vouloit auoir avecques luy:

pour laquelle mieux allier , luy tira d'une malette quelques singularitez , comme des brasselets en façon d'or & d'argent, qu'il luy presenta, & quelques autres ioyaux à ses enfans: qui fut cause que le Roy se mit à caresser amiablement le Capitaine, & nous . Et apres ces caresses nous nous acheminasmes dedans les bois , esperans y recognoistre quelques singularitez: qui furent force meurriers blancs & rouges , sur la sommité desquels y avoit une infinité de vers à soye. Pour suyvre nostre sentier nous descouvrismes une belle & grande prairie, entrelassée pourtant de plusieurs marescages, qui nous contraignirent, à raison de l'eau qui de tous costez l'environnoit , de rebourser chemin vers le riuage . Là nous ne trouuans le Roy, qui ia s'estoit retiré en sa demeure, entraismes en nos barques, & nauigasmes vers nos vaisseaux: où arriuez appellasmes ceste riuere, la riuere de May, pour ce que le premier de ce mois nous l'auions descouuerte, bien tost apres que nous fusmes retournez à nos vaisseaux , les ancres furent leuees & les voiles appareillees pour plus auant descouvrir la coste, le long de laquelle nous descouvrismes une autre belle riuere que le Capitaine voulut luy mesme recognoistre: & l'ayât

*Infinité  
de vers à  
soye.*

*Riuere de  
May.*



# L'HISTOIRE DE

*Seine.*

recogneuë avec le Roy & les habitans d'icelle la nôma Seine, pource qu'elle approche bien fort de la Seine de France. De ceste riuiere nous retirasmes vers nos vaisseaux: où arriuez appareillasmes nos voilles pour plus auant nauiguer vers le Septentrion, & recognoistre les singularitez de la coste. Mais nous n'eusmes fait grand chemin que nous descouurismes vne autre assez belle riuiere, qui nous causa poser l'ancre au trauers d'icelle, & armer deux barques pour l'aller recognoistre. Nous y trouuasmes vne Isle, & vn Roy non moins affable que les autres, puis

*Somme.*

nômasmes ceste riuiere Somme: de là nous nauigasmes encores enuiron six lieües, puis no<sup>r</sup> descouurismes vne autre riuiere, laquelle recogneuë, fut par nous baptisee du nom

*Loyre.*

de Loire. Et consequemmēt en descouurismes cinq autres: la premiere desquelles fut

*Charente,  
Garonne,  
Gironde,  
Belle,  
grande,*

appellée Charente: la seconde Garonne: la tierce Gironde: la quatriesme Belle: la cinqiesme Grande. Lesquelles bien recogneuës, & le contenu en icelles, nous pouuio<sup>s</sup> auoir desia, en moins de soixante lieües de païs, veu plusieurs singularitez le long de neuf riuieres. Toutesfois non assez satisfaits, singlasmes encore plus vers le Septentrion, poursuyuans la traiète qui nous pouuoit

conduire iusques à la riuiere de Iordan, l'vne des plus belles de tout le Septentrion . Et tenans nostre route accoustumee, suruintrent de grandes bruines & tourmente, qui nous contraignirent abandonner la coste pour singler en plaine mer, qui fut cause que nous perdismes nos barques de veuë vn iour & vne nuit, iusques au lendemain matin, que le temps fait serain & la mer bonnasse, nous descourismes vne riuiere que nous appellons Belle à veoir. Puis ayans singlé trois ou quatre lieües, commençasmes à descourir nos barques qui venoiët droit à nous. Et à leur arriuee rapporterët au Capitaine que pendant l'iniure du temps & les obscures bruines, elles s'estoient retirees dedans vne grande riuiere qui en grandeur & beauté excedoit les autres: dõt le Capitaine receut vn grãdissime cõtentement: car tout le plus de son desir estoit, de trouuer haure pour loger ses vaisseaux & là nous refraichir quelque espace de temps. Ainsi tirans vers ceste part arriuasmes au trauers de ladite riuiere (qui à raison de sa beauté & grandeur, fut appelée Port Royal) mismes les voilles bas, & posasmes l'ancre à dix brasses d'eau. Car la profondeur y est telle, nommement quand la Mer commence à fluer dedans,

Port  
Royal sur  
les 32. de-  
grez de  
latitudes.

que les plus grands vaisseaux de France, voire les Caragues de Venise y pouuoient entrer. L'ancre posé, le Capitaine avec ses soldats mit pied à terre : & descendit premierement, où nous trouuâmes le lieu si plaisant & delectable que rien plus : car il estoit tout reçovert de hauts Chesnes & Cedres en infinité, & au dessous d'iceux, de Lentisques de si suauë odeur, qu'iceluy seul faisoit trouuer le lieu de tref-grand contentement. Cheminans au trauers de ces rames nous ne voyôs autre chose que Poules d'Indes s'enuoller par les forests, Perdrix grises & rouges, quelque peu differentes des nostres, mais en grandeur principalement. Nous entendions aussi des Cerfs brosser parmy les forests, des Ours, des Loupceruiers, des Leopards, & autres plusieurs especes d'animaux à nous incognus. Contens de ce lieu, nous nous meismes à pescher avec la Seine, & prîmes en si bõ nombre de poisson, que c'estoit chose admirable. Et entre autres, no<sup>9</sup> en prîmes d'une espece que nous appellons Saillicoques, qui n'estoiét moins grosses que Escreuisses, de sorte que deux traits de Seine estoient suffisans quelquefois pour nourrir vn iour l'equipage de nos deux vaisseaux. La riuere n'a moins en son em-

bouchement de cap en cap de trois lieues  
 Françoises : elle se separe au reste en deux  
 grands bras d'eau : l'un fait son cours vers  
 l'Occident, & l'autre vers le Septentrion. Et  
 croy à mon iugement que celuy de Septen-  
 trion se va rendre per dedans des terres iuf-  
 ques à la riuiera de Iourdan, l'autre se rend  
 en la mer, comme il a esté cognu de ceux  
 qui demeurent en ce lieu . Ces deux bras  
 d'eau tiennēt en largeur deux grādes lieues,  
 & au millieu d'iceux y a vne Isle, qui finist  
 en pointe vers l'ouuert de la grande riuiera,  
 dedās laquelle il y a vn nōbre infiny de tou-  
 tes especes d'estranges d'animaux. Il y a des  
 simples de si rares proprietiez, & en si gran-  
 de quātité, que c'est chose excellēte à veoir.  
 Aux enuirs on ne voit sinon Palmiers &  
 autres plusieurs arbres portans fleurs &  
 fruiets de fort rares figures, & de bō odeur.  
 Or voyans la nuit approcher, & que le Ca-  
 pitaine deliberoit retourner aux nauires, le  
 priasmes nous permettre passer la nuit en  
 ce lieu. Pédant nostre absence les Pilotes &  
 maistres Nautonniers, feirent entendre au  
 Capitaine qu'il estoit besoin faire entrer  
 les nauires plus dedans la riuiera, afin d'eui-  
 ter les iniures des vents qui nous pouuoient  
 estre nuisibles, pour estre si proches de

*Passage  
 en la mer  
 de Sud.*

*Herbes  
 simples.*



l'emboucheure : & à raison de ce le Capitaine nous, manda. Estans arriuez nous nauigeafmes encores plus de trois grâdes lieües dedans la riuere, & là posafmes l'ancre. Peu de temps apres Iean Ribauld accompagné de bon nombre de soldats, s'embarqua, desirant nauiguer dans le bras de l'Occident, & recognoistre les commoditez du lieu.

*Douze  
lieues.*

Ayans singlé bien douze lieues nous aperceufmes vne troupe d'Indiens lesquels aussi tost qu'ils eurent cognoissance des barques, entrerent en vne frayeur si grâde qu'ils s'eua derent par les bois, abandonnans vn ieune Loupceruier, qu'ils faisoient tourner à la broche: pour ceste cause le lieu fut nômé le *Cap de Loup*. Pourfuyuâs le chemin nous trou uafmes vn autre bras d'eau qui faisoit son cours vers l'Orient, par lequel le Capitaine resolut nauiguer & quicter le grâd courant. Peu de tēps apres cōmencerēt à descouurir plusieurs autres Indiēs & Indiennes à demy cachez dedans les bois, lesquels ignorans l'amitié qu'on leur desiroit, s'espouuante rent de prime facē, mais tost apres furent asseurez. Car le Capitaine leur feit mōstrer force marchandise à descouuert, dont ils cogneurent, qu'on ne leur vouloit sinon plaisir, & feirent lors signe que meiffions

pied en terre: ce que nous ne voulusmes re-  
 fufer: à la descente vindrent plusieurs d'en-  
 treux faluer nostre chef, selon leur façon  
 barbare: les vns luy dōnoient des Chamōis,  
 les autres des petits panniens de Palmites:  
 quelques vns luy presenterent des perles,  
 mais non en quantité: puis se meirent en  
 déuoir de dresser vne frescade, pour en ce  
 lieu nous ombrager contre l'ardente cha-  
 leur du Soleil. Mais nous ne voulions tarder  
 pour lors: dont le Capitaine les mercia de  
 leur amiable volonté, & leur fit à tous pre-  
 sens: par lesquels il les sceut si bien conten-  
 ter auant son partir, que son brief depart ne  
 leur estoit grandement agreable: car le co-  
 gnoissans si liberal, ils eussent bien desiré sa  
 demeure vn peu pl<sup>s</sup> lōgue, s'essayās par tous  
 moyens luy en donner occasion: luy faisant  
 entendre par tous signes qu'il seiournast ce  
 iour seulement, & qu'ils auoiēt enuie d'ad-  
 uertir vn grand seigneur Indien qui auoit  
 des perles en grande quantité, mesmes de  
 l'argent, toutes lesquelles choses luy feroiēt  
 presentees à son arriuée: disans d'autre part  
 que pendant la venuë de ce Seigneur ils le  
 meneroient à leurs demeures, & là luy fe-  
 roient receuoir mil plaisirs à tirer l'arc, & à  
 veoir fiescher le Cerf, pour ceste cause le

Chamōis.

Perles.

 Grand  
 quantité  
 de per-  
 les &c.

prierent ne vouloir refuser . Nonobstant, nous retournasmes vers les vaisseaux : lesquels ayans seiourné seulement vne nuit, le Capitaine commanda le matin, mettre dedans la barque vne borne taillee en façon de colonne, en laquelle les armoiries du Roy de France estoient grauees, pour au plus beau lieu qu'il pourroit descouurir la faire plâter: ce fait, nous nous embarquasmes & singlasmes la part d'Occident environ trois lieues: où nous descouurismes vne petite riuere, dedans laquelle nous nauigasmes tant, qu'en fin la trouuasmes retourner au grand courant, & en son tour composer vne petite Isle, separee de la terre ferme, en laquelle nous descendismes: & par le commandement du Capitaine, pource qu'elle estoit belle & plaisante au possible, y plantasmes la borne, dessus vne petite coline toute esplanee: & environnee d'un estang profond de demy brasse d'eau fort bonne & douce, dedans lequel, nous apperceusmes deux Cerfs grâds outre mesure, au regard de ceux que nous auions veu auparauant: lesquels aisément nous eussions harquebusez, si le Capitaine ne l'eust deffendu, meu de la singuliere beauté & grandeur d'iceux. Or a-

uant que partir, nous appellasmes la petite riuere qui enuironnoit cest Isle, riuere de Liborne. Puis nous nous embarquasmes pour recognoistre vne autre Isle non beaucoup distante de la premiere : en laquelle ayans pris terre, ne trouuasmes que de hauts Cedres, les plus beaux qui se soient veuz en tout ce pais là : pour ceste cause nous l'appellasmes l'Isle des Cedres : & nous nous rembarquasmes pour aller vers nos vaisseaux.

Quelques iours apres Iean Ribaut delibera retourner encore vers les Indiens qui habitoient le bras Occidental de la riuere, & mener auecques luy bon nombre de gens de guerre : car son dessein estoit de prendre deux Indiens de ce lieu, pour faire passer en France, ainsi que la Royne luy auoit commandé. Ce point arresté, nous reprismes la route premiere, tant qu'en fin arriuasmes au lieu mesmes, où premierement nous auions trouué les Indiens, de là nous emmenasmes par le congé du Roy, deux Indiens : lesquels se sentans mieux fauorisez que les autres, s'estimoient fort heureux de demourer. Les voilles furent incotinét appareillees, & nauigeasmes vers la grande riuere. Mais ces deux Indiens



voyans que ne faisions aucun semblant de mettre pied en terre, ains seulement de pourfuyre le meilleur du courant, commencerent vn peu à se fâcher, & à toute force se vouloient ietter en l'eau : car ils sont si accords à nager, que tout incontinent ils eussent gagné les forests. Toutefois cognoissans leur humeur, nous y prîmes garde de pres, & essayâmes par tous moyens de les contenir: ce qu'il ne nous estoit possible pour lors, iâçoit qu'on leur presentast choses qu'ils estimoient beaucoup : lesquelles ils desdaignoient prendre, & rendoient à l'opposite tout ce qu'on leur auoit donné, pensans que tels dōs les eussent du tout obligez, & qu'en les rendant, la liberté leur seroit octroyee. Cognoissans en fin que tout ce qu'ils faisoient ne leur aydoit en rien, ils supplierent qu'on leur donnast ce qu'ils auoient réduit, ce que nous fîmes à l'instant : alors ils s'approcherent l'vn de l'autre & se prirent à chanter, accordâns si doucement ensemble, qu'il sembloit à ouyr leur chant, qu'ils lamentassent pour l'absence de leurs amis. Ils continuerent leurs chansons toute la nuit sans cesser, pendant laquelle nous fûmes contraints poser l'ancre pour le flot qui nous estoit contraire. Mais nous nous appareillâmes le

lendemain de grand matin, & retournâmes aux nauires. Incontinent que nous fusmes arriuez, vn chacun s'efforça de gratifier les deux Indiens & leur monstrier le meilleur visage qu'il estoit possible: afin que par telles caresses ils recogneussent le bon desir & affection que nous auions de leur demourer amis à l'aduenir. Nous leur presentâmes alors à manger: mais ils le refuserent & nous firent entendre que premier que manger ils auoient accoustumé de se lauer la face, & attendre que le Soleil fust couché, qui est vne ceremonie commune à tous les Indiens de la nouuelle France. En la fin toutefois ils furent cōtraints d'oublier leurs superstitions, & de s'accōmoder à nostre naturel, ce qui leur fut vn peu estrange du cōmencement. Ils demeurerēt doncques plus gaillards: & nous feirent à chacune heure mil discours, marris au possible de ce que ne les pouuions entendre. Ils commencerent de me porter peu de iours apres vne amitié, dy-ie, si affectionnee, que plus tost cōme ie croy, ils fussent morts de faim & de soif, que de reprendre leur refection sinon de ma main. Voyans si grande amitié, ie m'essaye d'apprédre quelques termes Indiens, & commence à leur demander, mon-

L'HISTOIRE DE

strant la chose, de laquelle ie desirois sçauoir le nom commét ils l'appelloient. Ils estoient fort ioyeux de le me dire, & cognoissans l'affection que i'auois de sçauoir leur langage, ils m'inuitoient apres à leur demander quelque chose. Tellement que mettant par escrit les termes & locutions Indiennes, ie pouuois entendre la plus grand part de leur discours. Tous les iours ils ne me faisoient sinon que parler de l'enuie qu'ils auoient de me bien traicter, si nous retournions à leurs demeures: & me faire receuoir tous les plaisirs dont ils se pourroient aduiser, tant à la chasse, qu'à veoir leurs plus estranges & superstitieuses ceremonies à vne feste qu'ils appellent *Toya*: laquelle ils gardent aussi estroittement que nous faisons le iour du repos. Ils me donnerent à entendre, qu'ils me meneroient veoir le plus grand Seigneur de ceste terre, qu'ils appellent Chiquola, lequel les surpassoit en grâdeur (à ce qu'ils me monstrerent) d'un grand pied & demy. Ils me disoient qu'il habitoit au dedans des terres en un lieu fort spacieux & enclos au meilleur d'une excessiue hauteur, mais ie ne peu comprendre de quoy. Et selon mon iugement ce lieu duquel ils me discouroient, estoit vne fort belle ville, car ils me dirent que dedans

*Le Roy  
Chiquola  
ou Chicora  
de grande  
stature.*

l'enclos y auoit grand nombre de maisons & fort hautement releuees: dedans lesquelles il y auoit vn nombre infiny d'hommes semblables à eux, lesquels ne se soucient ny d'or, ny d'argent, ny de perles, pourautant qu'ils en auoient en abondance. Le commence alors de leur monstrier toutes les parts, à fin de sçauoir celle en laquelle ils habitoient: & l'vn d'iceux à l'instant me mōstra avec la main estendue, qu'il demouroit vers les parties de Septentrion: ce qui me fait penser que c'estoit en la riuiera de Iourdan. Et me ressouuint à l'heure du temps de l'Empereur Charles le quint, que quelques Espagnols habitans de saint Domingo (lesquels estoient partis pour recouurer des esclaves pour besongner à leurs mines) attirerent cauteleusement les habitans de ceste riuiera iusqu'au nombre de quarante, pensans les mener en leur nouuelle Espagne. Mais ils perdirent leur temps: car de despit ils se laisserēt tous mourir de faim, excepté vn qui fut mené à l'Empereur, lequel le fit peu apres baptiser, & luy dōna son nō, & l'appella Charles de Chiquola, parce qu'il ne parloit sinon de ce Seigneur, duquel il estoit subiect. Mesmes, à ce que m'ont tesmoigné hommes dignes de foy, il discouroit à toute heure, que Chiquola faisoit sa demeure

*Or, argent  
& perles  
en abon-  
dance.*

*Chicola  
est vers le  
Septentrion  
du port  
Royal.*



dedans vn fort grād enclos. Outre ceste approbation, ceux qui furent delaissez du premier voyage m'ont certifié que les Indiens leur ont fait entendre par signes intelligibles, que plus dedās les terres vers la mesme part de Septétrion y auoit vn grand enclos, & au dedans d'iceluy force belles maisons, dedans lesquelles habitoit Chiquola. Mais pour n'extrauaguer de mon propos, ie retourneray à l'Indien, lequel prenoit si grand plaisir de me parler de ce Chiquola, qu'il ne se passoit vn seul iour, sans qu'il ne fist discours de quelque chose rare. Ayans demouré quelque temps en nos vaisseaux se commencerent d'ennuyer, & ne me parlerent plus sinon de retourner. Je leur faisois entendre que la volonté du Capitaine estoit de les renuoyer : mais qu'il auoit enuie auparavant leur donner des accoustremens, lesquels peu de iours ensuyuans leurs furent deliurez : mais voyant que l'on ne leur vouloit donner congé, ils se resolurēt de se dérober de nuit, & prendre vn petit basteau que nous auions, & aydez de la marée, tenir le chemin de leurs demeures, & par ce moyē se sauuer. Ce qu'ils ne faillirent de faire, & mirent leur entreprise à execution, laissant toutefois les accoustremens que le

Capitaine

Capitaine leur auoit dōnez & n'emportans rien sinon ce qui leur apartenoit , monstrās bien par cela qu'ils n'estoient priuez de la raison. Le Capitaine ne se soucia pas beaucoup de leur depart , attendu qu'on ne leur auoit fait sinon bon traitement, & que pour ces causes ils ne s'estrangeroyent des François . Doncques le Capitaine Ribaut cognoissant la singuliere beauté de ceste riuie-  
re, desiroit par tous moyēs inciter quelques hommes à l'habiter , preuoyant bien que telle chose estoit de grāde importance pour le seruice du Roy & soulagement de la republique Françoise. Pour ceste cause faisant ce qu'il en pensoit , il commanda de leuer les ancrs, & appareiller pour retourner à l'ouuert de la riuie-  
re, à celle fin que si le vent venoit commode, il sortist d'icelle pour accō-  
plir le reste de son dessein. Estans doncques venus à l'emboucheure , il feit poser l'ancre, dont nous demourasmes sans rien descou-  
rir tout le reste du iour . Le lendemain il commanda que tous les hommes de son bord mōtassent sur la Coursil, & qu'il auoit quelque chose à leur proposer. Ils monterēt tous, & à l'instant, le Capitaine commença à parler en ceste façon. Je croy que nul de vous n'ignore de combien nostre entrepri-

# L'HISTOIRE DE

Harague  
du Capi-  
taine Jean  
Ribaut.

se est de grande consequence : & combien  
aussi elle est agreable à nostre ieune Roy:  
pourtant, mes amis, desirant & vostre hon-  
neur & vostre bien, ie nay voulu faillir vous  
faire entendre à tous le grādissime heur que  
ce seroit à ceux, lesquels comme magnani-  
mes & de vertueux courage voudroient es-  
fayer en nostre premiere descouuerte les  
biens & commoditez de ceste nouuelle ter-  
re : qui seroit, comme ie m'asseure, la plus  
grande occasion qui leur pourroit iamais  
aduenir pour paruenir au titre & degre d'hō  
neur. Et pour ceste cause i'ay biē voulu vous  
proposer deuant les yeux la memoire eter-  
nelle qu'à bon & iuste tiltre meritent ceux,  
lesquels oublians & leurs parens & leur pa-  
trie, ont osé entreprendre chose de telle im-  
portance : lesquels les Roys mesmes co-  
gnoissans seruiteurs, tendans à si haut degre  
de magnanimité & augmentation de leurs  
maiestez, ne desdaignent si bien les remar-  
quer, que par apres les employans à choses  
graues & de haute entreprise, ils immortalis-  
ent leur nom à iamais. Ie vous prietoutes  
fois ne vous persuader, comme plusieurs  
font, que tel heur ne vous pourroit adue-  
nir, comme n'estans cognuz ny du Roy ny  
des Princes du Royaume, & extraits au

reste de race si petite, que nul ou peu de vos  
parens, n'ayans iamais fait profession des  
armes, n'ont esté cognuz des grands. Car ia-  
çoit que de mes ieunes ans, i'aye moy-mes-  
me appliqué tout mon entendement à les  
suyure, & qu'en tant de perils i'aye hazardé  
ma vie, pour le seruice de mon Prince, ie n'y  
ay pourtant iamais peu paruenir, non que  
ie ne meritasse ce tiltre & degré de com-  
mandemēt, comme i'ay veu aduenir à beau-  
coup d'autres, pour seulement auoir esté  
extraits de race genereuse, lors que l'on a eu  
plustost regard à leur qualité, qu'à leur vertu.  
Car ie n'ignore point que si l'on y eust eu es-  
gard, que plusieurs se fussent trouuez meri-  
ter mieux le tiltre, & à bon & iuste droict es-  
stre nommez nobles & vertueux. Je fe-  
ray doncques suffisantes responcez à tel-  
les propositions, & à ces choses que me  
pourriez obiecter, mettant en auant les  
infinis exemples, que nous auons des  
Romains : lesquels pour le poinct d'hon-  
neur ont esté les premiers triomphateurs  
du monde. Car combien en trouuons  
nous entr'eux, lesquels pour leur tant gran-  
des & magnanimes entreprises, non pour  
la grandeur de leur race, ont acquis ce



point de triôpher? S'il faut auoir recours à  
 „ leurs ancestres, on trouuera que leurs peres  
 „ estoient d'estat si vil, que par le seul labeur  
 „ de leurs mains ils viuoient assez mechani-  
 „ quement. Comme le pere d'Ælie Pertinax,  
 „ lequel estoit pauvre artisan, mesme son  
 „ ayeul auoit esté esclaue, à ce que tesmoignēt  
 „ les Historiographes: & nonobstant ces cho-  
 „ ses, meü d'un magnanime courage, ne meit  
 „ rien en doute pour tout cela, ains desirant  
 „ aspirer à choses plus hautes, il commença  
 „ d'une gayeté de cœur à prendre les armes,  
 „ & feit si bien par icelles, que de degré en de-  
 „ gré il paruint iusques à estre Empereur des  
 „ Romains. Pour ceste dignité il ne voulut  
 „ mespriser ses parens: mais à l'opposite &  
 „ pour memorable spectacle d'iceux, fit re-  
 „ couvrir la boutique de son pere d'un mar-  
 „ bre bien clabouré, afin de seruir d'exemple  
 „ aux hommes extraits de basses & infimes  
 „ races, & leur donner occasion de tendre à  
 „ choses plus hautes, nonobstant la petitesse  
 „ de leurs predecesseurs. Je ne tairay l'excel-  
 „ lence & vertu du vaillant & redouté Agato-  
 „ cles extrait d'un simple Potier, & toutesfois  
 „ oubliant le contemptible estat de son pere,  
 „ il sceut si bien de ses ieunes ans se ranger à la  
 „ vertu, que par la faueur des armes il paruint

iufques à eſtre Roy de Sicile. Et pour cetil-  
tre, il ne ſe voulut taire eſtre fils d'un Potier: „  
mais pour eterniſer dauantage la memoire „  
de ſes parens, & illuſtrer ſon nom, il com- „  
manda qu'il fuſt feruy à table de vafes d'or „  
& d'argent, & d'autres vaiſſeaux de terre: „  
monſtrant bien par cela, que la dignité, en „  
laquelle il ſe voyoit pour lors, ne luy eſtoit „  
acquiſe par ſes predeceſſeurs, mais par la „  
ſeule vertu. S'il faut parler de noſtre temps, „  
ie mettray en auant ſeulement Ruſten Baſ- „  
cha, ſuffiſant exemplaire à tous, lequel „  
nonobſtât qu'il fuſt fils d'un pauvre vacher, „  
ſceut ſi bien conduire ſa ieuneſſe en toute „  
vertu, qu'eſtant nourry au ſeruice du grand „  
Seigneur, faiſoit paroître aſpirer à choſes „  
graues & hautes: de ſorte que croiſſant en „  
aage il augmēta en magnanimité, tant qu'en „  
fin pour ſes excellentes vertus, il eſpouza la „  
ſille dudit grand Seigneur ſon prince. De „  
combien donc tant d'exemples memora- „  
bles vous doiuent ils inciter de demeurer, „  
attendu meſme, que par cela vous ſerez à ia- „  
mais remarquez, comme ceux qui lés pre- „  
miers auront habitée ceſte terre eſtrangere. „  
Ie vous ſupplie doncques tous d'y aduiſer, „  
& librement me declarer vos volōtez: pro- „  
teſtât ſi bien imprimer vos noms aux oreil- „

les du Roy, & des Princes, que vostre renommee à l'aduenir reluirea inextinguible par le meilleu de nostre France. A peine eut il acheué son propos, que la pluspart des soldats respondit qu'un plus grand heur ne leur pouuoit aduenir, cognoissans bien l'aggreable seruice, que par ce moyen ils faisoient à leur Prince: mesme que telle chose feroit l'augmentatation de tout l'honneur. Supplians le Capitaine, auant que partir de ce lieu, leur baillir vn fort, qu'ils esperoient puis apres acheuer: & leur laisser munitions necessaires pour leur defence, se monstrans, comme il sembloit, ennuyez de tant tarder à ce faire. Pour ceste cause Jean Ribaut ioyeux au possible de veoir hommes de si bonne volonté, delibera le lendemain recognoistre vn lieu le plus digne & commode d'estre habité. Parquoy il s'embarqua de grand matin & commanda d'estre suiuy de ceux qui auoient enuie d'y habiter, à celle fin qu'ils demeurassent plus contens de la place. Ayant nauigué dans la grande riuere du costé de Septentrion, en costoyant vne Isle qui finist en pointe vers l'éboucheure de la riuere: & ayant quelque téps singlé, il descouurit vne petite riuere, qui entroit par le dedans de l'Isle: laquelle il ne voulut

faillir de recognoistre. Ce faisant, & la trouuant assez profonde pour y retirer galleres & galliottes en assez bon nōbre: poursuiuāt plus auāt, il trouua vn lieu fort explané, ioinnant le bord d'icelle, auquel il descēdit : & voyāt la place commode pour y bastir forteresse, mesme agreable à ceux qui auoient enuie d'y habiter, resolut incontīnēt de faire mesurer la grādeur de la fortificatiō. Et cōsiderant qu'ils n'y demeureroiēt sinō vingthuiēt, il ne feit dōner au fort que seize toises de longueur, & treize de l'argeur, flanqué selon la proportion d'iceluy. La mesure prise par moy & le Capitaine Salles, on enuoya vers les vaisseaux pour auoir des hommes, & apporter des paises, pics, & autres instrumēs necessaires pour fortifier: on s'y porta si diligemment que le fort en peu de temps estoit aucunement en deffence. Pendant lequel temps Iean Ribaut fit apporter des viures & munitions de guerre pour la tuition de la place. Puis les ayans accommodez de tout ce qui leur estoit besoin, resolut prēdre congé d'eux. Mais auantque partir, tint propos au Capitaine Albert qu'il laissoit comme chef en ce lieu. Capitaine Albert, j'ay à vous prier en la presence de tous, que vous ayez à vous acquiter si sagement de vostre

*Plan du  
fort mesu-  
ré par le  
Capitai-  
ne Lau-  
donniere  
& le Ca-  
pitaine  
Salles.*



„ deuoir, & si modestement gouuerner la pe-  
 „ tite troupe, que ie vous laisse, laquelle de si  
 „ grande gayeté demeure souz vostre obeis-  
 „ sance, que iamais ie n'aye occasion que de  
 „ vous louer, & ne taire, comme i'en ay bon-  
 „ ne enuie, deuant le Roy, le fidelle seruice,  
 „ qu'en la presence de nous tous luy promet-  
 „ tez faire en sa nouuelle France. Et vous cō-  
 „ pagnons, dil-il, aux soldats, ie vous supplie  
 „ aussi recognoistre le Capitaine Albert, com-  
 „ me si c'estoit moy mesme qui demeurast, luy  
 „ rendans obeissance que le vray soldat doit  
 „ faire à son Chef & Capitaine, viuans en fra-  
 „ ternité les vns avec les autres sans aucune  
 „ dissention: & ce faisant Dieu vous assistera,  
 „ & benira vos entreprises. Ayant finy son  
 „ propos, nous prîmes congé de tous, & na-  
 „ uigeasmes vers nos vaisseaux, laissâs au fort  
 „ le nom de *Charlesfort*, & à la petite riuere  
 „ celui de *Chenonceau*. Satisfaits au possible  
 „ d'auoir si heureusement executé nos entre-  
 „ prises, nous deliberafmes le lendemain sor-  
 „ tir de celieu, esperans bien, si l'occasion le  
 „ pouuoit souffrir, descouurir au certain la  
 „ riuere de Iourdan. Pour ceste cause haussa-  
 „ mes les voilles sur les dix heures du matin,  
 „ puis estans appareillez, le Capitaine Ribaut  
 „ commanda tirer canonnades pour dire

*L. dit Fort  
 fut nom-  
 me Char-  
 lesfort.*

adieu à nos François, qui de leur part ne  
 foublierent à le nous rendre: ce fait, nous  
 pourfuyûmes le Septentrion: & fut lors  
 la riuere nommee pour sa grãdeur & beau-  
 té excellente, *Port Royal.* Esloignez d'icelle  
 enuiron quinze lieues, nous vîmes vne ri-  
 uiere, qui fut occasion d'y enuoyer la bar-  
 que, afin de la recognoistre. Laquelle de re-  
 tour, nous recita n'auoir trouué à l'embou-  
 cheure au plus profond, que demy brassé  
 d'eau. Ce qu'entendu, sans en faire autre cas,  
 nous continuâmes la route, & luy donnâ-  
 mes le nom de Riuere basse. Sondâs à cha-  
 cune heure, nous ne trouuions sinon cinq  
 & six brassées d'eau, iacoit que fussions di-  
 stâs de terre six grãdes lieues: en fin no<sup>r</sup> n'en  
 trouuâmes sinon trois, ce qui nous donna  
 beaucoup à pēser. Et sans plus pourfuyuir le  
 chemin, mîmes les voilles bas, en partie  
 pour le peu d'eau, en partie aussi pour la  
 nuit qui approchoit. Pendant laquelle, le  
 Capitaine Ieã Ribaut discourut en luy mes-  
 me, s'il deuoit passer plus outre, à cause des  
 perils eminens, qu'à cha cune minute d'heu-  
 re nous voyons deuant nos yeux: ou bien  
 s'il se deuoit contenter de ce qu'il auoit au  
 certain recognu: mesme laissẽ François, qui  
 ia possedoiẽt la terre. Ne pouuant resouldre

*Port royal.**Riuere  
basse.*

# L'HISTOIRE DE

de sa deliberation remit le tout au lendemain. Puis le iour venu, il proposa à tous de ce qui estoit besoin de faire, afin qu'un chacun en faine conscience en dist son opinion. Les vns luy firēt responce, que selon leur iugement il auoit occasion de se cōtenter, veu qu'il ne pouuoit faire dauantage; luy remettant deuant les yeux, qu'il l'auoit recognu en six sepmaines plus, que les Espagnols n'auoient fait en deux ans, és conquestes de leur nouuelle Espagne: & que ce seroit vn grandissime seruice qu'il feroit au Roy, s'il luy portoit nouuelles en si peu de temps de son heureuse descouuerte. Aucuns luy proposerent la perte & degast de ses viures, & d'autre part l'inconueniēt qui pourroit aduenir pour le peu d'eau qui se trouuoit de iour en iour le long de la coste. Ce que bien & au long debattu, fut resolu quitter icelle, laissans lors le Septentrion, pour nous arrouter à la part Orientale, qui est le vray sentier & cours de nostre France, en laquelle heureusemēt nous arriuasmes le vingtiesme iour de Iuillet, mil cinq cens soixante deux. Nos François apres nostre depart ne se dōnerent aucun repos, ains iour & nuiēt se fortifierent, esperās bien qu'apres que leur fort

*Arrivee  
en France  
du Capitaine  
Jean Ribaut le  
20. Iuillet  
1562.*

feroit acheué, ils commenceroiēt à descourir plus au dedās de la riuere. Il aduint vn iour ainsi qu'aucuns d'entreux couppoient des racines par les taillis, ils apperceurent à l'improuiste vn Indien, lequel chassoit aux bestes fauues, & lequel se voyāt si pres d'eux se trouua fort estonné. Mais les François commencerēt à l'approcher & le caresser si humainement, qu'il s'assura & les suiuit à *Charlesfort* où chacun s'efforça de le gratifier. Le Capitaine Albert fut fort ioyeux de sa venuë, lequel apres luy auoir donné vne chemise & autres petits ioyaux, il l'interrogea de sa demeure. L'Indien luy respondit qu'elle estoit plus dedans la riuere, & qu'il estoit vassal du Roy Audusta : mesme il luy monstra avec sa main les limites de son habitation. Apres plusieurs autres propos l'Indien supplia son congé, pourautant que la nuit estoit prochaine ; ce que le Capitaine Albert luy accorda tres-volontiers. Quelques iours apres, le Capitaine resolut nauiger vers Audusta, là où estant arriué, à raison de l'honneste traiçtement qu'il auoit fait à l'Indien, il fut si humainement receu, que le Roy ne luy tint autre propos, que de l'enuie qu'il auoit de luy

*Audusta*  
*Roy Indien*



# L'HISTOIRE DE

Quatre  
Rois In-  
diens.

estre amy pour l'aduenir, luy faisant au reste entendre que luy estant allié, il auroit quatre autres Roys à son amitié, lesquels en puissance & autorité pouuoient beaucoup en son endroit: outre tout cela, à sa necessité auoiét moyen de les secourir de viures: l'un de ses Roys se nommoit *Mayon*, l'autre *Hoya*, l'autre *Touppa*, & l'autre *Stalame*. Il luy dit d'auantage, qu'ils feroient fort ioyeux, lors qu'ils entendraient parler de sa venue, que pour ceste cause il le supplioit de les aller veoir. Le Capitaine volontairement sy accorda, pour le desir qu'il auoit d'acquérir amys en ce lieu. Parquoy ils partirent le lendemain de grand matin, & arriuerent premieremēt en la maison du Roy *Touppa*, poursuyuant en apres vers la maison des autres Roys, excepté celle du Roy *Stalame*. Il receut d'un chacun d'eux toutes les amiables caresses du monde, se monstrerent ses amys affectionnez tant que rien plus, & luy firent mil petits presens. Apres qu'il eut par l'espace de quelques iours demeuré avec ces Roys estrangers, il delibera prendre congé: puis estant arriué en la maison d'*Adusta*, il commanda à un chacun de se rembarquer: car il auoit resolu de tirer vers les terres de *Stalame*, lequel fait son habitation vers la partie Sep-

Habita-  
tion du  
Roy Sta-  
lame.

tentrionnale, à la distance de *Charlesfort* de quinze grandes lieues. Nauigeans donc par la riuere, ils entrerent dedans vn grād courant d'eau, lequel ils suiui-rēt tant qu'ils arriuerēt en la demeure de *Stalame*, lequel les mena en sa maison, là où il s'efforça de leur faire la meilleure chere, dōt il se peut aduiser. Il presēta à l'instāt au Capitaine Albert son arc & ses flesches, qui est vn signal & cōfirmatiō d'alliance qu'ils ont entr'eux : il luy presenta aussi des peaux de Chamois. Le Capitaine voyant que desia la pluspart du iour estoit passēe, print congé du Roy *Stalame* pour retourner vers *Charlesfort*, où il arriua le lendemain. L'amirié estoit ia si grāde entre nos Frāçois, & le Roy *Audusta*, que presque entre luy & eux estoient les biens communs : de sorte que ce bon Roy Indien ne faisoit rien de singulier, qu'il n'y appellast les nostres. Car sur ce que le temps estoit proche de celebrer leurs festes de *Toys*, ceremonies estranges à reciter, il enuoya des Embassadeurs vers les François, pour les supplier de sa part d'y assister, ce qu'ils accorderent tres volontiers, par l'enuie qu'ils auoient de sçauoir que c'estoit. Ils s'embarquerēt donc & nauigerent vers la demeure du Roy, lequel s'estoit desia acheminé au deuant d'eux

*Peaux de  
chamois  
presentees  
au Capi-  
taine Al-  
bert par le  
Roy Sta-  
lame.*

*Festes &  
ceremonies  
Indiennes  
estranges.*

pour les receuoir humainement, les careffer & conduire en sa maison : où il s'efforça de les traicter le mieux qu'il peut. Ce pendant les Indiens se preparoient pour celebrer la feste le lendemain : où le Roy les mena pour veoir la place, en laquelle la feste se deuoit faire . Là où ils virent plusieurs femmes à l'environ, lesquelles s'efforçoient par tous moyens rendre le lieu pur & net. Ce lieu estoit vn grand circuit de terre bien explané en rōde figure. Le lendemain doncques du grand matin, tous ceux qui estoient deleguez pour celebrer la feste, estans peints & emplumez de plusieurs & diuerses couleurs, s'acheminèrent, au partir de la maison du Roy, vers le lieu du *Toya*. Là où estans arriuez, ils se rangerent en ordonnance, & suiuirent trois Indiens, lesquels en peintures & façon de faire estoient differēs aux autres. Chacun d'eux portoit vn tabourasse en son poing, lors qu'ils commencerent à entrer au meilleur du rond, dançans & chantans lamentablement, estans suiuis des autres qui leur respondoient . Apres qu'ils eurent chanté, dancé, & tournoyé par trois fois, ils se prirent à courir, comme cheuaux debridez, par le meilleur des plus espees forests . Et les femmes Indiennes continuerent tout le

reste du iour en pleurs si tristes & lamentables, que rien plus : & en telle furie elles empoignerent les bras des ieunes filles, lesquelles elles inciserent cruellement, avec des escailles de moules bien aigues, si bien que le sang en decouloit, lequel elles espargeoient en l'air, s'escriant, *He Toya*, par trois fois. Le Roy *Audusta* auoit retiré tous nos François en sa maison, durant qu'on faisoit la feste, & estoit marry au possible, quand il les voyoit rire. Il auoit fait cela pour autant que les Indiens se courroucét fort, lors que l'on les aperçoit en leurs ceremonies. Toutesfois l'un de nos François fit tant, que par subtils moyens, il sortist hors la maison d'*Audusta*, & secrettement s'alla cacher derriere vn fort buisson, là où à son plaisir, il peut aisément recognoistre les ceremonies de la feste. Les trois qui commencerent la feste sont nommez *Ioanas*, & sont

*Cruauté  
ceremoniale.*

*Joanas  
sont prestres ou  
sacrificateurs  
Indiens.*

comme les prestres ou sacrificateurs de la Loy Indienne: ausquels ils adioustent foy & creance en partie, pour autant que de race ils sont ordonnez aux sacrifices, & en partie aussi pour autant qu'ils sont si subtils magiciens, que toute chose esgaree est incontinent recouuerte par leur moyen. Or sont



# L'HISTOIRE DE

ils seulement reuez pour ces choses, mais aussi si pourautant que, par ie ne sçay quelle science & cognoissance qu'ils ont des herbes, ils guarissent les maladies. Ceux qui s'en estoient ainsi fuis parmy les bois retournerent deux iours apres: puis estans arriuez, ils commencerent à dancer d'une gayeté de courage tout au beau meillieu de la place, & à resiouyr leurs bons peres Indiens: lesquels pour l'antiquité trop grande, ou bien pour leur naturelle indisposition, ne sont appelez à la feste. Toutes ces dâces mises à fin, ils se mirent à manger d'une auidité si grande, qu'ils sembloient deuorer plustost la viande, que la manger. Car le iour de la feste ny les deux iours ensuyuans, ils n'auoient beu ne mangé. Nos François ne furent oubliez à ces bonnes cheres: car les Indiens les furent tous querir, se monstrans grandement heureux de leurs presences. Ayans demeuré quelque espace de temps avec les Indiens, vn François gaigna par presens vn ieune garçon, & s'enquist de luy, de ce que les Indiens auoient fait dedans le bois pendant leur absence, lequel luy donna à entendre par signes, que les *Ioanas* auoient fait des inuocations à *Toya*, & qu'ils l'auoient par caracteres magiques fait venir pour parler à luy, & luy

& luy demander plusieurs choses estranges, que pour la crainte des Ioanas il n'osoit declarer. Ils ont encores plusieurs autres ceremonies que ie ne veux icy racompter, crainte d'ennuyer les lecteurs en chose de si petite consequence. Quand doncques la feste fut acheuee, nos François retournerēt à *Charlesfort*, là où après auoir demouré quelque temps, leurs viures commencerent à diminuer, ce qui les contraignit auoir recours à leurs voisins, & les supplier de les secourir en tel besoin & necessité: lesquels leur feirēt part de tous les viures qu'ils auoient, & n'en retindrēt sinon autāt qu'ils en auoiēt affaire pour ensemençer les terres. Ils les aduertirent que pour ceste cause il leur conueniroit se retirer par les bois, pour viure de gland & racines, iusques au temps de la moisson, marris au possible de ce qu'ils ne les pouuoient ayder dauantage. Ils les conseillerēt d'aller vers les terres du Roy *Couexis*, puissant & redouté en ceste prouince, lequel fait son habitation vers la part Meridionale abondāte en toutes saisons, & pleine de telle quantité de mil, farines, & febues, que par son seul secours ils pourroient auoir des viures pour vn fort long temps. Mais au parauant qu'arriuer en ces terres, il

*Couexis*  
 Roy Indie  
 puissant  
 & redouté

# L'HISTOIRE DE

*Onadé au  
tre Roy frere  
du dit  
Conecxis,  
sous deux  
opulens en  
mil, feb-  
res, & fa-  
rines.*

*Le Roy  
Maccon.*

falloit qu'ils s'adressassent à vn Roy nommé *Onadé* frere de *Conecxis*, lequel en mil, feb-  
res, & farines, n'est moins gueres opulent,  
& est fort liberal au reste, & lequel sera gran-  
dement ioyeux, fil les peut vne fois veoir.  
Nos François voyas le bon recit que les In-  
diens leur faisoient de ces deux Roys, se re-  
solurent d'y aller: car ils sentoient desia la ne-  
cessité qui les pressoit. Ils supplierent donc-  
ques au Roy *Maccon*, qu'il luy pleust leur don-  
ner quelqu'un de ses subiets pour les guider  
le droit chemin: ce qu'il leur accorda tres-  
volontiers, cognoissant que sans sa faueur, à  
peine pourroient ils paruenir à l'effect de leur  
entreprise. Apres doncques auoir donné or-  
dre à toutes choses necessaires pour le voya-  
ge, ils se mirent en mer, & nauigerent tant,  
qu'en fin ils paruindrent en la terre d'*Onadé*:  
lequel ils trouuerent en la riuere Belle. Là  
estans arriuez, ils apperceurent vne troupe  
d'Indiens, lesquels aussi tost qu'ils eurent co-  
gnoissance d'eux, vindrent au deuant. Ainsi  
qu'ils aprochoient, leurs guides leur firent si-  
gne qu'*Onadé* estoit en ceste troupe, parquoy  
nos François s'aduanceret pour le saluer. Et  
lors deux de ses enfans qu'il accôpagnoient,  
hômes beaux & puissans, leur sceurent bien  
rendre le salut, & vserent en leur endroit de

fort amiables careffes. Le Roy à l'infât, va discourir en son langage Indien, le grâd plaisir & contentemēt qu'il auoit de les veoir en ce lieu, protestant leur estre si loyal amy, à l'aduenir, que cōtre tous ceux qui leur voudroiēt estre ennemis il leur seroit fidele defenseur. Pendant ces propos il les conduisit vers sa maison, où il s'essaya les traiter humainemēt. Sa maison estoit tapissée de plumacerie de diuerses couleurs, de la hauteur d'une pique: au surplus le lieu où le Roy prenoit son repos, estoit couuert de blanches couuertures tissues en compartimens d'ingenieux artifice, & frangez tout à l'entour, d'une frange teinte en couleur d'escarlante. Là ils feirent entendre au Roy par l'un des guides qu'ils auoient mené, comme ils s'estoient mis en mer pour le venir supplier (ayans ouy parler de sa grande liberalité) de les secourir de viures à leur tres-grand besoin & necessité: & que ce faisant il les obligeroit à l'aduenir, de luy demeurer tous fideles amys & loyaux defenseurs contre tous ses ennemis. Ce bon Indien prest aussi tost à leur faire plaisir, comme ils l'auoient requis, commanda à ses subiets, qu'ils eussēt à charger la barque de mil & de febues. Puis il fit apporter six pieces de ses

*Tapissérie  
de pluma-  
cerie.*

*Couverts  
res tissues  
de compar-  
timens in-  
genieux  
et franges  
en couleur  
d'escarlante.*



# L'HISTOIRE DE

*Humani-  
té & libe-  
ralité du  
Roy Oua-  
dénuers  
les François*

*Le Roy  
Ouadé di-  
fie de  
Charles -  
fort 25.  
lienes.*

*Fortune  
de feu.*

tapisseries faictes comme petites couuertes, & les presenta aux François de si liberal-  
le volonté, qu'aïsement il leur donnoit à  
cognoistre l'enuie qu'il auoit de leur demeu-  
rer amy. En recompence de tous ces dons,  
les François luy presenterent deux serpes &  
quelques autres marchādises, dont il se tint  
pour grādemēt satisfait. Ce fait, nos Frāçois  
prindrent congé du Roy, lequel pour adieu,  
ne leur parloit sinon de retourner, si les vi-  
ures leur manquoiēt, & qu'ils s'assurassent  
tant de luy, que iamais ils n'auroient faute  
de ce qui seroit en sa puissance. Ils s'embar-  
querent doncques & nauigerēt vers *Charles-  
fort*, qui peut estre estoit distant de ce lieu  
vingt-cinq lieues. Mais ainsi que nos Fran-  
çois pensoient estre à leur aise, & eschapper  
des dangers auxquels ils s'estoient exposez  
iour & nuit pour amasser viures, çà & là:  
voicy comme ils dormoient, le feu se prit en  
leurs maisons d'une telle aspreté, estant aug-  
menté par le vent, qu'il faisoit que la gran-  
de maison, laquelle auant partir leur auoit  
esté bastie, fut à l'instant toute consummee,  
sans pouuoir auoir moyen de sauuer que  
bien peu de leurs munitions. Pour ceste cau-  
se nos François esloignez de tout secours, se  
trouuerēt en telle extremité, que sans l'aide

du grand Dieu, seul scrutateur des cœurs & des pensées humaines, qui iamais ne s'esloigne des affligez qui le requierent, ils estoient au bout de tout espoir. Car le lendemain au plus matin le Roy *Audusta*, & le Roy *Maccon* arriuerent, accompagnez de fort bon nombre d'Indiens : lesquels cognoissans l'infortune, furent grandement marris. Et proposerent lors à tous leurs subiets, la briefue diligence dont il couenoit vser à bastir vne autre maison, leur monstrant que les François leur estoient affectionnez amys, & qu'ils leur auoient fait paroistre par les dons & presens qu'ils en auoient receuz: protestant que celuy qui de tout son pouuoir n'y tiendrait la main, seroit tenu comme inutile, & comme n'ayant rien de bon en luy (ce que ces Barbares craignent entre toutes autres choses). Cela fut cause qu'un chacun commença à s'esuertuer, de telle sorte, qu'en moins de douze heures, ils eurent rendu vne maison faite & parfaite, laquelle n'estoit gueres moins grande que la premiere. Ce que ayant esté executé, ils s'en retournerent chez eux, satisfaits au possible de quelques serpes & haches qu'ils receurent de nos hommes. Quelque temps apres cest infortune, les viures commencerent à diminuer : & apres

L'HISTOIRE DE

que nos François eurent assez deliberé, pensé & repensé, ils trouuerent qu'il n'y auoit point meilleur expediēt que de retourner vers le Roy *Onadé* & *Couecxis* son frere: Parquoy ils resolurēt d'y enuoyer le lendemain quelques vns d'etr'eux. Lesquels avec l'almadie Indienne nauigerent par dedans les terres enuiron dix lieues. Puis ils trouuerent vne fort belle & grande riuere d'eau douce, laquelle ils ne voulurent faillir de recognoistre: ils y descouurirēt vn grād nōbre de Crocodils, lesquels surpassoient en grādeur ceux du fleuve du Nil: elle est au reste enuironnee le long des riuages de hauts Cypres. Apres qu'ils eurēt quelque peu demeuré en ce lieu, ils delibererent poursuivre leur dessein, f'aidans des marees si bien à propos, que sans s'estre hazardez aux continuels perils de la mer, ils arriuerent aux terres d'*Onadé*, duquel ils furent tres-amiablemēt receuz. Ils luy feirent entendre l'occasion pour laquelle ils le retournoient veoir, & luy declarerent l'infortune, qui leur estoit aduenue, depuis leur dernier voyage: comment ils auoient non seulement perdu leurs meubles domestiques par la fortune du feu, mais aussi les viures, lesquels il leur auoit si liberalement donnez: que pour ceste cause

ils auoient pris la hardiesse de reuenir vers luy de rechef, pour le supplier qu'il luy pleust les secourir en tel besoin & necessité. Apres que le Roy les eut entenduz, il despecha des Embassades vers son frere *Couecxis*, pour de sa part le prier luy enuoyer du mil & des febues. Ce qu'il fit : & dès le lendemain de grand matin, ils furent de retour, avec les viures que le Roy fit porter dedans l'alma-die. Nos François se sentans plus que satisfaits de ceste liberalité, voulurent prendre cōgé de luy. Mais pour ce iour il ne le voulut permettre, ains, les retint & s'effaya de leur faire la meilleure chere, dont il se peut aduiser. Le lendemain du grand matin, il les mena veoir le lieu : & leur dit qu'ils n'endurassent necessité, pendant que tout ce mil leur dureroit. Puis leur presenta quelque nombre de perles belles au possible, mesme deux pierres de fin chrystal, & de la mine d'argent. En recompence de ces dons, nos François ne s'oublierent de luy donner quelques ioyaux : & l'interrogerent du lieu d'où venoit la mine & le chrystal : il leur fit responce qu'il venoit de dedans les terres à dix grandes iournees de sa demeure : & que les habitans du lieu, le fouissoient

*Belles per  
les, pierres  
de fin chri  
stal &  
mine d'ar  
gent.*



au pied des hautes montaignes, là où ils en trouuoient en assez bonne quantité. Ioyeux d'entendre si bonnes nouuelles, mesmes d'auoir recognu ce que plus ils desiroient, ils prindrent congé du Roy, & retournerent par la mesme route, par laquelle ils estoient venus. Voila doncques comment nos François se comporterent assez bien iusques à ceste heure; encores qu'ils eussent eu assez d'infortunes. Mais le malheur voulut, ou plustost le iuste iugemēt de Dieu, que ceux, lesquels n'auoient peu estre domptez par les eaux, & par le feu, le fussent par eux mesmes. C'est l'ordinaire des hommes, lesquels ne peuuent demeurer en vn estat, & ayment mieux se ruiner que n'attenter tousiours quelque chose de nouveau. Nous en auons vne infinité d'exemples és histoires anciennes, principalement és Romaines, au nombre desquelles ceste petite poignée d'hommes esloignez de leur pays, & abandonnez de leurs ciroyens, ont encore adiousté ceste cy. Ils entrerent doncques en partialitez & dissensions, qui prindrent leur origine d'un soldat nomme *Guernache*, qui a esté congnu Tabourin aux compagnies Françaises: lequel, à ce qui m'a esté recité, fut assez cruellement pendu par son propre Capitaine &

*Cruauté  
des Capi-  
taines causant  
se dissensions &  
partiali-  
tez dange-  
reuses.*

pour assez maigre occasion, lequel Capitaine vſant encores de menaces enuers les ſoldats François, qui eſtoient demourez pour luy obeyr, & qui parauanture, comme il eſt à preſumer, ne luy obeiſſoient, fut cauſe qu'ils ſe mutinerent, d'autant que le plus ſouuent il mettoit ſes menaces en execution, dont ils le pourchafferent tellement, qu'en fin ils le firent mourir. Et qui leur en donna la principale occasion fut le degradement d'armes qu'il fit à vn autre ſoldat, nommé *Lachere*, qu'il auoit enuoyé en exil, & pour luy auoir failly de promeſſes, car il luy deuoit enuoyer des viures de huit iours en huit iours, ce qu'il ne faiſoit, mais au contraire il diſoit, qu'il ſeroit ioyeux d'entendre ſa mort. Il diſoit dauantage qu'il en vouloit chaſtier encor d'autres, & vſoit de langage ſi mal ſonnant, que l'honneſteté me deffend les reciter. Les ſoldats qui voyoient ces furies ſ'augmēter de iour en iour, & craignans de tomber aux dangers des premiers, reſolurent de le faire mourir. Leur deſſein executé, ils retournerent querir le ſoldat exilé, qui eſtoit en vne petite Ile diſtante de *Charlesfort*, de trois lieues, là où ils le trouuerent à demy mort de faim. Or eſtans de retour ils ſ'aſſemblerent tous, pour eſlire vn

Nicolas  
Barré.

chef sur eux qui se nommoit le Capitaine Nicolas Barré homme digne de commandement: & lequel se sceut si bien acquitter de sa charge, que toute rancune & dissension cessa entr'eux, & vesquirét paisibles les vns avec les autres. Cependant, ils commencerent à bastir vn petit bergantin, en esperance de repasser en France s'il ne leur venoit secours comme ils attendoient de iour en iour. Et encores qu'il n'y eust hōme entre eux qui encores entendist l'art, toutesfois la necessité qui apréd toutes choses, leur en monstra les moyens. Apres qu'il fut acheué, ils ne penserent plus sinon à l'équiper de tout ce qui estoit necessaire pour entreprendre leur nauigation. Toutesfois les choses les plus principales leur deffailloïēt, comme les cordages, les voilles, sans lesquelles l'entreprise ne pouuoit sortir effect. N'ayans aucuns moyens d'en recouurer, ils furent plus faschez qu'auparauant, & quasi prests de tomber en vn malheureux desespoir. Toutesfois ce bon Dieu qui iamais ne laisse les affligez, les secourut en ce besoin. Comme ils estoient en telles perplexitez, le Roy *Andusta* & *Macon* arriuerent, accompagnez de deux cens Indiens: au deuant desquels nos François s'acheminèrent: &

feirent entendre au Roy la neceſſité qu'ils auoient de cordages, leſquels leur promirēt de retourner dans deux iours, & en apporter en ſi bonne quantité, que le nombre ſuffiroit pour armer le bergantin. Contens de ſi bonnes nouuelles & promeſſes, ils leur donnerent quelques ſerpes & chemiſes. Apres qu'ils furent partis, nos François chercherent tous les moyens de trouuer de la reſinc par les bois, là où ils incifoient les Pins de tous coſtez, deſquels ils en tirerent aſſez raiſonnablement pour brayer le vaiſſeau. Ils feirēt amas auſſi d'une eſpece de mouſſe, laquelle croiſt aux arbres de ce pays, afin de ſ'en ſeruir pour le calage ou calfeutrage. Il ne reſtoit plus que les voilles: leſquels ils feirent de leurs propres chemiſes, & des draps des liēts. Quelques iours apres, les Rois Indiens retournerent à *Charlesfort* avec ſi bon nombre de cordage qu'il ſ'en trouua ſuffiſamment pour funer le petit nauire. Nos François ioyeux au poſſible, vſerent de largreſſe enuers eux, & leur mirent à l'abandon tout ce qui leur reſtoit de marchandie: les rendans par cela ſi heureuſement ſatisfaits, qu'avec tous les contentemens du monde, ainſi ils ſe ſeparerent d'avec eux. Ils continuerent doncques à parfaire

*Il y a grā  
de quanti-  
té de reſi-  
né aux  
Pins de ce  
pays.*

*Cordages  
donnez aux  
Francois  
par le Roy  
Anduſta  
et Ma-  
cou, pour  
funer leur  
nauire.*



# L'HISTOIRE DE

le Bergantin & vserent de si briefue diligence, que peu de temps apres ils le rendirent prest de toutes choses. Pendât le vêt suruint si à propos, qu'il sembloit qu'il les inuitast de se mettre en mer: ce qu'ils ne differerēt, apres auoir dōné ordre à toutes leurs entreprises. Mais au parauant que partir, ils embarquerent l'artillerie, la forge, & les autres munitions de guerre, que le Capitaine Ribaut leur auoit laissees: consequemment, le plus qu'ils peurent recouurer de mil. Mais enyurez de la trop excessiue ioye, qu'ils auoient de retourner en France, ou bien priuez de toute prouidence & consideration, sans auoir esgard aux vents inconstans, & à vn moment muable, ils se mirent en mer: & avec si maigres victuailles, que la fin de leur dessein se trouua malheureuse & desesperée. Apres doncques qu'ils eurent nauigué le tiers de leur chemin, ils furent surpris de calmes si ennuyeux, qu'en trois sepmaines ils ne s'aduancerent pas de vingt-cinq lieues. Pendât ce temps, les viures se diminuerent, & vindrent à telle petitesse, qu'ils furent cōtraints ne manger que chacun douze grains de mil par iour, qui sont peut estre en valleur douze poix. Encores tel heur ne leur dura que bien peu: car tout à vn coup les viures

*Admirable ex-  
treme ne-  
cessité de  
viures.*

defaillirent, & n'eurent pour plus asseuré recours que les souliers & les colets qu'ils mangerent. Quant au boire, les vns vsoient de l'eau de la mer, les autres de leur propre urine : & demourerent en telle desesperee necessité l'espace d'un fort long temps : durant lequel vne partie mourut de faim. Outre l'extreme famine qui de si pres les acompaignoit, ils tomboient en chaque minute d'heure hors l'esperance de iamais reuoir la France: pour autant qu'ils estoient cōtrains ietter continuellement l'eau qui de toutes parts entroit en leur vaisseau. Et tomboient tousiours de pis en pis: car apres qu'ils eurent deuoré leurs souliers & colets il vint à surgir vn vent si impetueux & contraire à leur route, qu'en moins de rien les vagues remplirent leur vaisseau à demy d'eau, & le briserent à l'un des costez. Desesperez plus que iamais de pouuoir sortir de si extreme peril, ils ne firent aucun compte de ietter l'eau qui ia les submergeoit. Et comme resolu de mourir, chacun se laissoit tomber en arriere, & s'abandonnerent du tout à la volonté des vagues. Quand l'un d'entr'eux eust vn peu repris ses esprits, leur mit en auant le peu de chemin qui leur restoit, les asseurât qu'auât trois iours (si le vent continuoit) ils verroient

terre. Ce personnage les encouragea tellement, qu'après auoir ietté l'eau du bergatin, ils demurerent trois iours sans manger ne boire, reserué de la mer. Le temps de sa promesse estant expiré, ils deuindrent plus faschez qu'auparauant, ne voyās aucune terre. Parquoy en ce dernier desespoir quelques vns d'entr'eux proposerent, qu'il estoit plus expédient qu'un seul mourust que tant de gens perissent : ils arresterent doncques que l'un mourroit pour substantier les autres. Ce qui fut executé en la personne de *Lachere*, duquel nous auons parlé cy deuant, la chair duquel fut partie également à ses compagnons : chose si pitoyable à reciter, que ma plume mesme diferé de l'escire. Après si long tēps & ennuyeux trauaux, le bon Dieu vsant de son accoustumee faueur, leur changea la tristesse en vne ioye, & leur fit paroistre la terre, dont ils furent si excessiuement resiouys, que le plaisir les fit demourer long temps comme gens incensez : dont ils laisserent le bergantin errer çà & là sans tenir sentier ne route. Mais vne petite roberge Angles-

*Humaine  
Antropo-  
phagie.*

*Secours  
aux Fran-  
cois d'une  
roberge  
Angles-  
que.*

que aborda le vaisseau, en laquelle y auoit vn François, lequel auoit esté au voyage precedent en la nouuelle France, & lequel aisément les reconnut, & parla à eux,

puis leur fit donner à manger & boire. Incontinent ils reprindrent leurs naturels esprits, & luy discoururent au long toute leur nauigation. Les Anglois consulterent long temps de ce qu'ils deuoient faire: & en la fin ils resolurent de mettre les plus debiles en terre, & mener le reste deuers la Roynne d'Angleterre, qui lors estoit sur le propos d'enuoyer en la nouuelle France. Voila en bref ce qui aduint à ceux que le Capitaine Iean Ribaut auoit laissez en la nouuelle France. Maintenant ie poursuiuray mon propos. A nostre arriuee à Diepe, qui fut le vingtiesme Iuillet, mil cinq cens soixâte deux, nous trouuâmes les guerres ciuilles, lesquelles furent cause en partie que les François ne furent secouruz, ainsi que le Capitaine Iean Ribaut leur auoit promis: dont s'en est ensuiuy que le Capitaine Albert a esté tué par ses gens, & le pais abandonné, ainsi que parcy deuant nous auons assez discouru, & que l'on pourra entendre plus amplement par ceux qui y ont esté presens.

Fin du premier voyage.



1870  
I have the honor to acknowledge the receipt of your letter of the 10th inst. in relation to the matter of the  
of the same. I have the honor to inform you that the same has been forwarded to the proper authorities for their consideration.  
I am, Sir, very respectfully,  
Your obedient servant,  
J. H. [Name]  
[Address]

Very respectfully,  
J. H. [Name]



LE SECOND VOYAGE DES  
FRANÇOIS EN LA FLORIDE,  
*fait par le Capitaine Laudonniere*  
*l'an 1564.*

**D**E PUIS la paix faicte en France,  
l'Admiral de Chastillon remon-  
stra au Roy, comme l'on n'auoit  
nouuelle aucune des gens que le  
Capitaine Iean Ribaut auoit laissez en la  
Floride, & que ce seroit grand dommage  
de les laisser perdre. A cause dequoy le  
Roy luy accorda de faire equipper trois  
vaisseaux: l'un de six-vingts tonneaux, l'au-  
tre de cent, & le troisieme de soixante, pour  
les aller chercher & secourir. Ledit Admiral  
dōcques bien informé du fidele seruice que  
i'ay faict tant à sa Maiesté qu'à ses predeces-  
seurs Roys de France, fit entendre au Roy le  
moyen que i'auois de luy faire seruice en ce  
voyage: qui fut cause qu'il m'establit chef de  
ces trois vaisseaux, & me commanda partir  
en diligence, pour executer son comman-  
E

dement. Aquoy ne voulant contreuenir, ains me sentant heureux d'estre esleu entre vne infinité d'autres, lesquelz à mon iugement se fussent assez bien acquittez de ceste charge, ie m'embarquay au haure de Grace, le vingt-deuxiesme d'Auril, mil cinq cens soixante quatre, & feis arrouter mes vaisseaux, dont nous approchasmes d'Angleterre. Et lors ie feis tourner vers le Su, ou Auster, pour de droit cours nauiguer aux Isles Fortunees, dictes maintenant Canaries. L'une desquelles, appelée l'Isle Sauvage (pour ce à mon iugement qu'elle est du tout inhabitée) fut la premiere passée de nos vaisseaux. Pourfuiuans donc plus outre, nous terrismes le lendemain à la *Teneriffé*, autrement dite le Pic, à cause qu'environ le mitan d'icelle, il y a vne montaigne excessiuement haute, presque pareille à celle d'*AEtna*, laquelle va droit comme vn pic, & au haut de laquelle on ne peut aller, sinon depuis la my May iusques à la my Aoust, à cause de la trop vehemente froidure qui y est tout le reste de l'an : chose grandement esmerueillable, attendu qu'elle n'est distâte de l'Equateur, que de vingt sept degrez & demy. Nous l'aperceusmes toute couuerte de neige, encores qu'il fust desia le cinquiesme may. Les Indies pourfuiuis autrefois en ceste Ile par les Es-

pagnols s'estoiét retirez en ceste montagne, là où vne espace de temps ils les auoient combatus, & n'auoiét voulu se râger à leur obeissance, tant ils estoient indignez d'auoir perdu leur Isle, ne par force ne par allechemēt amiable : car ceux qui y estoient allez de la part des Espagnols, y estoiet demeurez, sans qu'un seul en reuint apporter des nouuelles. En fin toutesfois les Indiens ne pouuans viure en ce lieu, selon leur naturel, ou n'ayans la cōmodité des choses necessaires à la vie, y estoient tous morts. M'estant refraichy de quelques eaues douces fort bonnes & excellentes, qui saillent d'un rocher au pied de ceste montaigne, ie feis continuer la route de l'Occident, en laquelle les vents me fauoriserēt si bien, que quinze iours apres nos nauires sains & sauues arriuerēt aux *Antilles* : & ayans terry à la Martinique, l'une des premiere d'icelles, le lēdemain nous arriuasmes à la Dominique, distāte douze lieuës de la precedēte. La Dominique est vne des pl<sup>s</sup> belles de l'Occidēt, fort mōtagneuse & d'assez bonne odeur, de laquelle voulās, cōme en passant recognoistre les singularitez : & desirās nous refreschir d'eaux douces, ie feis poser l'ancre enuirō le meilleu de la coste d'icelle. Incōtinent que l'ancre fut posee, deux Indiens du



lieu, nauigerent vers nous dedans deux almadies garnies d'un fruiet de grande excellence, lequel ils nōment *Ananas*. Ainsi qu'ils approchoient de nostre barque, il y en eut vn d'eux, lequel n'estant du tout asseuré, retourna en terre, & s'euada en la plus grande diligence qui luy fut possible. Ce que nos gens aperceurent, & entrerent diligemēt, dedans l'autre almadie: où ils saisirēt le pauvre Indien, & me le presenterent. Mais le pauvre homme deuint si espouuēté de nous veoir, qu'il ne sçauoit quels gestes tenir, pource (ainsi que par apres j'ay peu entendre) qu'il craignoit estre tombé en la main des Espagnols, desquels autrefois il auoit esté pris, & lesquels, comme il monstra, luy auoiēt couppé les genitoires. En fin, ce pauvre Indien s'assura, & nous discourut de plusieurs choses, dont nous receuions vn maigre plaisir, pourceque nous n'entendions que par signes ce qu'il pouuoit concevoir. Or desiroit il fort que ie luy donnasse congé, & me promettoit qu'il me feroit mil presents: ce que ie luy accordé, pourueu qu'il eust patience iusques au lendemain, que ie voulus mettre pied à terre. Là où ie le licētiē apres luy auoir dōné vne chemise, & quelques petits ioyaux, qui le firent partir, fort

content de nous. Nostre descente en terre fut ioignât vn fort haut rocher duquel procedoit vne petite riuiera d'eau douce & bõne au possible : le long de laquelle nous demurasmes quelques iours, pour recognoistre les choses dignes d'estre veuës, en trafiquant tousiours avec les Indiens, lesquels sur tout nous supplierēt, qu'aucun de nous n'approchast de leurs demeures, ny de leurs iardinages, autrement que nous leur donnerions occasion de grãde ialousie: & qu'au reste nous n'aurions faute de leur *Ananas*: dont nous faisoient offre assez liberale, prenant en recompence quelques marchandises de petit prix. Ce neantmoins, il aduint vn iour que quelques vns des miens, cupidés de veoir quelque chose nouuelle, en ces pais estranges, s'acheminèrent par le trauers des bois : & suiuaus tousiours le bord de la petite riuiera, ils apperceurent deux serpens grands outre mesure, lesquels passoient coste à coste par le trauers: mes soldats se mirent au deuant, pensans les empescher d'entrer au bois : mais les serpens nullement estonnez de ces gestes, se lancerent dedans les buissons avec sifflemens espouuẽtables, qui toutesfois n'empescherēt mes hommes de mettre l'espee au poing, dont les occi-

rent, & les trouuerent puis apres, longs de n'euf grâds pieds, & gros comme la iambe, Pendât ce combat, quelques autres plus indiscrets, s'estoient amusez à cueillir des Ananas, par les iardinages des Indiens, brochans au meilleu d'iceux fâs aucune discretion. Dequoy ne se contentans encore s'acheminèrent vers leurs demeures : dont les Indiens furent si fort irritez, que sans respecter chose aucune ils se ruerēt dessus, & deschocherent furieusement leurs arcs, iusques à attaindre vn de mes hommes, nommé *Martin Chauueau*, lequel demoura en la place. On ne sçait s'il fut tué sur le champ, ou s'il fut arresté prisonnier, car ceux de sa compagnie eurent assez d'affaire à se sauuer sans s'amuser à leur compagnon. Dont *mon sieur d'Ottigni* mon Lieutenât estant aduertiy enuoya pardeuers moy, pour sçauoir si ie trouuerois bõ qu'il dressast quelque embuscade aux Indiens qui detenoient, ou bien auoient tué nostre homme, ou qu'il donnast droit à leur demeure, pour en sçauoir la verité. Je luy mandé apres auoir meurement deliberé sur ce, qu'il n'atentast aucune chose & pour plusieurs occasions : mais au contraire qu'en toute diligēce il s'ēbarquast & cōsequēment tous ceux qui restoient en terre : ce qu'il feit

aussi tost. Mais comme il nauigeoit vers les vaisseaux, il apperceut le long du riuage vn grand nombre d'Indiens, qui se mirent à les charger à coups de fiesches, luy de sa part les escarmoucha d'harquebousfades, sans toutefois les offencer ou les pouuoir surprédre en aucune sorte: qui fut cause qu'il les quitta du tout, & se vint rédre à nostre vaisseau, où ayans demouré iusques au lédemain matin, nous appareillasmes, pour suiuians la route accoustumee, & nauigeans en icelle, nous re cōgnusmes plusieurs Isles conquestees par les Espagnols: comme celles de S. Christophle, des Saincts, de Monserrad, & la Rotonde, puis nous deboucames entre *Languille* & *la Negade*, singlans vers la nouuelle Frâce, à laquelle no<sup>r</sup> arriuasmes quinze iours apres, assauoir le Ieudy vingt deuxiesme de Iuin, en uirō les trois ou quatre heures du matin, terrissans pres vne petite riuere, laquelle est distante de trente degrez loin de l'Æquateur, & dix lieues au dessus du Cap François, tirant à la part meridionale, & enuiron trente lieues au dessus de la riuere de *May*. La voile abaissée & l'âcre posé au trauers de la riuere, ie deliberé mettre pied à terre, à fin de la re cognoistre. Parquoy sur les trois ou quatre

*Arriues  
en la Floride  
de le 22.  
Iuin.*



heures de releuee, estant accompagné du Sieur d'Ottigny, du Sieur d'Arlac mon enseigne, & de quelque nombre de Gentils-hommes & soldats ie m'embarquay. Et estant arriué à l'ouuert d'icelle, ie fis sonder le canal, qui fut trouué de petite profondeur, encores que plus au dedans de la riuiera l'eau y fust raisonnablement haute, & qu'elle se separast en deux grâds bras: l'un desquels fait son cours au midy, & l'autre vers le North. La riuiera estant ainsi recognuë, ie mis pied à terre pour parler aux Indiens, qui nous attendoient ioignant le riuage, & qui à nostre descente, vindrent au deuant de nous, fescrians à haute voix en leur vulgaire Indien, *Antipola Bonnaïsson*, qui vaut autât à dire, cōme, frere, amy, ou chose semblable. Nous ayans amiablement caressez, ils nous monstrent leur *Paraonsti*, c'est à dire leur Roy & supérieur, auquel ie feïs present de quelques ioyaux qui grandement le contenterent. Et de ma part ie louay Dieu incessamment, pour la grande amitié que ie trouuois en ces sauages: lesquels ne se fascherent d'autre chose sinon de la nuit qui approchoit, & qui nous sommoit la retraicte. Car encore qu'ils se missent en tout deuoir de nous faire demeurer avec eux: & qu'ils montraissent par

signes l'enuie qu'ils auoient de nous faire des presens exquis, si est ce, que pour plusieurs occasions iustes & raisonnables, ie ne voulus oncques seiourner : ains m'excusant de toutes leurs offres presentees, ie me rembarqué & tiré vers mes vaisseaux. Toutes-fois auant que de partir, ie nommay ceste riuere, la riuere des *Dauphins*, pour autant qu'à mon arriuee, i'y auois veu vne grande quantité de *Dauphins*, qui s'esgayoient en l'emboucheure. Le lendemain vingt-troiesme de ce mois, pour autant que vers le midy ie n'auois trouué lieu assez commode pour nous habiter & bastir vn fort, ie commandé que l'on leuast les ancrs, & que l'on appareillast les voilles, pour nauiguer vers la riuere de May: à laquelle nous arriuasmes deux iours apres, & feis poser l'ancre : puis ayant mis pied à terre, avec quelque nôbre de gentils-hommes, & soldats, pour au certain recognoistre les singularitez de ce lieu, nous apperceusmes le *Paraousti* du païs, lequel venoit au deuant de nous ( c'estoit celuy mesme lequel nous auions veu au voyage du Capitaine Iean Ribaut ) lequel ayant apperceu, s'escria d'assez loing, *Antipola, Antipola*, & estant esmeu de si grande ioye, que presque il perdoit toute contenance, il nous

Riuere  
des *Dauphins*.

vint affronter, estant lors accompagné de deux de ses enfans, aussi beaux & puissants personnages, qui se pussent trouuer en toute la terre: lesquels ne tenoient autre propos, que d'amy, amy: mesme recognoissans ceux du precedent voyage, ils s'adrescoient principalement à eux pour leur vser de ce langage. Il y auoit vn grand nombre d'Indiens & d'Indiennes à leur suite, lesquels ne faisoient que nous caresser continuellemēt, & par signes euidents nous faisoient entendre, quel contentement ils auoiet de nostre venue. Ce bon recueil passé, le *Paraousti* me supplia d'aller veoir la borne que nous auions posée au voyage de Iean Ribaut (comme nous auons dit cy deuant) chose qu'ils ont en fort grande recommandation. Luy ayant accordé, & estāt arriué au lieu où elle est assise, nous la trouuâmes enuironnee de couronnes de Laurier, & à ses pieds force petits pāniers de mil, qu'ils appellent en leur vulgaire *Tapaga Tapola*. Ils la baisèrent lors à leur arriuee avec grande reuerence, & nous supplierēt de faire le semblable: ce que nous ne leur voulûmes refuser, à celle fin de plus en plus les attirer à nostre amitié. Ce fait, le *Paraousti* me prit par la main, comme s'il

eust eu desir me faire entendre quelque grãd secret : & par signes me monstra fort bien dedans la riuere, les limites de son obeissance : & me dit qu'il se nommoit *Paraousti Satouriona*, qui vaut autant que Roy *Satouriona*. Les enfans portent le mēme titre de *Paraousti* : l'aîné se nomme *Atore*, homme que i'ose dire parfaict en beauté, prudence, & contenance honnestē, montrant par sa modeste grauité meriter le nom qu'il porte, au reste il est doux & traictable. Apres auoir seiourné quelque espace avec eux, le *Paraousti* pria vn de ses enfans de me presenter vn lingot d'argent : ce qu'il feit & de bonne volonté. En recompence dequoy ie luy donnay vne serpe, & quelque autre present plus exquis : dont il sembla se contenter grandement. Puis nous prîmes congé d'eux, pour ce que la nuit approchoit, & retournasmes apres coucher en nos vaisseaux. Estant alleché de ce bon traitement, ie ne failly le lendemain de m'embarquer de rechef avec mon Lieutenant *Ottigni*, & vn nôbre de soldats pour retourner vers le *Paraousti* de la riuere de May, qui tout expres nous attendoit au mēme lieu, auquel, le iour precedent nous auions parlementé & deuisé avecques luy. Nous le trouuasmes à l'ombre

*Lingot  
d'argent.*



## L'HISTOIRE DE

d'une frescade accompagné de bien quatre vingts Indiens, & paré pour lors à l'Indienne : c'est à sçauoir d'une grâde peau de Cerf accoustree en Chamois, & peinte en compartimens d'estranges & diuerfes couleurs: mais d'un portrait si naif & sentant son antiquité avec toutes les reigles compassées au iuste, qu'il n'y a si exquis peintre, qui y sceust trouuer à reprendre: tant est le naturel de ce peuple estranger, parfait & bien conduit, que sans aide ny faueur aucune des arts, il peut par le moyen de sa premiere mere, contéter l'œil des artisans: voire de ceux qui par leur industrie, peuuent trouuer à redire és choses les plus parfaites. Je feis lors entendre au *Paraouisti Satouriona*, que mō affection estoit de decouurir plus auât la riuiera, mais que ce seroit en telle diligence que bien tost ie serois de retour par deuers luy : ce qu'il m'accorda, promettant m'attendre la part où il estoit. Et pour arrest de sa promesse, me fit present de sa belle peau, laquelle ie luy refusay, & luy promis de la receuoir à mon retour. De ma part ie luy donnay quelques petits ioyaux, afin de l'entretenir en amitié. Estant party de là, ie n'eus pas nauigé trois lieues dedans la riuiera, tousiours suiuy des Indiens, qui me costoyoient le long de

*Excellens  
Peintres.*

la riuere, crians tousiours, *amy, amy* : que ie descouury vne montaigne de moyenne hauteur : le long de laquelle ie mis pied à terre, ioignant des labourages de mil. A vn angle desquels, il y auoit vne maison bastie pour la demeure de ceux qui ont le mil en garde, car il y a tant de Grosles en ceste terre, lesquels font continuellemēt la guerre au mil, que les Indiens sont contrains de le garder, autrement, le plus souuent, ils seroient frustrez de leur moisson. Ie me reposay en celieu pour quelques heures : & feis commander au sieur d'*Ottigny* & à mon Sergent, d'entrer dedans le bois pour recognoistre la demeure des Indiens, là où apres qu'ils eurent cheminé quelque espace de tēps, ils arriuerēt à vne iunchee marescageuse: là où se trouuans recreuz du chemin, ils se mirent à l'ombrage d'un grand Laurier pour vn peu se rafraiscir, & resoudre quelque poinct d'entreprise. Alors ils descouurirent, comme à l'improuiste, cinq Indiens demy cachez dedans les bois, lesquels ne se monstrent trop asseurez de nos François, iusques à ce qu'en termes Indiens ils leurs eussent dit, *Antipola Bonnasou*, à celle fin qu'entendans ce langage, ils approchassent plus seuremēt, ce qu'ils feirent aussi tost. Mais pourautant qu'ils

virent que les quatre derniers portoient le derriere de la peau, dont le premier estoit reuestu, nos François se doubterent qu'il falloit que le premier fust quelque chose plus que les autres : ioint qu'ils le nommoient *Paraousti*, *Paraousti*. Parquoy quelques vns de la compagnie luy allerent au deuant, & en le caressant luy monstre-  
rent le sieur d'*Ottigni* leur Lieutenant : auquel à la mode Indienne ils auoient dressé vne frescade de Lauriers & Palmiers : à celle fin que par tels signes, les Sauuages creussent les François auoir autrefois hanté de leurs semblables. Le *Paraousti* Indien approcha du François, & luy commença vne harangue assez longue : laquelle ne tendoit à autre but, sinon qu'il sup-  
plioit les François affectueusement d'aller veoir sa demeure & ses parens : ce qu'ils luy accorderent. Et lors pour gage de meilleure amitié, il donna au Lieutenant *Ottigni*, la peau mesme dont il estoit vestu : puis il le prist par la main, s'acheminant droit aux marescages, au trauers desquels le *Paraousti*, le Sieur *Ottigni*, & quelques autres François furent portez sur les espaulles des Indiens : & les autres qui ne purent passer à cause des fanges & des ioncs,

allèrent par le dedans des bois , & suivirent tousiours vn'estroit sentier qui les guidoit,iusques à ce qu'ils se fussent rendus à la demeure du *Paraousti* , de laquelle sortirent enuiron cinquante Indiens,pour gaillement recevoir les Francois & les festoyer à leur mode. Suyuant laquelle, ils presenterent d'intrade vn grand vase de terre, fait d'assez estrange façon, plein d'une eue de fontaine claire & fort excellente. Ce vase estoit porté par vn Indien , & y en auoit vn autre plus ieune, lequel portoit de ceste eau avec vn autre petit vaisseau de bois & en presentoit à boire à vn chacun suyuant , en ce faisant , vn certain ordre, & reuerence, qu'il portoit aux vns & aux autres , ausquels il presentoit à boire. La soif estant estanchee par ce moyen , & les Francois suffisamment refreschis , le *Paraousti* les mena au logis de son pere , l'vn des plus anciens personnages qui fust viuant en la terre: les François respectans sa vieillesse, commencerent à le gratifier par l'appellation de ce terme *amy, amy*, dont le vieillard se monstra fort ioyeux. Puis l'interrogerent sur le cours de son aage: à quoy il feit responce se montrant estre la premiere



source viuante , de laquelle il estoit forty cinq generations: ainsi qu'il leur fait apparoir par vn autre vieillard assis vis à vis de luy, lequel en vieillesse l'outrepassoit de beaucoup : aussi estoit il son pere, lequel ressembloit mieux à vne carcasse d'os qu'à vn hōme viuant : car il auoit les nerfs , les veines, les arteres, les os , & les autres parties , apparoissantes si clairement au dessus du cuir, qu'aisement on les eust nombrees & discernées les vnes des autres. Aussi la vieillesse y estoit si grande , que le bon homme auoit perdu la veuë, & ne pouuoit qu'à grandissime peine proferer vn seul mot . Le sieur d'*Ottigny* ayant veu vne chose si estrange , se retira vers le ieune vieillard, le priât de vouloir respondre à ce qu'il auoit demâdé touchant son aage. Lors le vieillard appella vne troupe d'Indiens: puis frappant par deux fois sur la cuisse & mettant la main sur deux d'iceux, il luy fait entendre par signes que ces deux estoient ses enfans. Puis frappant sur leurs cuisses, il luy en fit cognoistre d'autres moins vieux, issus des deux premiers, ce qu'il cōtinua en la maniere iusques à la cinqiesme generation. Or combien que ce vieillard eust son pere encore plus ancien, & que tous deux portassent les cheueux longs & blancs

blancs au possible : si est-ce que l'on leur dit  
 q̃ selon leur port naturel ils paroissoiēt pou-  
 uoir encore viure trente ou quarante ans : &  
 si le moins vieil des deux n'auoit moins de  
 deux cens cinquāte ans. Apres qu'il eut mis  
 fin à son propos, il cōmanda que l'on presen-  
 tast aux François deux ieunes Aigles, qu'il  
 faisoit nourrir pour son plaisir en sa maison.  
 Il leur fait aussi deliurer des petits pāniers de  
 palmites pleins de gardes rouges & bleuës :  
 pour recompēce desquelles gratitez, il fut  
 satisfait des ioyaux à la Françoisē. Les deux  
 vieillards feirent conduire nos François par  
 le ieune *Paraousti*, ils me reuindrent trouuer  
 la part où ie m'estois arresté, & me discou-  
 rurent tout ce qu'ils en auoient veu, me sup-  
 plians au reste de vouloir gratifier leur gui-  
 de, qui si franchement & de bon cœur les  
 auoit receuz en sa demeure : à quoy ie ne  
 voulus faillir aucunement. Or auoy-ie de-  
 liberé de recognoistre les singularitez de la  
 montagne. Parquoy m'acheminay droit au  
 sommet d'icelle, où nous ne trouuāsmes que  
 des Cedres, des Palmiers & des Lauriers  
 de si souueraine odeur, que Baulme ne sen-  
 tiroit rien au pris. Les arbres estoiet de tou-  
 tes parts enuironnez de seps de vigne, por-  
 tans des grappes en telle quantité que le

*Sauuages  
 ayās deux  
 cens cin-  
 quāte ans.*

*Aigles.*

*Vignes.*

*Esquine  
arbre fort  
excellent  
pour la ve  
role.*

nombre suffiroit pour rendre le lieu habitable. Outre ceste fertilité de Vignoble, on ne void que l'Esquine entortillee à l'entour des arbrisseaux en grâde quâtité. Quant au plaisir du lieu, la mer s'y void tout à descouuert, & plus de six grandes lieues enuiron la riuiera Belle, prairies toutes recoupees en Isles & Islettes, lesquelles s'entrelasēt les vnes les autres: brief le lieu est si plaisant, que les melancholiques seroiēt contraints y changer leur naturel. Apres que i'eu seiourné là quelque tēps, ie feis rembarquer mes gens pour nauiger vers l'ouuert de la riuiera: où nous trouuâmes le *Paraousti*, lequel suiuant ceste siēne promesse nous attēdoit. Parquoy afin de luy satisfaire, nous prîmes pied à terre, & luy fîmes reuerencetelle q̄ de sa part il nous la faisoit. Alors il me fit present de la peau qu'il portoit si richement peinte: & ie le recompensē d'vne piece de nostre marchandise. Je ne voulus faillir luy demander d'où procedoit le Lingot d'argent qu'il m'auoit auparauant dōné: à quoy il me fit assez soudaine responce, laquelle toutesfois ie n'entendois: ce qu'il apperceut bien. Et lors il me monstra par signes euidens que le tout venoit de plus dedans la riuiera, à quelques iournées de ce lieu: & nous feit entēdre que

tout ce qu'ils en auoient, ils le conqueroiēt à force d'armes des habitans de ce lieu, nommé par eux *Thimogona*, ses plus anciens & naturels ennemis, comme assez il monstrois. Dont m'estant apperceu cōme il parloit d'affection, lors qu'il prononçoit *Thimogona*, i'entens ce qu'il vouloit dire. Et pour me rendre plus affectionné, ie luy promis de l'accompagner de tout mō pouuoir, s'il les vouloit combattre: chose qui le contenta tellement, que dès lors il se promit la victoire sur eux, & m'assura que dedans vne briefue espace il y feroit vn voyage, feroit battre du mil en quantité, & commanderait à ses gens d'accoustrer leurs arcs, & se fournir de flesches en si bon nombre, que rien ne defaudroit pour combattre *Thimogona*. Il me supplia au reste tres-affectueusement de ne luy faillir de promesse: & que ce faisant, il esperoit me faire recouurer or & argent en si bōne quantité, que mes affaires succederoiēt selon mon souhait & le sien. Le tout ainsi resolu, ie pris congé de luy pour retourner à mes vaisseaux, où apres nous estre reposez toute la nuit suiuañte, nous haulsames le lendemain les voilles de grād matin, & nauigeasmes vers la riuiera de Seine, distāte de celle de may enuiron quatre lieues: & là

*Argent  
entre le  
peuple nō-  
mé Thimo-  
gona.*



continuans nostre route vers le North, nous arriuasmes à l'emboucheure de Somme, qui n'est qu'à six lieues de la riuere de *Seine*, là où nous posames l'ancre, & mismes pied à terre pour recognoistre ce lieu, ainsi que nous auions fait les autres. Là nous fusmes gracieusement & humainement receuz du *Paraousti* de la cōtree, qui est vn des plus hauts hommes & des mieux formez qui se puisse trouuer. Sa femme estoit assise pres de luy, laquelle outre l'Indienne beauté, dont elle estoit grandement enrichie, tenoit vne si vertueuse contenance & grauité modeste, qu'il n'y eut celuy de nous qui ne la louast beaucoup. Elle auoit à sa suite cinq de ses filles si bien formees & si bien apprises, que ie me persuadé aisément que la mere leur auoit seruy de maistresse, & leur auoit enseigné la maniere de bien & estroitement garder l'honnesteté. Apres que le *Paraousti* nous eut receuz ainsi que j'ay dit, il commanda à sa femme me presenter quelque nombre de petites boulettes d'argent: quant à luy il me fit present de son arc & de ses flesches, cōme il auoit fait au Capitaine Iean Ribaut, à nostre premier voyage, qui est vn signal de confederation & d'alliance perpetuelle avec ceux qu'ils honorent de tel present. En

*Boulettes  
d'argent.*

discourans les vns avec les autres, nous entraſmes en propos de l'exercice des armes: lors le *Paraouſti* fit mettre vne targe au but, & me pria que nous feiſſiõs eſpreuue de nos harquebuſes & de leurs arcs, mais ceſt eſſay ne luy fut agreable. Car ſi toſt qu'il cõgneut nos harquebuſes percer aiſement ce que tous les efforts de ſes arcs ne pouuoient endommager, ſembla ſe contriſtrer reſuant à par ſoy comme telle choſe ſe pouuoit faire. Toutesfois voulant comme diſſimuler par penſee ce que ſa contenance ne pouuoit aucunement, il commença à changer de propos, & nous ſupplia de grande affection que vouluffions demourer ceſte nuit en ſa demeure ou maiſon, diſant plus grand heur ne luy pouuoir aduenir que noſtre longue demeure, laquelle il auoit enuie de recompencer de mil preſens. Neantmoins nous ne luy peufmes accorder ce point, ains nous priſmes cõgé de luy, pour retourner en nos vaiſſeaux. Là où bien toſt apres ie feis aſſembler les nombres de ma compagnee, avec les maiſtres & pilotes de mes nauires, pour deliberer enſemblemēt de la part que nous deuions choiſir pour planter noſtre ſeiour. Premièrement ie leur feis entendre, comme chacun d'eux n'eſtoit ignorant, que la

# L'HISTOIRE DE

partie qui estoit vers le Cap de la Floride, estoit vn pais tout noyé, & partant inutile à nostre habitatiō, chose qui ne rapporteroit proffit aucun au Roy, ne contentement ou plaisir à nous, si d'auanture nous nous y voulions habiter. D'autre part si nous passions plus outre vers le Septentrion pour aller rechercher le *Port Royal*, la chose ne se trouueroit grandement cōmode ne cōuenable: au moins si nous voulions croire au recit de ceux qui grandemēt y auoient demouré: ores que le port fust l'un des pl<sup>s</sup> beaux de toutel'Inde Occidentale: mais qu'en ce cas il n'estoit tāt question de la beauté que des choses nécessaires à soustenir la vie: & que pour nos premieres annees il nous estoit beaucoup plus necessaire d'habiter es lieux abōdans en viures, que non pas es ports gaillards, beaux, profōds & plaisans à la veüe. A raison de ce que i'estois d'aduis, si de leur part ils le trouuerroient bon, nous accōmoder enuiron la riuiera de May: ioint qu'à nostre premier voyage nous l'auions trouuee seule entre toutes abōder en mil, & en farines, outre l'or & l'argent qui s'y trouua: chose qui me faisoit esperer quelque heureuse descouuerte pour l'aduenir. Apres que i'eu proposé ces choses, chacun en dit son opiniō: & tous en fin resolerēt, nōmement ceux qui avec moy auoient

*Notq.*

*Or Gar-  
gēt se trou-  
ue en la  
riuiera de  
May.*

essayé le premier voyage, estre expedient de s'habituer plustost en la riuere de May, qu'en aucune des autres, en attendât les nouuelles de la Frâce. Ce poinct ainsi arresté, nous tournasmes la prouë vers la riuere: & fîmes telle diligence, qu'avec la faueur des vêts, nous arriuasmes le lendemain, enuirõ l'aube du iour, qui estoit le Ieudy, vingt-neufiesme du mois de Iuin. L'ancre posee, ie feis embarquer tous nos meubles, & les soldats de ma cõpagnie, pour droit nauiger vers l'ouuerture de la riuere: en laquelle nous entraâmes biẽ auant & trouuasmes vne crique d'assez moyẽne grãdeur, laquelle nous inuita à prendre quelque peu de refection, cõme en nous reposâs: puis nous mîmes pied à terre pour recognoistre vn lieu biẽ explané d'arbres, le quel nous auions aperceu de la crique. Mais pour autãt que nous ne le trouuasmes assez commode pour nous habiter, nous deliberaâmes retourner au lieu, lequel nous auions parauant descouuert, lors que nous nauigions en la riuere. Ce lieu est ioignant la montagne, & nous sembloit plus propre & cõuenable pour bastir forteresse, que celui où nous estions. Parquoy nous nous acheminasmes vers les forests, estans guidez par le ieune Paraousti, qui nous auoit mené à la demeure de son pere. Puis nous

*Vingt  
neufiesme  
du mois de  
Iuin.*



trouuâmes vne spacieuse cāpagne couverte de hauts Sapins eslongnez quelque peu les vns des autres : souz lesquels nous aperceûmes vne infinité de Cerfs qui chāyoïent parmy la pleine, au trauers de laquelle nous passâmes , puis nous descourîmes vne petite montagne aboutissante à vn grād val verdoyant de forme platte , dedās lequel estoient les plus belles prairies de tout le môde, & les herbages fort propres à pasturer les bestes. Elle est enuironnee au reste d'une infinité de petits ruisseaux d'eau douce, & de hautes forests, qui rend le val plus delectable à l'œil. L'ayant contēplé tout à mon aise, ie le nommay, à l'interpellation de mes soldats, le val de *Laudonniere*, nous poursuîmes outre . Puis ayans vn peu cheminé, nous rencontraîmes vne Indienne de haut corsage, & *Hermaphrodite*, laquelle nous vint au deuant avec vn grand vaisseau , plein de claire eau de fontaine: dont elle nous soulla gea beaucoup : car nous estions alterez au possible, à cause de la chaleur ardente qui nous battoit par ces hauts forests : & croy que sans le secours de ceste Indienne , ou plustost sans le grand desir que nous auions de nous rendre par nous resolu, nous eussions toute la nuict demeuré au bois . Estās

Val de  
Laudon-  
niere.

doncques refraichis par ce moyen, nous reprismes nos esprits & cheminans de gayeté de cœur nous arriuasmes au lieu delegué pour faire nostre demeure . Sur lequel au mesme instant nous dressasmes ioignant le bord de la riuiera vne quâtité de fueillards, pour la nuit suiuaute prendre nostre repos, que nous trouuasmes gracieux le possible, à cause du trauail que le iour precedent nous auions souffert en cheminant. Le lédemain sur la diane, ie commanday que l'on sonnast vne trôpette, à fin qu'estans assemblez nous rendissions graces à Dieu, de nostre arriuee fauorable & heureuse . Là nous chantasmes louanges au Seigneur, le suppliant vouloir par sa saincte grace, continuer son accoustumee bonté, enuers nous ses pauures seruiteurs, & desormais nous ayder en toutes nos entreprises, si que le tout retournast à sa gloire, & à l'aduancement de nostre foy: Les prieres faites, chacun commença de prendre courage. Puis ayans mesuré vn parterre en triangle, nous nous euertuasmes les vns à remuer terre de toutes parts, autres à couper fessines: & les autres à garnir, & donner forme au rempart: car il n'y auoit celuy qui ne fust garny de paisle, serpe, de hache, tant pour faire esplanade d'arbres, que pour

*Forme &  
bastiment  
de la Ca-  
roline.*

dresser le fort, lequel nous diligenteâmes de telle allegresse, qu'en quelques iours apparut vn effect de nostre diligence. Pendant lesquels, le *Paraousti Satouriona*, nostre plus proche voisin, & sur les terres duquel nous bastissions nostre fort, venoit ordinairement accompagné de ses deux enfans, & d'un nombre d'Indiens, s'offrir à nous faire tout plaisir. Aussi vsoy-je liberalement de ma marchandise en son endroit, à fin de luy faire cognoistre le bon vouloir que nous luy portions, & par cela le rendre jaloux de nostre amitié, de sorte que croissans les iours, croist soit nostre alliance & confederation. Nostre fort mis en forme, ie feis commencer vne grange, pour retirer les munitions & les choses necessaires à la deffense du fort: suppliant le *Paraousti*, que son plaisir fust commander aux Indiens ses subiects, nous faire vne couverture de *Palmites*, car ils n'vsent d'autre chose pour couvrir leurs maisons: & ce à fin que les iours suyans i'eusse moyen de decharger nos vaisseaux, & mettre à couuert ce qui estoit dedās. Soudain le *Paraousti* cōmanda en ma presence à tous les Indiens de sa compagnee d'accoustre dès le lendemain matin vn si bon nombre de *Palmites*, que la grāge se trouuaست couuerte auāt deux

iours, chose qui fortit à son effect. Car durant ces deux iours, les Indiens ne feirent que trauailler les vns à apporter des *palmites*, les autres à les entrelasser de telle sorte, que le commandement de leur Roy fut executé, comme il auoit voulu. Nostre fort estoit basti en triangle. Le costé de l'Oest qui estoit celuy de la terre, estoit fermé d'une petite tranchee & releuee de gazons faicts en forme de parapet, de la hauteur de neuf pieds, l'autre costé qui estoit vers la riuiera, estoit fermé d'une palissade de clies de la maniere que l'on faict les gabions. Il y auoit du costé du Sud vne forme de bastion, dedans lequel ie feis bastir vne grange aux munitions. Le tout estoit basti de fascines & de sable, excepté enuiron la hauteur de deux ou trois pieds de gazon, dont les parapets estoient faicts. I'auois faict faire vne grande place au milieu, de dix huit pas de long & de large, au milieu de laquelle, tirât sur l'un des costez vers le Sud, ie feis bastir vn corps de garde, & vne maison de l'autre costé vers le North, laquelle i'auois faict esleuer vn peu trop haut: car vn peu de temps apres, le vent me l'abbatit: & l'experience m'apprist qu'il ne faut pas bastir à ceste terre à hauts estages, à cause des grands vents,



Il ne faut  
bastir en  
cette terre à  
hauts esca  
ges.

Caroline.

auxquels elle est subiecte. L'un des costez qui fermoit ma court, laquelle iauois faict faire belle & spatieuse, touchoit à la grange des munitions : & en l'autre vers la riuere, estoit ma maison, à l'entour de laquelle il y auoit des galleries toutes couuertes. La principale faillie de mon logis estoit au milieu de la grande place, & l'autre estoit deuers la riuere. Assez loin du fort ie feis bastir vn four, pour euitier aux fortunes du feu, à cause que les maisons sont couuertes de *Palmites*, qui sont prompts à estre bruslez, depuis que le feu y prend : si bien qu'à grand peine peut on auoir le loisir de l'esteindre. Voila en brief la description de nostre forteresse, que ie nommay la *Caroline* en l'honneur de nostre prince le Roy Charles. Apres que nous fusmes accommodez de ce qui nous estoit le plus necessaire, ie ne voulus perdre vne minute d'heure, sans l'employer à quelque vertueux exercice. Pource ie donnay charge au sieur d'*Ottigny* mon lieutenant, homme veritablement digne de tout honneur, tant il estoit accort & vertueux, de recognoistre plus au dedas de la riuere, qui pouoit estre ce *Thimogona*, dont le *Paraousti Satouriona*, nous auoit si souuent parlé à nostre descente. Pour ce faire, le *Paraousti* luy donna pour ses guides

deux Indiens, lesquels entreprenans ceste conduite sembloient aller aux nopces, tant ils estoient deliberez de combattre leurs ennemis. Leur embarquement fait, ils haussèrent les voilles, & ayâs singlé enuiron vingt lieues, les Indiens qui regardoient çà & là, pour remarquer aucuns de leurs ennemis, descoururent trois *almadies*: & aussi tost ils commencerent à crier *Thimogona, Thimogona*, & ne parlerent que de s'aduançer pour les aller combattre: ce que le Capitaine feignit vouloir faire pour les cōtenter. Quand se vint à l'aborder, l'un des Indiens se saisit d'une halebarde & l'autre d'un coutelats, esmeuz iusques à se vouloir ietter dans l'eau, pour seuls les aller combattre. Toutesfois *Ottigny* les empescha de ce faire, car differât l'aborder, donna moyen aux autres de tourner la prouë des *almadies* en terre, & se sauuerent dans les forests. Aussi le dessein d'*Ottigni* n'estoit de guerroyer ceux de *Thimogona*, ains plustost les attirer en amitié, & les rendre à l'aduenir, paisibles les vns avec les autres, fil luy eust esté possible: esperant par ce moyen descourir tousiours quelque singularité, & specialement le certain cours de la riuiera. Pour cest effet il feit retirer la barque, en laquelle estoient les deux Indiens ses

Premier  
voyage.

20. lieues.

guides: & achemina la sienne vers les *almadies*, qui estoient à bord. Là où estant parvenu, il mit quelques ioyaux dedans: puis se retira assez loin. Ce qui fit retourner les Indiens fuitifs à leurs *almadies*, & cognoistre par ce signe, que ceux de la barque, n'estoient de leurs ennemis, ains venuz seulement pour trafiquer avec eux. Pources'estans assurez, ils appellerent nos gens, à fin de les approcher: ce qu'ils feirent incontinent, & mirent pied en terre, & parlerent librement avec eux, avec des ceremonies trop longues à racompter. En la fin *Ottigny* leur demanda par signes s'ils auoient or ou argent avec eux: Mais ils luy feirent entendre qu'ils n'en auoiēt pour lors: & que s'ils vouloient enuoyer l'un de leurs hommes quād & eux, ils le conduiroient sans aucun danger au lieu auquel ils en pourroient recourir. *Ottigny* les voyant si bien affectionnez, leur en deliura vn, qui se monstroit fort deliberé de faire ce voyage: il y demoura iusques au lendemain dix heures de matin, que le Capitaine *Ottigny*, quelque peu fasché de si long tardement nauigea dix grâdes lieues plus dedans la riuiera: ignorant toutesfois le chemin qu'il deuoit tenir. Il alla toutesfois si auât qu'il descouurit vne *almadie*, dās

10. grâdes  
des lieues.

laquelle estoit son soldat, lequel luy raporta comme les Indiens l'auoient voulu mener à trois grandes iournees de là: luy donna à entédre qu'un Roy nommé *Mayrra*, riche en or & argent, habitoit en ces quartiers, que pour peu de marchandise on en tireroit suffi samment de luy, toutesfois qu'il n'auoit voulu s'hasarder sans son congé, & qu'il me rapportoit que bien peu d'or. Cela fait, nos gés retournerent vers nostre fort de la *Caroline*, apres qu'ils eurent laissé le soldat avec les Indiens, à fin de plus en plus s'enquerir des choses qu'il pourroit descouurir plus à loysir. Quinze iours apres ce voyage à *Thimogona*, ie depeschay le Capitaine *Vasseur* & mon sergent aussi, pour derechef aller en ce pays, & s'enquerir du soldat qui y estoit demouré le precedent voyage. Estant doncques embarquez, ils nauiguerent deux iours entiers: & premier que de paruenir à la demeure des Indiens, ils en trouuerent deux ioignant le riuage, lesquels estoient commis expressement en ce lieu, pour descouurir si quelques vns de leurs ennemis viendroient en ceste part, en deliberation de les surprendre, ainsi comme ils faisoient ordinairement. Quand ils apper-

*Mayrra*  
*Roy riche*  
*en or &*  
*argent.*



# L'HISTOIRE DE

ceurent le Capitaine *Vasseur*, ils cogneurent incontinent qu'il n'estoit de leurs ennemis: & pour ceste cause ils ne firent difficulté de s'aprocher de la barque, & luy faire entendre par signes que le soldat qu'on cherchoit n'estoit en ce lieu, mais estoit de present en la maison du Roy *Molona*, vassal d'un autre grand Roy nommé par eux *Olata Ouac Outina*: & que si le Capitaine vouloit tirer ceste part, il y arriueroit bien tost. Ce qu'il leur accorda & fit ramer la part, que les Indiens luy auoient monstree: dont ils furent si ioyeux qu'ils coururent legerement par terre annoncer sa venue qui fut à la demeure du Roy *Molona*, apres qu'il eut ramé seulement vne demie lieüe. La reception faite au Capitaine *Vasseur* & à ses gens, par le Roy *Molona*, le soldat arriua bien tost apres, chargé de cinq ou six liures d'argent qu'il auoit troquées & trafiquées avec les Indiens. Ce Roy fit faire du pain, & accoustrer du poisson à la mode Indienne pour festoyer nos François, ausquels en prenant le repas il discourut des autres Roys ses alliez & amis, en nommant iusques au nombre de neuf, assauoir, *Cadecha*, *Chilili*, *Eclauou*, *Euacappe*, *Calanay*, *Onachaquara*, *Omittaqua*, *Acquera*, *Moquoso*: Tous lesquels avec luy iusques

Roy *Molona*.

Roy *Olata Ouac Outina*.

Cinq ou six liures d'argent.

ques au nombre de plus de quarante, assure-  
 ra estre vassaux du tresredoubte *Olata Ouac*  
*Outina*. Ce faiët, il se meit semblablement  
 àdescouvrir les ennemis d'*Ouac Outina*, au nō-  
 bre desquels meit comme le premier, le *Pa-*  
*raousti Satouriona*, monarque des confins de  
 la riuere de May: lequel a souz son obeissan-  
 ce trente autres *Paraoustis*, dont il y en auoit  
 dix qui tous estoient ses freres, & pour ce-  
 ste cause estoit grandement redouté en ces  
 parties: puis il en nomma trois autres non  
 moins puissans que *Satouriona*: le premier  
 desquels demeuroit à deux iournees de son  
 seigneur *Olata Ouac Outina*, & luy faisoit or-  
 dinaire guerre, & s'appelloit *Potauon*, hom-  
 me cruel en guerre, pitoyable toutesfois en  
 l'execution de sa furie. Car il prenoit les pri-  
 sonniers à mercy, content de les marquer  
 sur le bras gauche d'un signe grand comme  
 celuy d'un cachet, & imprimé ainsi que si le  
 fer chaud y auoit passé, puis les ramenoit  
 sans leur faire autre mal. Les deux autres e-  
 stoient nommez, *Onatheagua*, & *Houstaqua*,  
 seigneurs puissans & abondans en richesses,  
 & principalement *Onatheagua*, habitant pres  
 les hautes mōtaignes fecōdes en beaucoup  
 de singularitez, & en vne infinité de pierre  
 de brique, dont ils font des coins à fendre

Roy Po-  
tauon.

Onathe-  
agua &  
Housta-  
qua Roy  
puissans

L'HISTOIRE DE

le bois. L'occasion, laquelle, comme il disoit, mouuoit *Potauon* de faire la guerre à *Olata Ouae Outina*, estoit la crainte qui le forçoit, luy & ses compagnons, de prendre la pierre dure en ses terres, de laquelle ils armoient leurs flesches, & n'en pouuoient recouurer en lieu plus proche. Qui plus est, *Molona* fit recit au Capitaine *Vasseur*, que ses alliez Roys, vassaux du grand *Olata*, s'armoient l'estomach, bras, cuisses, iambes & front, avec larges platines d'or & d'argent : & que par ce moyen les flesches cochees sur eux, ne les pouuoient aucunement endommager, ains se brisoient à l'encontre. Sur ce le Capitaine *Vasseur* s'enquist si les Roys *Onatheaqua* & *Houstaqua* estoient point semblables à nous. Car suiuant les addressees que l'on donnoit d'eux, il vint à douter si c'estoiēt Espagnols ou non: mais *Molona* l'aduertit que non, ains qu'ils estoient Indiens, lesquels alloient nuds comme luy, & estoient semblables aux autres, hors mis qu'ils peindrent leur visage de noir, & les autres comme *Molona*, le peindrent de rouge. Lors mon Lieutenant, le *Vasseur*, & mon Sergent, luy promirent que quelque iour, ie m'acheminerois avec mes forces, en ce pais : & que me ioignant

Larges  
plaimes  
d'or &  
d'argent.

Le visage  
d'aucuns  
peints en  
noir, des  
autres en  
rouge.

avec son Seigneur *Olata*, ie retournerois victorieux des plus hautes montagnes . Il fut resiouy grandement de ce propos, & respondit que le moindre des Roys qu'il auoit nommez, presenteroit au chef de ce secours, la hauteur de deux pieds d'or & d'argent, que par force d'armes ils auoient ia conquis sur les deux Rois *Onathe- aqua & Houstagua* . La bonne chere passée, & les discours finis, mes gens se rembarquerēt, en deliberation de me rapporter ces bonnes nouuelles au fort de *Caroline* . Mais apres qu'ils eurent assez longuement singlé par la riuiera, & qu'ils furent à trois lieues pres de nous, le flot leur fut tellement contraire, que force leur fut mettre pied à terre, & se retirer pour la nuit en la demeure d'un *Paracoufi*, nommé *Molona*, lequel se monstra fort ioyeux de leur arriuee : car il desiroit sçauoir des nouuelles de *Thimogoa*, & pensoient que les François n'y estoient allez pour autre occasion que pour les guerroyer . Ce que le Capitaine Vasseur entendant, dissimula si bien, qu'il luy feit à croire comme il n'estoit allé à *Thimogoa*, en autre deliberation que pour les deffaire, & les faire passer au fil de l'épée, sans mercy: mais que leur deliberation

*Hauteur  
de deux  
pieds d'or  
& d'argent*



n'auoit succédé selon leur bon desir: pour ce que les gens de *Thimogoa* aduertis de ceste entreprise, s'estoient retirez dans les bois, & sauuez à la fuitte: toutesfois qu'ils en auoiēt attrapez quelque vns à la poursuite, qui n'en auoiēt porté nouuelles à leurs compagnons. Le *Paracoufi* fut si resiouy de ce propos, qu'il l'entrerompit, & demanda au *Vasseur*, le commencement & la maniere de son execution, mesmes il le pria que par signes on luy feist entendre comme le tout s'estoit passé. A l'instāt François la Caille mon sergent de bande meit l'espee au poing, disant qu'au trenchant d'icelle il auoit passé deux Indiens qui fuyoient par les forests, & que ses compagnons n'en auoient moins fait de leur costé. Que si la fortune leur eust si bien duiet, que de n'estre descouverts par les *Thimogoa*, la victoire leur fust demouree glorieuse & memorable à iamais. La dessus le *Paracoufi* se monstra tellement satisfait, qu'il ne scauoit de quelle façon gratifier nos François: lesquels il fit entrer en sa demeure pour plus honorablement les festoyer. Et ayant fait seoir ioignant soy, & en son propre siege le Capitaine *Vasseur* (chose que les Indiens estimoient en grand honneur) puis deux de ses enfans au dessous, beaux & puissans per-

sonnages, il commanda que tous les autres se disposassent en tel ordre que bõ leur sembleroit. Ce fait, les Indiens vindrent selon la coustume qu'ils ont, presenter la casine au *Paracoufi*, & consequemment à quelques vns de ses grands amis & fauoris. Puis celuy qui la presentoit, quitta le vase à part, & tira vne petite iagaye qui pëdoit fichée à la couverture de la salle: & comme furieux il dressa la teste haute, marcha à grand pas, & alla frapper vn Indien qui seul estoit assis à l'vn des cantons de la salle, fescriât à haute voix *Hyon*, sans que le pauvre Indien se remuast aucunement pour le coup que patiemment il monstroient endurer. Celuy qui tenoit la iagaye partit legerement pour la remettre en son premier lieu, & recommença à donner à boire, comme il faisoit auparauant, mais il n'y eut long temps continué, & à peine en auoit présenté à trois ou quatre, que de rechef il quitta son vase, reprit la iagaye, & de vifesse retourna vers celuy qu'il auoit desia frappé, auquel il deschargea vn assez roide coup sur les costez, fescriât *Hyon*, ainsi qu'au parauant il auoit fait: puis alla remettre la iagaye en la place, & se meit au rang des autres. Peu de temps apres, celuy qui auoit esté frappé se laissa tomber à la renuerse roi-

diffant bras & iambes, comme fil eust esté  
 prest rēdre le dernier soupir. Et lors le plus  
 eune des enfans du *Paraconfi*, vestu d'une lō-  
 gue peau blanche, se mit aux pieds du ren-  
 uersé, plorant amèrement. Demy quart  
 d'heure apres, deux autres de ses fre-  
 res vestus d'accoustremens semblables, se  
 mirent à l'entour du persecuté, & commen-  
 cerent à gemir pitoyablement. Leur mere  
 tenant vn petit enfant en ses bras, vint d'vn  
 autre costé: & s'achemināt au lieu où estoiet  
 ses enfans, elle vfa en premier lieu d'une in-  
 finité de cris: puis leuant tantost les yeux  
 au Ciel, tantost se prosternant en terre, elle  
 cria si pitoyablemēt, que ses pleurs lamenta-  
 bles eussent meu à pitié les plus durs meurs  
 du mōde. Encore ne fut-ce assez. Car il arri-  
 ua vne troupe de ieunes filles, qui ne cesserēt  
 de plorer, par long espace de temps, au lieu  
 où l'Indien estoit tombé. Lequel puis apres  
 elles prindrent, & avec les plus tristes gestes,  
 dont elles se peurent aduifer, elles le porte-  
 rent en vne autre maison, quelque peu di-  
 stante de la grande salle du *Paraconfi*, & con-  
 tinuerent l'espace de deux grandes heures  
 leurs pleurs & gémissements: pendant les-  
 quels, les Indiens ne differoient de boire  
 la casine, mais avec vn tel silence, qu'il ne

s'entendoit vn seul mot en la salle. Le *Vasseur* ennuyé de n'entendre ces ceremonies, demanda au *Paraconsi*, que vouloient signifier ces choses: lequel lentement luy respondit, *Thimogona*, *Thimogona*, sans autre propos luy tenir. Fascché plus que deuant d'une si maigre respõce, il s'adressa à vn autre Indien frere du *Paraconsi*, & *Paraconsi* *Malica*  
Roy. comme son frere, appelé *Malica*, lequel fit pareille responce que le premier, le suppliant au reste ne s'enquerir plus auant de ces choses, & qu'il eust patience pour ceste heure. Le vieillard cauteleux le supplia quelque temps apres de luy monstrier son espee, ce qu'il ne voulut refuser, estimant qu'il vouloit contempler la façon de ses armes: mais il congneut soudain que c'estoit pour autre chose: car le vieillard la tenant en main, se mit long temps à la contempler en tous ses endroits, pour veoir s'il y pourroit recognoistre quelque sang, qui mōstrast aucun de leurs ennemis auoir esté tuez: (car les Indies ont accoustumé de rapporter pour enseignement de leurs victoires, les armes, dõt leurs ennemis ont esté defaits, aucuncement sanglâtes) mais n'y voyât aucune marque, il estoit sur le point de luy dire qu'il n'auoit tué aucun *Thimogoa*, quand le *Vasseur* obuiant



à ce qu'il pouuoit obiecter, luy descouurit & monstra par signes la façon de son entreprise, adioustant que pour l'occasion de deux Indiens par luy mis à mort, s<sup>on</sup> espee estoit demeuree tellement sanglante, qu'il auoit esté contraint la nettoyer long temps en la riuere. Ce que le vieillard trouua vray semblable, & n'y repliqua aucunement. Le Vasseur, la Caille, & leurs autres compagnons partoient de la salle pour entrer au logis, auquel on auoit transporté l'Indien: là ils trouverent le *Paracousi* assis sur des tapisseries de menus roseaux, qui prenoit son repas à la mode Indienne, & ioignant luy l'Indien persecuté, couché sur les mesmes tapisseries. A l'entour duquel estoit la femme du *Paracousi* avec toutes les ieunes filles qui parauant le pleuroient en la salle: lesquelles ne faisoient sinon chauffer force mousse au lieu de seruiettes, pour frotter le costé de l'Indien. Sur cela le *Paracousi* fut de rechef interrogé par nos François pour quelle occasion l'Indien auoit esté ainsi outragé en sa presence. Il feit responce que cela n'estoit qu'une ceremonie, par laquelle ils remettoient en memoire la mort & persecution de leurs ancestres *Paracousis*, faite par leur ennemy *Thimogoa*: allegant au surplus que toutes & quantes

Tapisseries de menus roseaux.

Ceremonie.

fois, que luy ou aucun de ses amis & allicz retournoit de ce pays là sans rapporter les testes de leurs ennemys, ou fâs emmener quel que prisonnier, il faisoit en perpetuelle memoire de tous ses predecesseurs, toucher le mieux aimé de tous ses enfans, par les mesmes armes, dont ils auoient esté occis le temps passé: affin que renouuellant la playe, la mort diceux fust de rechef ploreë. Or estans ainsi informez de ces ceremonies, ils remercierent le *Paraconsi* du bon traitement qu'ils auoient receu, & faisans voile, me vindrent trouuer au fort, où le tout me fut discouru par eux en la mesme sorte que ie luy discouru cy dessus. Le vingt-huictiesme Iuillet nos nauires partirent pour retourner en France: & quelque temps apres enuiron deux mois, nostre arriuee en la nouvelle France, le *Paraconsi Satouriona* enuoya quelques Indiens vers moy, pour entendre si ie voulois continuer en la promesse que ie luy auois faite, lors que premierement i'estois descendu en ce pais: qui estoit de me monstrier amy de ses amys & ennemy de ses ennemis: mesmes de l'accompaigner avec vn bon nombre de harquebusiers, quand il verroit expedient, & trouuerroit l'occasion opportune d'aller en

*Retour de  
nos nauires  
en France  
le 28.  
Iuillet.*

*Roy Sa-  
touriona*

guerre : maintenant que se reposant sur ceste promesse , il le supplioit ne la vouloir differer : ioinct que suyuant icelle il auoit donné si bon ordre à l'exécution de son entreprise, qu'il estoit prest , & auoit tout ce qui estoit necessaire pour le voyage. Je luy feis responce, que pour son amitié ie ne voulois acquerir l'inimitié de l'autre : & que quand ores que ie le voulusse, toutefois ie n'auois les moyens de ce faire: car il ne conuenoit pour ceste heure faire prouision de viures & de munitions pour la defence de mô fort . D'autre part, que mes barques n'estoient aucunemēt prestes , & que pour ce faire le temps estoit requis: au reste que le *Paracousi Satouriona* se pouoit tenir prest pour partir dedås deux lunes , & qu'alors i'aduiferois de luy tenir promesse . Les Indiens porterent ceste responce à leur *Paracousi*, qui ne s'en contenta fort, pour ce qu'il ne pouoit differer son execution ou expedition , tant à cause de ses viures , qui estoient tous prests, qu'à cause de dix autres *Paracousis*, assemblez avec luy pour le faict de ceste entreprise. La ceremonie dont vsa ce sauage auant que s'embarquer , ne merite

d'estre mise en oubly : Car s'estant assis au long de la riuere , enuironné de dix autres *Paracousis* , il commanda que promptement on luy apportast de l'eau. Ce fait, iettant la veuë au ciel se mit à discourir de plusieurs choses en gestes, ne monstrant rien en luy qu'une ardente cholere, qui tantost luy faisoit bransler la teste çà & là , tantost par un courroux ie ne sçay quel, tourner sa veue vers la part de ses ennemis , & les menacer à mort . Il iettoit souuent son regard au soleil, luy requerant victoire glorieuse de ses ennemis . Ce qu'ayant fait par l'espace d'une demie heure , il versa avec la main sur les testes des *Paracousis* , quelque portion de l'eau qu'il tenoit en un vaisseau, & ietta le reste , comme par furie & despit, dans un feu, lequel estoit là préparé tout express . Ce faisant il s'escria par trois fois, He *Thimogoa* : & fut suiuy de bien cinq cens Indiens qui là estoient assemblez, lesquels crierent tous d'une mesme voix , He *Thimogoa* . Ceste ceremonie à ce qu'un Indien m'en a familiarement recité, ne signifioit autre chose, q̃ *Satouriona* suplioit au Soleil, de luy octroyer victoire si heureuse, qu'il peust espendre le sang de ses ennemis , ainsi qu'il

*Ceremonie auant que d'aller en guerre*

*Cinq cens Indiens.*



auoit espandu ceste eau à son plaisir: d'auantage que les *Paracousis*, arrousez d'une partie de ceste eau, peussent retourner avec les testes de leurs ennemis, qui est le seul & souverain triomphe de leurs victoires. Apres que le *Paracousi Satouriona* eut acheué les ceremonies, & qu'il eut veu tout son equipage, il s'embarqua & fit si bonne diligence avec ses *almadies*, que le lendemain deux heures avant que le soleil fust couché, il arriva sur les terres de son ennemy, à huit ou dix lieues des villages. Puis ayant fait prendre terre à un chacun, il assembla son conseil, auquel il fut arresté, que cinq des *Paracousis* nauigeroient par la riuere avec la moitié des troupes, & se rendroient à la pointe du iour, ioignant la demeure de leur ennemy. Quant à luy, il s'achemineroit avec le reste, par les bois & forests le plus secrettement que faire il pourroit: qu'estans là arriuez, tant ceux qui alloient par eau, que luy qui cheminoit par terre, ils ne faillissent le point du iour d'entrer dedans le village, & tailler tout en piece, excepté les femmes & petits enfans. Ces choses ainsi arrestees, furent executees le plus furieusement que faire se peut. Ce qu'ayans fait ils prindrent les testes de leurs ennemis morts, & en couperent tout le

*Coustume  
de combat  
tre.*

tour des cheueux avec vne partie du taiz: Ils rançonnerent aussi vingt quatre prisonniers qu'ils emmenerent, & se retirerent incontinent à leurs *almadies*, qui les attendirent: là où estans venuz ils se prindrent à chanter les louanges du Soleil, auquel ils rapportoient leur victoire. Puis ils mirent les peaux des testes au bout des iaelots, & s'acheminèrent tous ensemble vers les terres du *Paracousi Omoloo*, l'un de ceux qui estoient en la compagnie. Là estans venuz, ils partirent également les prisonniers à chacun des *Paracousis*, & en laisserent treize à *Satouriona*, lequel despescha incontinent vn Indien sien subiect, pour aller deuant raconter la victoire à ceux qui estoient demourez pour la garde des maisons: lesquels incontinent se prindrēt à plorer: mais quand la nuit fut venue, ils ne cessèrent de dancer & faire mille esbatementens pour l'honneur de la feste. Le lendemain le *Paracousi Satouriona* arriua, lequel auant qu'entrer en son logis, fit planter deuant sa porte tous les cheueux de ses ennemis, & les feit enuironner de branchages de lauriers: faisant par ce superbe spectacle le triomphe de la victoire qu'il auoit obtenue. Incontinent les pleurs & gemissemēs commencerent, lesquels la nuit estant ve-

*Le soleil  
Dieu des  
Indiens.*

*Omoloo  
Roy.*

*Triomphe.*

nue, furent conuertiz en plaisirs & dances. Apres que ie fus aduerty de ces choses, i'en-  
 uoyé vn soldat par deuers *Satouriona*, le pri-  
 ant de m'enuoyer deux de ses prisonniers:  
 ce qu'il me refusa, disant qu'il n'y estoit en  
 rien tenu, & que ie luy auois manqué de pro-  
 messe, contre la fidelité que ie luy auois iu-  
 ree dès mon arriuee. Ce qu'ayant entendu  
 par mon soldat, qui estoit retourné en dili-  
 gence, i'aduisay les moyens d'auoir la raison  
 de ce Barbare, & luy faire cognoistre com-  
 bien son audacieuse brauade luy nuiroit.  
 Pource ie commanday à mon sergent de  
 m'equipper vingt soldats, pour me faire cō-  
 pagnie à la maison de *Satouriona*: où estant  
 arriué, & entré dedans la salle, sans le saluer  
 aucunement, ie m'allé seoir ioignant luy, &  
 demuré fort long temps sans luy tenir au-  
 cun propos, ne luy monstrier signe d'amitié,  
 chose qui luy donna bien à penser: ioint que  
 quelque nombre de soldats estoit demouré  
 à la porte, auxquels i'auois fait expres com-  
 mandement de ne laisser Indien aucun sor-  
 tir dehors. Ayant demuré enuiron demye  
 heure en ceste contenance, ie demandé où  
 estoient les prisonniers que l'on auoit pris à  
*Thimogoa*, & commandé que presente-  
 ment ils me fussent amenez. A quoy le

*Paracousi*, despité en son courage, & estonné le possible, fut long temps sans respondre, en fin toutefois il me dit assez arrogamment, qu'estans espouventez de nous veoir arriuer ainsi en armes, ils auoient pris la fuite dans les forests, & qu'ignorant le chemin qu'ils auoient tenu, ils n'auoient moyen aucun de les recouurer. Lorsie feis semblant de n'entendre son dire, & demandé de rechef les prisonniers, & quelques vns de ses principaux alliez. Lors *Satouriona* fit commandement à son fils *Atore* de cher- *Atore.* cher les prisonniers, & faire tant qu'ils fussent amenez en ce lieu, ce qu'il executa vne heure apres. Apres qu'ils furent arriuez au logis du *Paracousi*, ils me saluerent humblement: & leuans les mains deuant moy, se voulurent quasi prosterner à mes pieds: mais ie ne l'enduray, & bien tost apres les amenay quand & moy à nostre fort. Le *Paracousi* grandement irrité de ceste brauade, se meit à songer tous les moyens pour se venger de nous: toutefois pour ne nous en donner soupçon, & mieux couvrir son faict, il nous enuoya souuēt ses âbassades tousiours accôpagnez de quelques presens. Entre autres il depescha vn iour trois Indiens, qui en apporterent deux pleins pāniers de grosses



# L'HISTOIRE DE

Grosses  
 & excellen-  
 tes ci-  
 tronilles,

citrouilles, beaucoup plus excellentes que celles de nostre France, & de la part de leur Roy me promirent, que pendant ma demeure en ce pays, les viures ne me deffaudroient aucunement. Je les remercié du bon vouloir de leur prince: & leurs feis entendre le grand desir que j'auois, tant pour l'vtilité de *Satouriona*, que le repos de ses subiets, le pacifier avec ceux de *Thimogoa*, chose qui ne leur pouuoit tourner qu'à bien grand advantage: entendu qu'estant allié avec les Roys de ces parties là, il auroit passage ouuert contre *Onathaqua* son ancien ennemy, lequel autrement il ne pouuoit combattre: ioint qu'*Olata Ouac Outina* estoit si puissant *Paraconsi*, que *Satouriona* n'auroit moyen de supporter ses forces, mais estans d'accord ensemble, ils pourroient aisément ruiner tous leurs ennemis, & passer les confins des plus lointaines riuieres meridionalles. Les ambassades me supplierent auoir patience iusques au lendemain, qu'ils retourneroient vers moy, pour m'acertener de la volonté de leur Seigneur. Ce qu'ils ne faillirent faire, me donnans à entendre que le *Paraconsi Satouriona* estoit le plus content du monde de traiter cest accord (ores que le contraire fust veritable) & qu'il me supplioit tenir la main, promettant

promettant tenir & garder tout ce qu'en son nom ie passerois avec les *Thimogoa*: Ce que les mesmes ambassades reciterent aux prisonniers que i'auois amenez. Apres qu'ils furent partiz, ie resolus deux iours apres, de renvoyer les prisonniers à *Olatá Ouac Outina*, auquel ils appartenoint: mais deuant que les faire embarquer, ie leur donnay quelques petits ioyaux, qui estoient petits couteaux ou tablettes de voirre, esquelles l'image du Roy Charles neufiesme estoit figuree au naturel, dont ils me remercièrent bien fort, & ensemble de l'honneste traitement qui leur auoit esté faiët, au fort de la *Caroline*, puis s'embarquerent avec le Capitaine *Vasseur*, avec le seigneur d'*Arlac* mon enseigne, que i'enuoyé expres pour demourer quelque temps avec *Ouac Outina*, esperant que la faueur de ce grand *Paracoufi* me seruiroit beaucoup à faire mes descouuertes futures: Je le feis aussi accompagner d'un de mes sergens, & de six braues soldats. Les choses se passerent ainsi, & la haine du *Paracoufi Satouriona* duroit contre moy, tant que le vingt neufiesme du mois d'Aoust, il tomba à my lieue nostre fort, vn foudre du ciel, plus digne ( ce croy-ie ) d'estre admiré & couché par escrit, que tous les estranges si-

Foudre  
admirable  
aduenue  
au mois  
d'Aoust.

gnes que l'on ait veuz par le passé : & dont les historiens ayent iamais escrit. Car non-obstant que les prairies fussent en ce temps là toutes verdes & my couuertes d'eaux, si est-ce que ce foudre en vn instant en consumma plus de cinq cens acres, & brusla par sa chaleur ardente, tous les oyseaux, qui lors s'egayoient par les prairies : chose qui continua par l'espace de trois iours, qui ne fut sans nous donner bien à penser, ne pouuans iuger dont procedoit ce feu : car tantost nous auions opinion que les Indiens brusloient leurs maisons, & pour crainte de nous, abandonnoient leurs places : tantost nous estimions qu'ils auoient descouuert quelques vaisseaux en mer, & que suiuant leur coustume ils allumoient ça & là force feux, pour donner à cognoistre qu'il y auoit habitation en leur terre. Toutesfois n'en estant asseuré, ie resoluz d'enuoyer vers le *Paracoufi Serranay*, pour en sçauoir la verité. Mais comme i'estois sur le point de faire embarquer quelqu'un pour descouurir ce faict, six Indiens arriuerent de la part du *Paracoufi Allicamany*, qui de premiere entree me firent vn grand discours, (apres m'auoir présenté quelques panniens pleins de mil, de citrouilles & de raisins) de l'alliance amia-

*Serranay*  
*Roy*

*Allicama-*  
*ny Roy.*

ble, qu'*Allicamany* auoit enuie d'entretenir avecques moy: & que de iour en iour ne faisoit qu'attendre l'heure qu'il me plairoit l'employer à mon seruice. Pource, entendu l'obeissance qu'il me portoit, il trouuoit fort estrange la canonnade que i'auois faict tirer vers sa demeure: laquelle auoit faict brusler vne infinité de verdes prairies, & cōsumé iusques dedans l'eau, approché mesme si pres de sa demeure, qu'il pensoit veoir le feu en sa maison: pource il me supplioit tres-humblement. de commander à mes gens, que plus on en tirast vers son logis, autrement il seroit contraint pour l'aduenir abandonner sa terre, & se retirer en quel lieu plus escarté de nous. Ayant entendu la folle opinion de cest homme, qui toutesfois ne nous pouuoit estre que beaucoup profitable, ie dissimulay ce que i'en pensois pour lors, & respondis aux Indiens d'un visage assez ioyeux, que le recit qu'ils me faisoient, de l'obeissance de leur *Paracoufi*, m'estoit fort agreable: pource que par le passé il ne s'estoit monstré tel en mon endroit, spécialement quand ie l'auois sommé de me renvoyer les prisonniers qu'il detenoit du grand *Olata Ouac Outina*, dont toutesfois il n'auoit faict



# L'HISTOIRE DE

*Landon-  
riere s'est  
servy de l'oc-  
casion pre-  
sente.*

grand compte, qui estoit la cause principale-  
ment, pour laquelle ie luy auois fait tirer  
la canonnade : non que i'eusse en enuie de  
donner iusques à sa maison , comme aise-  
ment ie pouuois faire, si bon il m'eust sem-  
blé, mais que ie m'estois contenté de faire  
tirer iusqu'à my chemin , pour luy faire co-  
gnoistre ma puissance : l'assurant au reste  
que moyennant qu'il perseuerast en sa bon-  
ne affection , on se deporteroit de plus fai-  
re tirer à l'aduenir : ains ie luy serois loyal  
defenseur contre ses plus grands ennemis.  
Les Indiens contentez de ma responce, re-  
tournerent assseurer leur *Paracoufi*, qui non-  
obstant l'assurance, s'absenta de sa demeure  
à bien vingt & cinq lieues , & ce par l'es-  
pace de plus de deux mois . Les trois iours  
expirez, l'ardeur s'esteignit du tout . Mais  
les deux iours suiuaus , suruint en l'air v-  
ne challeur si excessiue, que la riuiera, ioi-  
gnant laquelle nous estions habitez , de-  
uint tellement chaude , que presque elle  
bouillit, comme ie croy, car il mourut v-  
ne si grande quantité de poisson , & de tant  
d'especes, qu'en la seule emboucheure de la  
riuiera, on en trouua de morts pour suffi-  
samment charger cinquante chariots, dont  
il suruint vne putrefaction en l'air, qui nous

*Grande  
quainté de  
poisson  
mort pour  
la chaleur  
du foudre.*

causa force maladies contagieuses, iusques à voir la plus part de mes hommes malades, & comme prests de finir leurs iours: Toutefois nostre bon Dieu y voulut si bien pourueoir, que tous reuindrēt en conualescence, sans qu'un seul decedast. Le Seigneur d'Arlac, le Capitaine *Vasseur*, & l'un de mes Sergens s'estans embarquez avec leurs dix soldats, enuiron le dixiesme de Septembre, pour remener les prisonniers à *Outina*, nauigerent si auant en la riuiera, qu'ils descouurerent vn lieu nommé *Mayarquas*, distant de nostre fort enuiron quatre vingts lieues, auquel & en plusieurs autres villages par eux recōgnuz, les Indiens leur firent bon traitement. De ce pas ils ramerent au logis du *Paraconsi Outina*, qui apres les auoir festoyez à son pouuoir, pria le seigneur d'Arlac, vouloir seiourner quelque temps avec luy, acompagné de ses soldats, pour guerroyer l'un de ses ennemis appellé *Patauou*, ce que le Seigneur d'Arlac luy accorda volontiers. Et pour ce qu'il ne sçauoit combien il pouuoit demourer par delà, il me renuoya le Capitaine *Vasseur*, & la barque, lequel ramena seulement cinq soldats. Or pour ce que la coustume des Indiens est de tousiours guerroyer par surprise, *Outina* resolut prendre son

Troisiesme voyage.

*Mayarquas* lieu distant du fort par 80. lieues.

# L'HISTOIRE DE

ennemy *Potauou* au matin à la *Diane* : Et pour ce faire il feit cheminer ses gens toute la nuit , qui pouuoient estre au nombre de deux cens , si bien aduisez , qu'il auoient prié nos harquebusiers François se mettre en teste , à fin ( comme ils disoient ) que le bruit de leurs harquebuses estonnast leurs ennemis : Toutesfois ils n'y sceurent aller si subtilement que ceux du village de *Potauou* , distant de la demeure d'*Outina* enuiron vingt cinq lieues , n'en fussent aduertis : qui soudainement se mirent en deuoir de defendre leur village tout enfermé de bois , & sortirent hors en grande compagnie. Mais se trouuans chargez de harquebusades ( chose qu'ils n'auoient aucunement accoustumee ) mesme voyant le conducteur de leur troupe tomber dès le commencement du combat , par vne harquebusade , qu'il receut au front , tiree de la main du seigneur d'*Arlac* , ils quitterent la place : & les Indiens d'*Outina* entrerent dans le village , prenans hommes , femmes , & enfans prisonniers. Ainsi demeura la victoire au *Paracoufi Outina* , par le moyen de nos François , qui tuerēt beaucoup de ses ennemis , & perdirēt en ce cōflict vn de leurs cōpagnōs ,

25. lieues  
auant  
3<sup>e</sup>.

dont *Outina* porta grand desplaisir. Huiſt ou dix iours apres, ie renuoyé le Capitaine Vaſſeur avec vne barque, afin de remener le ſeigneur d'Arlac & ſes ſoldats, qui à leur retour m'apportoient quelques preſents d'*Outina*, comme quelque argent, quelque peu d'or, des peaux peintes, & autres hardes, accompagnées de mil mercis, que me faiſoit le *Paracouſi*, lequel promettoit que ſi en quelque affaire de conſequence, j'auois affaire de ſes hommes, il m'en fourniroit iuſques à trois cens & plus. Pendant que ie trauaillois ainſi à gagner & acquerir des amis, & à pratiquer tantost ceſtuy, tantost celuy la, quelques ſoldats de ma troupe furent ſubornez de longue main par vn nommé la Roquette, du pays de Perigort, lequel leur donnant à entendre qu'il eſtoit grand magicien, & que par les ſecrets de la magie, il auoit deſcouuert vne mine d'or & d'argent à mont la riuiera, de laquelle ſur ſa vie, chaſque ſoldat tireroit en eſſence la valeur de bien dix mil eſcus, ſans toucher à plus de quinze cens mil, qui ſeroient reſouez à la maieſté du Roy. Ils ſ'allierent doncques à la Roquette, & vn autre ſien conſe-

Or, argent  
& peaux  
peintes.



*Commencement de  
sédition  
des soldats  
contre leur  
Capitaine*

*La Roquette et  
Coe prin  
ceux au  
cheurs de  
la jediton.*

deré, nommé le Genre, auquel nonobstant ie me fiois beaucoup . Ce Genre cupide du tout à s'enrichir par delà, & appetant la vengeance de ce que ie ne luy auois voulu bail-  
ler le paquet pour porter en France , feit entendre secrettement aux soldats ia subornez par la Roquette, que ie les voulois frustrer de ce grand gain, en ce que iour-  
nellement ie les entretenois au travail, sans les enuoyer ça & là descouurir les ter-  
res . Pour ce qu'il ne seroit que bon apres me l'auoir faiët entendre, trouuer le moy-  
en de depescher le pays de moy, & d'esli-  
re vn autre Capitaine en mon lieu, si ie ne  
voulois donner viande à leur appetit de-  
fordonné. Luy mesme m'en porta la parole,  
me faisant vn discours de la bõne enuie des  
soldats, qui to<sup>r</sup> me supplierët de les vouloir  
cõduire aux terres de la mine , Ie luy feis re-  
sponce que tous n'y pouuoient aller, & qu'il  
falloit necessairemēt premier que de partir,  
mettre nostre forteresse en tel estat , que  
ceux qui resteroiët, y demeurassent asseurez  
contre les Indiens, qui les pourroiët surpren-  
dre. Au reste, que ie trouuais estrãge la façõ,  
de laquelle ils procedoient : car il leur sem-  
bloit que la maiesté du Roy n'eust fait la de-  
spence de nostre voyage à autre fin qu'à les

enrichir de pleine arriuee, en ce qu'ils se mōstroient beaucoup plus affectionnez à l'auarice qu'au seruice de leur Prince. Or voyans que ma responce ne tendoit à autre fin qu'à rendre la forteresse asseuree & en deffence, ils delibererent d'y trauailler: & feirent vne enseigne de vieil linge, laquelle ordinairement ils portoient sur le rempart quand ils alloient au trauail, tousiours accompagnez de leurs armes, chose que i'estimois estre faite pour les mieux encourager au labeur: mais à ce que i'ay descouuert puis apres, & mesme par la cōfession du Genre, portee par lettres qu'il m'en a escrites, ces gentils soldats ne faisoient cela qu'à l'intention de me tuer, & mon Lieutenant aussi, si d'auanture ie leur eusse tenu quelque propos fascheux. Enuiron le vingtiesme Septembre, comme ie retournois du bois & gaulettes, pour le paracheuement du fort: & que selon ma coustume ie cheminois le premier pour donner courage à mes soldats, ie m'eschauffay de telle sorte, que ie tombay en maladie, dōt ie pensois mourir. Durant laquelle i'appellois souuent le Genre, comme celuy à qui ie me fiois sur tous, & des conspirations duquel ie ne me doutois aucunement. Cependant essemblant ses complices, tan-

*Maladie  
du Capi-  
taine Lau-  
dmiere.*

# L'HISTOIRE DE

toft en fa chambre & tantoft au bois, pour tenir confeil avec eux, il leur parloit d'eflire vn autre Capitaine que moy, afin de me faire mourir. Mais ne pouuant par voye de fait executer fon meschant deffein, il s'adreffa à mon Apoticaire, le priant instamment de mesler dans la medecine que ie deuois prendre vn iour ou deux apres, quelque drogue qui me feist passer le pas, ou de moins qu'il luy fournist de quelque Arsenic ou Sublimé que luy mefme mettroit en mon breuuage: mais l'Apoticaire luy refusa, cōme aussi fit maistre S. maistre des artifices de guerre. Et tout & ainsi frustré de ces deux moyens, il resolut avec quelques autres, de cacher deffouz mon liēt vn petit barillet de poudre, & par vne trainee y mettre le feu. Sur ces entreprises vn gentil-homme que i'auois depesché pour retourner en France, voulant prendre congé de moy, m'aduertit que le Genre l'auoit chargé d'vn liure farcy de toutes inuectiues medifantes & calomnies contre moy, cōtre le seigneur d'Ottigni, & contre les principaux de ma compagnie. Au moyen dequoy ie fis lors assembler tous mes foldats, & le Capitaine Bourdet avec tous les siens, lesquels dès le quatriesme de Septembre, estoient arriuez en la rade, &

Apoticaire.

Genre seditieux principal & empoisonneur. Maistre des artifices de guerre.

estoyent entrez en nostre riuere, & feis lire en leur presence à haute voix ce qui estoit contenu dans le liure, à fin qu'ils tesmoignassent des faulsetez escrites contre moy. Genre, qui s'estoit retiré dās les forests, craignant d'estre attrapé, où il vesquit quelque temps depuis avec les sauuages par ma permission, me rescriuit souuent, & en plusieurs lettres qu'il m'enuoya, me confessa auoir bien gagné la mort, se condemnant soy mesme, iusqu'à remettre le tout à ma misericorde & pitié.

*Continuation de l'histoire.*

Le septiesme ou huiëtiesme Nouembre, apres auoir fait bonne & suffisante provision de viures necessaires, i'enuoyay deux de mes hommes, assauoir la Roche Ferriere, & vn autre deuers le Roy *Outina*, pour tousiours descouurir pays de plus en plus, là où il fut l'espace de cinq ou six mois, durant lesquels il descouurit plusieurs villages, & entre autres vn nommé *Hostagua*: le Roy duquel affectant mon amitié, m'enuoya vn carquois de peau de loup ceruier, garny de ses flesches, vne couple d'arcs, quatre ou cinq peaux peintes à leur mode, & vne chaine d'argent, pesante enuiron vne liure. Pour lesquels presens ie luy enuoyay

*Quatriesme voiage*

*Hostagua vilage.*

*Chaine d'argent.*



# L'HISTOIRE DE

vne paire d'habillemés complets, avec quelques serpes ou haches: A pres doncques ces choses ainsi faiçtes, enuiron le dixiesme de ce mois, le Capitaine Bourdet delibera de partir d'avecques moy, pour retourner en France. Lors ie le suppliy, voire importunay le possible, de remener quâd & soy, quelques sept au huiët soldats, desquels ie ne m'asseurois aucunement. Ce qu'il feit en faueur de moy, & ne voulut se charger du Gêre, qui luy presenta grande somme d'argent, si son plaisir estoit le remener en France: il le passa seulement à l'autre riué de la riuere. Trois iours apres son partement, treize mathelots que i'auois amenez de France, subornez par quelques autres mathelots, que le Capitaine Bourdet m'auoit laissez, desroberent mes barques en la façon qui s'ensuit. Ces mathelots du Capitaine Bourdet feirét entendre aux miens, qu'ayans des barques telles qu'estoient les miennes, ils pourroiet gaigner beaucoup dans les Isles des *Entilles*, & faire vn grandissime profit. Sur ce ils cō-

Larcins des  
mathelots.

mencerent à deliberer comme ils pourroiet enleuer mes barques, & s'aduiserent que quand ils iroient par mon commandement au village de *Sarramahi*, distant enuiron lieue & demye de nostre fort, & sur vn bras de

riuiere (où selon ma coustume, ie les en-  
 uoyois tous les iours querir de la pierre,  
 pour faire de la brique & du bouzilhage en  
 nos maisons) ils ne reuiendroient : ains se  
 fourniroient de viures le mieux que possible  
 leur seroit : puis se mettroient tous en vne  
 barque, & s'en iroient, ainsi que veritable-  
 ment ils feirent. Qui pis est, deux charpen-  
 tiers Flamans, que le mesme Bourdet m'a-  
 uoit laissez, emmenerent l'autre barque, &  
 premier que de partir couperent les amares  
 de la barque, & du basteau de Breton, afin  
 qu'il deriuast quand & la maree, & que ie  
 n'eusse le moyen de courir apres eux: de sor-  
 te que ie demouray sans barque ny basteau,  
 qui me vint aussi mal à propos que chose du  
 monde : car i'estois sur ce poinct de m'em-  
 barquer au plustost, pour descourir plus  
 auant que i'eusse peu à mont nostre riuiere.  
 Or mes mathelots, ainsi que puis apres i'en-  
 tendis, prindrent vne barque passagere  
 d'Espagnols, pres l'isle de Cuba, en laquelle  
 ils trouuerent quelque nombre d'or & d'ar-  
 gent qu'ils saisirent : & ayans ce butin, tin-  
 drent quelque temps la mer, iusqu'à ce que  
 les viures leurs vindrent à faillir : qui fut  
 cause que vaincuz de famine, ils se redirent  
 à la *Hauane*, ville principale del'isle de Cu-

*Larcin  
 faite par  
 les mathe-  
 lots, d'une  
 barque de  
 Landon-  
 niere : ce  
 depuis an-  
 tre larcin  
 de l'autre  
 barque  
 fait par  
 deux Fla-  
 mands.*

ba: dont aduint l'inconuenient que si apres ie diray plus au long. Voyant que mes barques ne reuenoiēt à l'heure accoustumee, & soupçonât ce qui estoit aduenue: ie cōmanday à mes charpētiers faire en toute diligence vn petit bateau, à fond plat, pour descouurer dans ces riuieres, quelque chose de ces mathelots. Le basteau depesché en vn iour & vne nuit, entendu que les charpentiers trouuerent la planche & le bois cyē, cōme ordinairement ie faisois faire à mes artisans, on se mit à enquester pour auoir nouuelles de mes larrons, mais ce ne fut qu'en vain. Ainsi ie deliberay faire bastir deux grandes barques, chacune desquelles pouuoit auoir de trente cinq à trente six pieds de guille: & ia estoit la besongne fort aduācée, à cause de la diligence que ie faisois faire par mes ouuriers, quād l'ambition & l'auarice mere de tous maux, s'enracinerēt au cœur de quatre ou cinq soldats, auxquels cest œuure & travail ne plaisoit point: & qui de cest heure (nommément vn appelé *Fourneaux*, vn nommé *la Croix*, & vn nommé *Estienne le Geneuoys*, les trois principaux de la sedition) commencerent à pratiquer les meilleurs de ma troupe, leur donnans à entendre que c'estoit chose ville & deshonneste, à

hommes de maison, comme ils estoient, de se matter ainsi à vn trauail abiect & me-  
chanique, attendu qu'il se presentoit vne  
occasion la plus belle du monde, pour se  
faire tous riches : qui estoit de faire ar-  
mer les deux barques qui se bastissoient, &  
les garnir de bons hommes : puis nauiger  
au *Perou* & aux autres *Entilles*, où chasque  
soldat se pouuoit bien enrichir de dix mil  
escus. Que si leur faict se trouuoit mauuais  
en France, ils auoient tousiours moyen, à  
cause des grandes richesses qu'ils gaigne-  
roient, de se retirer en Italie, iusques à ce  
que la fureur fust passée, & que ce pen-  
dant il fallumeroit quelque guerre qui fe-  
roit oublier tout cela. Ce mot de ri-  
chesses sonna si bien aux oreilles de mes  
soldats, qu'en fin apres auoir plusieurs fois  
consulté de leurs affaires, ils se trouuerent  
iusqu'au nombre de soixante six. Lesquels,  
pour donner couleur au grand desir qu'ils  
auoient de piller, me feirent presenter vne  
requeste par François de la Caille sergét de  
ma compagnee, contenant en somme vne  
remonstrance du peu de viures qui restoient  
pour nous maintenir, iusqu'au temps que  
les nauires pourroient retourner de France:



A quoy remedier leur sembloit necessaire d'enuoyer à la nouvelle Espagne, au *Perou*, & à toutes les Isles circonuoisines, ce qu'ils me supplioient leur vouloir permettre : mais ie leur feis responce, que les barques acheuees, ie donneroie si bon ordre par tout , que moyennant la marchandise du Roy , sans espargner iusques à mes propres habits, nous recourririons viures des habitans du pays : ioint aussi que nous en auions encor pour quatre mois. Car ie craignois fort que souz ombre de chercher des viures, ils voufissent attenter quelque chose sur ceux qui appartenoiẽt au Roy d'Espagne, chose qui le temps aduenir m'eust esté reprochee avec iuste raison: attendu qu'au partir de France, la Royne m'auoit bien expressement commandé de ne faire aucun tort aux subiects du Roy d'Espagne, ne chose dont il peust concevoir aucune ialousie . Ils feirent semblant de se tenir satisfaits pour ceste respõce. Mais huiẽt iours apres, ainsi que ie continuoie au trauail de nostre fort , & de noz barques , ie tombé malade : Lors mes seditieux oubliãs tout honneur & deuoir, pensans auoir trouué occasion d'executer leur rebelle entreprise , commencerent à practiquer de nouveau leurs premiers desseins , faisans si bien leur

leur menée durant ma maladie, qu'ils protesterent de se saisir du corps de garde & du fort, voire de me violenter, si ie ne voulois consentir à leur vouloir depraué. Mon Lieutenant aduerty de ce, me vint faire entendre qu'il auoit quelque opinion de quelque menée : & le lendemain matin ie fus salué du port d'armes, où mes soldats estoient pour me iouer vn mauuais tour : lors i'enuoyay querir deux gentils-hômes, ausquels ie me fiois le plus, qui me rapporterent, les soldats auoir deliberé de venir vers moy pour me faire vne requeste : mais ie leur remonstray que ce n'estoit la façon d'ainsi presenter requeste à vn Capitaine : & pource qu'ils m'en uoyassent quelques vns, afin de me faire entendre ce qu'ils vouloient obtenir. Sur ce les cinq principaux autheurs de la sedition, armez de corps de cuirasse, la pistole au poing, & le chien abbatu, entrerent en ma chambre, me disans qu'ils vouloiēt aller aux nouuelles Espagnes chercher leur aduanture. Lors ie leur remonstray qu'ils regardassent bien à ce qu'ils vouloient faire : mais ils respondirent aussi tost, que tout y estoit regardé, & qu'il failloit leur accorder ce poinct : puis (respondi-ie adonc) que ie suis forcé de ce faire, i'y enuoyeray le Capitaine Vasseur

& mon sergent, qui me respondront & rendront compte de tout ce qui se fera en ce voyage: & pour vous contenter, ie suis bien d'aduis, que preniez de chaque chambre vn homme, afin d'accôpagner le Capitaine Vasseur & mon sergent. Surquoy blasphemant le nom de Dieu, ils me respondirent qu'ils y deuoient aller: qu'il ne restoit plus sinon que ie leur rendisse les armes que i'auois en mon pouuoir, de peur que (si villainement outragé par eux) ie ne m'en aydasse à leur defauantage, ce que pourtant ne leur voulus accorder: mais ils prindrent tout de force, & l'emporterent hors ma maison. Mesme apres auoir offencé vn gentil-homme en ma chambre, qui en vouloit parler, se faisirent de ma personne, & tout malade que i'estois, m'enuoyerent prisonnier en vn nauire, qui estoit à l'ancre au meilleu de la riuere. Dans lequel ie fus l'espace de quinze iours, assisté d'vn homme seul, ne voulans permettre qu'il vint aucun des miens me visiter: à tous lesquels & autres tenans mon party, ils osterent les armes, & m'enuoyerent vn congé pour signer, me mandans apres leur auoir refusé, que si i'en faisois aucune difficulté, ils me viendroient tous couper la gorge dans le nauire. Ainsi ie

fus contraint leur signer le congé , &  
 quant & quant leur bailler quelques mari-  
 niers avec le pilote Trenchant . Les bar-  
 ques paracheuees, ils les armerent de mu-  
 nitions du Roy, de pouldres , de balles,  
 & d'artillerie, autant qu'il en falloit , &  
 esleurent pour leur Capitaine vn mien ser-  
 gent nommé Bertrand Sonferrent , leur  
 enseigne, vn nommé *la Croix*, contrai-  
 gnirent le Capitaine Vasseur de leur liurer  
 l'enseigne de son nauire . Puis deliberans  
 nauiger en vn lieu des *Entilles*, nommé *Lean-*  
*guane*, appartenant aux Espagnols , & y  
 prendre terre, la nuit de Noel, à fin d'en-  
 trer au temple , pendant qu'on diroit la  
 messe de minuit, & massacrer tous ceux  
 qui s'y trouueroient, feirent voile le huit-  
 iefme iour de Decembre . Mais pource  
 que la pluspart d'eux se repentoit desia de  
 l'entreprise , & que desia ils commence-  
 rent à se mutiner & fascher les vns con-  
 tre les autres : quand ils eurent à sortir del'em-  
 boucheure de la riuier, les deux barques  
 se separerent , l'vne tira le long de la co-  
 ste, pour plus aisément faire la traucse du  
 Cap, iusques à Cuba, & l'autre alla tout  
 droit passer au traucers des Isles *Lucayes*:  
 qui fut cause qu'elles ne se rencontrerent



# L'HISTOIRE DE

que six semaines apres leur departement:  
pendant lequel tēps la barque ayant pris la  
traicte de la coste, en laquelle commandoit  
l'vn des premiers seditieux, nommé d'*Orange*,  
& *Trenchant* seruoit de pilote, prist, pres vn  
lieu nommé *Archaha*, vn brigantin chargé  
de quelque nombre de *Cassana*, qui est vne  
espece de pain qui se fait de racines, & neant  
moins est fort blanc & bon à manger, &  
quelque peu de vin. Ce qui ne fut sans quel-  
que perte des leurs : car en vne charge qui  
leur fut donnee par les habitans de *Archaha*,  
deux de leurs hommes furent pris, assauoir  
*Estienne Gondeau*, & vn nommé *Grand pré*,  
sans deux autres qui y demourerent tuez,  
*Nicolas le Maistre*, & *Doublet*: toutefois le bri-  
gantín leur demeura, auquel pource qu'il e-  
stoit de plus grand port, & plus propre pour  
nauiger, ils transporterent toutes les hardes  
qui estoient en leur barque: puis apres ils ré-  
cōtrerent au droit du Cap de sainte *Marie*,  
pres de *Leanguaue*: où ils meirent pied à ter-  
re, pour calfuter & radoubier leur barque,  
qui faisoit grand eaue. Cependant ils re-  
solurent d'aller à *Baracon*, qui est vn villa-  
ge de l'Isle *Iamayque*: où estans arriuez, ils  
trouuerent dans le haure vne carauelle du  
port de cinquante à soixante tonneaux,

*Cassana*  
1 ain.

laquelle ils prindrent toute vuide : & apres auoir fait bonne chere au village, l'espace de cinq ou six iours , ils s'embarquerent dedans, abandonnans leur seconde barque, puis retournerēt au Cap de *Thibron*, où ils rencontrerēt vne patache qu'ils prindrēt de force, apres auoir longuemēt cōbatu. En ceste patache fut pris le gouuerneur de la *Iamayque*, avec beaucoup de richesses, tant d'or & d'argent, q̄ de marchādises, de vin & de prou d'autres choses : desquelles nos seditieux ne se contentans, delibererent en chercher encore en leur carauelle, & leur gouuerneur de la *Iamayque* aussi. Puis estās arriuez à la *Iamayque*, faillirent de prendre vne autre carauelle, qui se sauua dās le haure. Le gouuerneur fin & accort, se voyant conduit au lieu où il demandoit & cōmandoit, feit tant par ses douces paroles, que ceux qui l'auoient pris luy, permirent mettre dedans vne barquette, deux petits garçons, qui auoient esté pris quand & luy, & les enuoyer au village vers sa femme , à fin de l'aduertir qu'elle eust à faire prouision de viures pour les, luy enuoyer. Mais au lieu d'escire à sa femme, il dit secrettement aux garçons qu'elle se mist en tout deuoir faire venir les vais-

# L'HISTOIRE DE

seaux des ports circonuoifins à son secours. Ce qu'elle feit si dextrement, qu'un matin, à la pointe du iour, comme les seditieux se tenoient à l'emboucheure du port (lequel s'estend plus de deux lieues dans la terre) sortit du haure vne *Malgualire*, qui feit nage deuant & derriere: puis deux grands nauires, qui pouuoient estre à chacun de quatre vingts à cent tonneaux bien équipez d'artillerie, & bien fournis d'hommes: à la venue desquels nos mutins furent pris, n'ayans peu descouurir leur venue, tât pour l'obscurité du tēps, que pour la longueur du port, avec ce qu'ils ne s'en doutoient aucunement. Il est bien vray que les vingt cinq ou vingt six qui estoient au brigantin, descouurirent ces vaisseaux quand ils furent pres: lesquels se trouuans pressez pour n'auoir loisir de recueillir les ancrs, couperēt le cable: & le trompette qui estoit dedans, aduertit les autres: pource que les Espagnols se sentans descouuerts tirerent vne volée de canon à l'abordee des François, qu'ils suiuiērēt l'espace de trois lieues, & prindrent leurs vaisseaux. Le brigantin qui en se sauuant passa à la veue du Cap des *Aigrettes* & du Cap *Sainct Anthoine*, situez en l'Isle

de Cuba, & de là vint passer à la veuë de la *Hauane*. Or le pilote Trenchant, & le trôpete & quelques autres mariniers de ce brigantin emmenez par force en ce voyage (ainfi qu'en autre lieu nous auôs dit) ne desiroiët autre chose que retourner vers moy: à ceste fin ils s'accorderent ensemble, si d'auanture le vent leur duisoit bien, de passer la trauerse du canal de *Bahame*, pendant que les sediteux dormiroient, ce qu'ils feirent si bien à propos, que le matin au point du iour, enuiron le vingt-cinquiesme de Mars ils se trouuerent à la coste de la Floride: où cognoissant le mal par eux commis, ils se meirent par maniere de moquerie à contrefaire les Iuges, mais ce n'estoit qu'apres auoir beu du vin, qui leur restoit encores de la prise. L'un contrefaisoit le Iuge, & l'autre merepresentoit, quelquevn apres auoir ouy le plaidoyé, concludoit: vous ferez vos causes telles que bon vous semblera: mais si estans arriuez au fort de la *Caroline* le Capitaine ne vous fait tous pendre, ie ne l'auray iamais en reputation d'homme de bien. Les autres estimoient qu'apres ma cholere passée, i'oublirois aisement cela. Leur voile ne fut si tost descouuerte en nostre coste, qu'un Roy de ce lieu nommé *Patica* de-

Roy *Patica*  
ca,



# L'HISTOIRE DE

meurant huiët lieues loing de nostre fort, & l'vn de nos bons amys, enuoya vn Indien m'aduertir qu'il auoit descouuert quelque voile à la coste, & qu'il estimoit estre de nostre natiõ. Sur ce le brigatin pressé de famine, vint surgir à l'emboucheure de la riuere de *May*: où de prime face nous estimions que ce fussent nauires venues de France, chose qui nous donnoit grande allegresse, mais l'ayans fait recognoistre de pres, ie fus aduerty que c'estoient nos seditieux qui estoient retournez. Pource ie leur enuoyay dire par le Capitaine Vasseur & par mon sergent, qu'ils eussent à amener le brigatin deuant la forteresse: (il n'y auoit de l'emboucheure, où ils auoient mouillé l'ancre iusques à la forteresse, que deux lieues seulement) ce qu'ils promirent faire. Le lendemain i'y enuoyay le mesme Capitaine & sergent, accompagnez de trente soldats, pource que ie voyois leur venue estre trop retardec. Lors ils les amenèrent: & pource que quelques vns d'eux auoient iuré à leur partement de ne rentrer iamais au fort, ie voulu leur faire garder leur serment. A ceste fin ie les attendis vers ladite emboucheure la part où ie faisois trauailler à mes nauires & bar-

ques, & commanday à mon sergēt, qu'il eust à mettre en terre les quatre plus principaux auteurs de la sedition : ausquels au mesmes instant ie feis mettre les fers aux pieds : car ce n'estoit mon dessein de faire punir les autres, entendu qu'on les auoit subornez, & que mon conseil expressement assemblé pour ce faict, auoit arresté que ces quatre seulement deuoient mourir pour seruir d'exemple aux autres. En ce lieu ie leur feis vne belle remonstrance & telle : Mes amis, vous pouuez sçauoir la cause pour laquelle il a pleu au Roy nous enuoyer en ceste terre : vous sçaez qu'il est nostre naturel prince : auquel selon les commandemens de Dieu nous sommes tenus d'obeir : tellement que nous n'espargnons noz biens & nos vies pour faire les choses qui concernent son seruice : vous sçaez, ou pour le moins vous ne le pouuez ignorer, qu'avec ceste generalle & naturelle obligation, vous n'ayez encores adiousté ceste cy, par laquelle receuans de luy gages & solde raisonnable, vous estes tenuz de suyure ceux, lesquels il a establis sur vous, pour estre chefs & vous commander en son nom, luy ayans pour cest effect presté le serment de fielelité, lequel vous ne pouuez aucunement retracter,

*Harâgue  
de Landō-  
niere à ses  
seditieux  
reuenuz;*

# L'HISTOIRE DE

pour quelque belle apparence que vous ayez de faire le contraire: Car c'est la raison, que puis que vous viuez de son pain à telle condition, c'est la raison (disie) que vous luy soyez fidelles. Toutesfois vous auez eu plus grand esgard à voz affectiōs dereglees, qu'à la vertu, laquelle vous inuitoit à l'obseruance de vostre serment: tellement qu'estants faits contempteurs d'honnesteté, vous vous estes desbordez, & auez pensé que toutes choses vous estoient permises. Il est aduenu de là, que pensans auoir eschappé la iustice des hommes, vous n'auiez peu fuir celle de Dieu, laquelle comme ieneuitable vous a cōduis, & malgré vous, vous a faict arriuer en ce lieu, pour vous faire confesser combien ses iugemens sont veritables, & que iamais il ne laisse vne telle faute impunie. Apres que ie leur eu tenu tels ou semblables propos, suiuant ce que nous auions arresté au conseil, pour raison des crimes par eux commis, tant contre la Maiesté du Roy, que contre moy, qui estois leur Capitaine, ie les condamnay d'estre pendus & estranglez. Voyans doncques qu'il n'y auoit plus d'huis de derriere, pour se sauuer de cest ar-

*Sentence  
de mort.*

rest, ils se mirent en deuoir de prier Dieu. Toutesfois l'un des quatre, pensant muttiner mes soldats, leur dit ainsi: Comment mes freres & compagnons, souffrirez vous que nous mourions si honteusement? Et lors prenant la parole, ie luy dis qu'ils n'estoient compagnons des seditieux & rebelles au seruice du Roy. Sur ce les soldats me supplierent de ne les faire pendre, ains permettre qu'ils passassent par les armes, & que puis apres si bon me sembloit, leurs corps seroient pendus à quelques potences au long de l'emboucheure: Ce que presentement ie feis executer. Voila quelle fut l'issue de mes mutins, sans laquelle i'eusse tousiours vescu en paix, & satisfaiët au bon plaisir que i'auois de faire vn heureux & tranquille voyage. Mais pour ce que ie n'ay discouru que les heurs & naufrages qui leur auindrent depuis leur partement, sans faire commemoration aucune de nostre fort, ie reprendray mes premiers errements, pour faire entendre ce qui m'aduient depuis leur partement. Premiere-  
mēt ie vins à cōsiderer, afin de me rēdre plus constant & ferme en mon affliction, que ces mutins ne pouuoient fonder leur sedit-

*Execution  
de la sen-  
tence.*

*Continua-  
tion de l'his-  
toire.*



tion sur la faute des viures : Car depuis nostre arriuee, chascun soldat iournellement auoit eu iusqu'à ce iour, & eut encore iusques au vingt huietieme Feurier, vn pain de munition pesant vingt deux onces. Puis ie pensay en moy-mesme comme toutes conquestes nouuelles, soit en mer, soit en terre, sont ordinairement troublees par les rebellions aisees à se leuer, tant par l'ongue distance du pays, que par l'esperoir que les soldats ont de faire leur profit, ainsi que nous pouuions estre bien informez par les histoires anciennes, & par les heurtades freschement aduenues à *Christophle Columb*, apres sa premiere descouuerte, à *Francesco Pizarre*, à *Diego d'Alimagro*, au *Perou*, & à *Fernand de Cortes*. Cét mil autres choses se proposent à mon esprit, pour me fortifier. Mon lieutenant *Ottigny* & mon sergent de compagnie me vindrent querir au nauire, où i'estois prisonnier, & m'enleuerent dans vne barque, si tost que les mutins furent partiz. Estant arriué au fort, ie feis assembler au meillieu de la place deuant le corps de garde, tous ceux qui me restoiēt, & leur remonstré les fautes commises par ceux qui nous auoient abandonnez, les priant leur en souuenir quelque iour, pour en tesmoigner, quand il en seroit

besoing. L'ordonnay quand & quand des nouveaux chefs, pour commander aux escouades : & leur donnay vn ordre , suiuant lequel ils auoiēt à se gouuerner doresnauāt & à entrer en garde: Car la plus part des soldats, dont i'auois la meilleure opinion, s'en estoient allez. Ma remonstrance faite, ils me promirent tous d'vn commun accord, de tres-bien m'obeir, & de faire tout ce que ie leur commanderois, fust ce de mourir à mes pieds, pour le seruice du Roy. A quoy veritablement ils nont depuis failly : de sorte que i'ose dire depuis l'allee de mes mutins auoir esté aussi bien obey que fut oncques Capitaine en lieu où il ait commandé. Le lendemain de mon retour au fort, ie feis de rechef assembler mes gens, à fin de leur remonstrer comme nostre clos n'estoit encore acheué, & qu'il estoit besoing que tous y missions la main, pour nous asseurer contre les Indiens. Ce que m'ayans volontiers accordé, ils rehaulserent tout de gazons, depuis la porte, iusqu'à la riuiera, qui est du costé de l'Ouest. Ce fait, ie mis mes charpentiers au trauail pour faire vne autre barque de la mesme grâdeur qu'estoient les autres: Commāday aux scieurs qu'ils eussent à preparer de la planche, aux mareschaux de la

L'HISTOIRE DE

ferrure & des cloux, & à quelques autres, de faire le charbon : de sorte que la barque fut paracheuee en dixhuiët iours . Puis i'en feis faire vne autre plus petite que la premie re pour mieux descouurir en la riuiera . Ce pendant les Indiens me visitoient, & apportoitent tousiours quelques presens , comme Poisson, Cerfs, Poulles d'Indes, Leopards, petits Ours, & autres choses selon le lieu de leur habitation . Je les recompensois de quelques haches, cousteaux, patens nostres de verre , peignes & miroirs . Deux Indiens me vindrent vn iour saluer de la part de leur Roy nommé *Marracou*, distant du lieu de nostre fort quelques quarantes lieues du costé du Sud, & me feirent entendre qu'il y auoit en la maison du Roy *Onathagua* vn nommé *Barbu*, & en celle du Roy *Mathiaca*, vn autre hōme, dont ils ne sçauoiēt le nō, qui n'estoiēt de leur natiō : à cause dequoy ie pēsay que ce pouuoiet estre quelques Chrestiens. Pource i'euoyay prier tous les Roys voisins, que s'il y auoit Chrestie aucū demeurāt en leurs terres, qu'ils trouuassēt moyē me le faire recouurer, & que ie les recōpenserois au double. Eux qui aimēt les presēs, y prindrēt telle peine, que les deux hōmes, dōt nous auions parlé, me vindrent trouuer au fort . Ils

Roy *Marracou*.

Roy *Onathagua*.

Roy *Mathiaca*.

estoiét nuds, portans les cheueux longs iusqu'au iarret, ainsi que font les sauuages: & estoiét Espagnols de natiõ, si bié neâtmoins accoustumez à la façõ de ce pays, que de premiere face ils trouuerent nostre maniere estrange. Apres les auoir entretenus de quelques propos, ie les feis habiller & couper les cheueux, qu'ils ne voulurent perdre, ains les enuelopperent dâs du linge, disans qu'ils les vouloient reporter en leur pays pour tesmoigner le mal qu'ils auoiét enduré aux Indes. Aux cheueux de l'vn fut trouué quelque peu d'or caché, iusqu'à la valleur de vingt cinq escus, dont il me fait present. Or les examinant des lieux, ausquels ils pouuoient auoir esté, & comme ils estoient venus, ils me respõdirét qu'il y auoit disia quinze ans passez, que trois nauires, en l'vne desquelles ils estoient, se perdirent au trauers d'vn lieu nommé Calos, sur des basses que l'on dit les *Martyres*, & que le Roy de Calos retira la plus grand part des richesses qui estoient dans lescitées nauires, faisant en forte que la plus part du monde se sauua & plusieurs femmes: au nōbre desquelles y auoit trois ou quatre damoiselles marices, lors de meurâtes encor, & leurs enfans aussi avec ce Roy de Calos: Je voulus m'informer qui e-

*Deux Espagnols menez à Landonie par les Sauvages.*

*Roy de Calos.*

ce Roy ils me firent respõdre qu'il n'auoit



# L'HISTOIRE DE

*Grande  
quantité  
d'or &  
d'argent.*

*Platines  
larges com  
me vne  
assiette de  
vray or.*

le plus beau & le plus grand Indien de la contree, homme grand guerrier, & ayant beaucoup de subiets en sa puissance. Me dirent dauantage, qu'il auoit vn grand nombre d'or & d'argent, iusqu'à en tenir dans vn certain village vne fosse toute pleine, qui n'estoit moins haute qu'un homme, & large comme vn tonneau, à laquelle si ie pouuois aller avec cens harquebusiers, les Espagnols se faisoient forts de me faire recouurer toutes ces richesses, outre ce que ie pourrois tirer du commun peuple du pays, qui en possedoit beaucoup. Ils me donnerent aussi à entendre, que les femmes allans danser, portoient à l'entour de leurs ceintures, des platines d'or, larges comme vne assiette, & en telle quantité, que la charge les empeschoit de danser à leur aise, & que les hommes en auoient au semblable. La plus part de ces richesses prouenoient, à leur dire, des nauires Espagnolles, qui ordinairement se perdoient en ce destroit, & l'autre de la traffique que ce Roy de Calos auoit avec les autres Roys de la contree. Au reste, qu'il estoit fort reueré de ses subiets, & qui leur donnoit à entendre, que ses sorts & charmes estoient causes des biens que la terre produisoit, & que pour leur persuader ce faict,

ce faiët, il se retiroit vne ou deux fois l'année en vne certaine maison accompagné de deux ou trois de ses plus familiers, là où il faisoit quelques enchanteries, & que si quel qu'un s'ingeroit d'aller veoir ce qu'ils faisoient en ce lieu, le Roy le faisoit incontinent mourir. Qui plus est, ils me dirent, que chascun an, au tēps de la moisson, ce Roy barbare sacrifioit vn homme, qui pour ce faiët estoit expressement gardé, & pris au nombre des Espagnols, qui par fortune s'estoient perdus en ce destroit. L'un de ces deux me conta qu'il luy auoit long temps seruy de messager: & que souuētesfois par son commandement il estoit allé visiter vn Roy nommé *Oathchaqua*, distant de Calos quatre ou cinq iournees, qui de tout temps luy estoit bon amy: Mais qu'au meilleu du chemin il y auoit vne isle situee dans vn grand lac d'eau douce, appellé *Serropé*, grand enuiron de cinq lieues, fertile en plusieurs sortes de fruiëts, principalement en dattes, qui produiennent des palmes, dont ils font vne merueilleuse traficque, toutesfois non si grande que d'une sorte de racine, de laquelle ils tirent de la farine si propre à faire du pain, que n'est possible en manger de meilleur: & qu'à quinze lieues à l'entour, tout le pays en

Roy *Oathchaqua*

*Serropé.*

*Abondance de dattes*

*Racines de grand pris pour faire du pain.*

est nourry. Qui est cause que les habitans de l'Isle, attirent de leurs voisins vne grande richesse: car on n'a de ceste racine d'eux, qu'à bonnes enseignes: avec ce qu'ils sont tenus pour les plus belliqueux hommes de la terre, comme ils monstrent bien lors que le Roy Calos, ayant fait alliance avec *Oathcaqua*, fut frustré de sa fille qu'*Oathcaqua* luy auoit promise en mariage. Il me conta le fait en ceste maniere. Comme *Oathcaqua*, bien accompagné de gens, menoit vne de ses filles excellemment belle, selon la couleur du pays, au Roy Calos, pour la luy donner à femme, les habitans de ceste Isle aduertis du fait, luy dresserent vne embuscade au lieu où il deuoit passer, & feirent en sorte que *Oathcaqua* fut mis en route, la mariee prise, & toutes les filles qui la suiuiotent, lesquelles ils emmenerent en leur Isle. Ce que par tout le pais des Indiens ils tiennent à plus grande victoire: car ils se marient puis apres à ces filles, & les aiment esperduement. L'Espagnol qui me fit ce conte, me dit qu'apres ceste deffaicte, il estoit allé demeurer avec *Oathcaqua*, & y auoit bien esté l'espace de huit ans, iusques à ce qu'il m'estoit venu trouuer. Le lieu de Calos est situé sur vne

riuiere, qui est au delà le Cap de la Floride, quarante ou cinquante lieues en tirant vers le Sud: & la demeure d'Oathcagua, est par deçà le Cap, tirant au North, en vn lieu que nous appellons en la charte *Caignaueral*, qui est sur les vingt-huict degrez. Enuiron le vingt-cinquième Ianuier, le *Paraconsi Satouriona* mon voisin, m'enuoya quelques presens par deux de ses subiets, pour me persuader de me ioindre avec luy, & faire la guerre à *Ouae Outina*, qui estoit mon amy: me priant au reste que ie retirasse quelques vns des miens qui estoient avec *Outina*, sans le respect desquels il l'eust plusieurs fois attaqué & deffait: il m'en fit prier par plusieurs autres Roys ses alliez, qui par l'espace de trois sepmaines ou d'un moys m'en uoyèrent messages à ceste fin. Mais ie ne leur voulus accorder la guerre, au contraire ie me mis en deuoir de les rendre amys: ce qu'ils m'accorderent, iusques à tenir pour fait ce que i'en voudrois articuler. Surquoy les deux Espagnols qui cognoissoient il y auoit long temps le naturel des Indiens, m'aduertirent que ie ne me fiasse aucunement en eux, pource qu'alors qu'ils faisoient

*Caignaueral*.

25. Januier.



Naturel  
des Indes  
115.

bon visage & bonne chere aux personnes, c'estoit lors qu'ils les vouloient surprendre & trahir: & que de leur naturel, ils estoient les plus traistres & grands dissimulateurs de tout le monde. Aussi ne me floy-ie que bié à point, comme celuy qui auois descouuert mil de leurs ruses & trauerses, tant par experience, que par la lecture des histoires modernes. Nos deux barques ne furent si tost depeschées, que i'enuoyé le Capitaine *Vasseur* descourir le long de la costé, en tirant vers le *North*, & le chargay nauiger iusques à vne riuiera, le Roy de laquelle se nommoit *Andusta*, seigneur du lieu, où ceux du voyage de l'an mil cinq cens soixante deux, s'estoient chargez de viure. Je luy enuoyay deux sortes d'habillemens, avec quelques haches, cousteaux, & autres petites merceries, pour plus aisement m'insinuer en son amitié. Et pour le mieux gaigner, ie feis embarquer quand & le Capitaine *Vasseur*, vn soldat nommé *Aymon*, qui estoit vn de ceux qui estoient reuenus du premier voyage, esperant que le Roy *Andusta*, le pourroit recognoistre. Mais auant qu'ils s'embarquassent, ie leur commanday de s'enquerir qu'estoit denenu vn autre soldat, nommé *Rouffi*, qui estoit demeuré seul en ces parties là, lors que

Nota.

le Capitaine *Nicolas Masson*, & ceux du premier voyage, s'estoient embarquez pour retourner en France. Ils sceurent à leur descente, qu'une barque passant par là, auoit emmené ledit soldat : & depuis ay veritablement sceu, que c'estoient Espagnols, qui l'auoient passé à la *Hanane*. Le Roy *Andusta* me renuoya ma barque pleine de mil, avec une quantité de febues, deux Cerfs, des peaux peintes à leur mode, & quelques perles de petite valeur, pour ce qu'elles estoient bruslees, & me manda que si ie me voulois habituer en son lieu, il me donneroit un grand pays : & qu'après auoir recueilly son mil, il m'en departiroit tant que ie voudrois. Ce pendât il nous suruint une manne de pigeons ramiers en si grand nombre, & par l'espace d'environ sept semaines, que chacun iour nous en tuasmes à la harquebuse plus de deux cens dans les bois, qui estoient à l'entour de nostre fort. Quand le Capitaine *Vasseur* fut de retour, ie feis de rechef equipper les deux barques de soldats & de mathelots, & ie renuoyé porter un present de ma part à la vesue du feu Roy *Hioacaia*, distâte de nostre fort d'environ douze lieues en tirât vers le North. Elle receut gracieusement nos hommes, me renuoya mes deux barques pleines de mil & de

Perles  
bruslees.

Notai

Grande  
manne de  
pigeons ra  
miers.

Vene du  
Roy *Hio  
caia*.

# L'HISTOIRE DE

gland avecques quelques hottees de fueilles de Cassiné, dont ils font leur breuvage: aussi le lieu de ceste vefue est le plus fertile en mil qui soit en toute la coste, & le plus beau. On tient que ceste Royne est la plus belle de toutes les Indiennes, & de laquelle on fait le plus conte; mesme ses subiets l'honorent iusques là, que là pluspart du temps ils la portent sur leurs espaules, ne voulās permettre qu'elle chemine à pied. Quelque iour apres le retour de mes barques, elle m'enuoya visiter par son *Hiatiqui*, qui est à dire son truchement. Pensant estre muny de viures iusques au temps que les nauires pourroient venir de France, i'enuoyay (de peur de tenir mes gēs oiseux) mes deux barques descourir le long de la riuie-re & à mont icelle, lesquelles allerent si auant, qu'elles furent bien iusques à trente lieues au delà d'un lieu nommé *Mathiaqua*, & là descourirent l'entree d'un lac, à l'autre costé duquel ne se voyoit aucune terre, selon le rapport des Indières, qui mesmes bien souuent auoient môté sur les plus hauts arbres du pais, pour voir la terre, & toutesfois ne l'auoiet aperceüe: qui fut cause q̄ mes gēs ne passerent outre, ains rebrouserēt chemin, & en reuenant visiterēt l'Isle d'*Edelano* situee

Quatries-  
me roya-  
gē.

Descouure-  
ment d'un  
lac à l'un  
des costez  
duquel ne  
se voit au-  
cune terre

Isle d'*Edelano*.

comme au mitan de la riuere, lieu autant beau qui s'en puisse veoir au monde. Car en l'espace de quelques trois lieues qu'elle peut contenir en longueur & largeur, il se void vne fertilité de biens & de peuple grandement recommandable. Au fort du village d'*Edelano*, pour venir au port de la riuere, il faut passer par vneallee, longue environ de trois cens pas, & large de quinze. Aux deux costez de laquelle sont plantez de grands arbres, d'ont les branchages se liēt en arcade, & se rencontrent de tel artifice, qu'il semble que ce soit vne treille faite tout à propos, ie dis aussi belle qu'autre qui se puisse veoir en la chrestienté, & si le tout y est naturel. Nos gens sortis de ce lieu, voguerent à *Eneguape*, puis à *Chilily*, de là à *Patica*, & finalement se rendirent à *Coya*; où laissant leur barques dans vn petit bras de riuere, avec gens pour les garder, ils allerent visiter *Ontina* qui les reçeut fort humainement : & quand ils partirēt de sa maison, fait tant par prieres importunes, que six de mes hommes demeurèrent avec luy, du nombre desquels estoit vn gentilhomme nommé *Grotauld*, qui apres y auoit seiourné environ deux moys, & faiēt grand deuoir de descourir avec vn autre, qui de long temps i'y

*Eneguapé*  
*Chilily*  
*Patica*  
*Coya.*



# L'HISTOIRE DE

Fort beau  
pays.

Trois ou  
quatre mil  
sauuages.

Montagne  
de Palassi  
de laquelle  
sort vn  
ruisseau  
d'or ou de  
cuiure.

auois laissé à ceste fin, me vint retrouver au fort, & me dit que iamais il n'auoit veu vn plus beau pays. Entre autres choses me rapporta qu'il auoit veu vn lieu nommé *Hoslaqua*, que le Roy estoit si puissant, qu'il pouoit mettre trois ou quatre mil Sauuages en campagne: avec lequel si ie me voulois ioindre & entendre, nous mettrions tout le reste du peuple en nostre obeissance: ioint que ce Roy sçauoit les adresses de la montagne de *Palassi*, laquelle les François auoient si grand desir d'aborder, & où l'ennemy d'*Hoslaqua* faisoit sa demeure, lequel estoit facile de surmonter, pourueu que nous fussions liguez enséble. Ce Roy m'enuoya quelque lame de cuiure, tiré de ceste montagne, du pied de laquelle il sort vn ruisseau d'or ou de cuiure, cōme pensét les Sauuages, auquel avec vne cāne de roseau creuse & seiche, ils puisét le sable, iusques à ce q̄ la cāne soit réplie, puis ils la secouét & trouuét que parmi ce sable il y a force petits grains de cuiure & d'argent: ce qui leur faict cognoistre qu'il doit auoir quelque mine en la montagne. Et pour autant qu'elle n'estoit qu'à cinq ou six iournees de nostre fort en tirāt vers le *Northoest*, ie deliberay q̄ si tost q̄ le secours me seroit venu de France, remener nostre de

meure en quelque riuere pl<sup>9</sup> tirāt au North, afin d'en estre plus prochains. Vn de mes hommes nommé *Pierre Gambye*, lequel auoit demouré long tēps auparauant en ce pais, pour aprendre les langues, & trafiquer avec les Indiens, finallemēt arriua au village d'*Adelano*, où ayant amassé vne quantité d'or & d'argent, & voulant retourner vers moy, pria le Roy du village de luy vouloir prester vne *Canoa*, qui est vn vaisseau fait tout d'une piece, duquel les Indiens s'aydent coustumierement à la pesche, & en nauigeant sur les riuieres, ce que ce seigneur d'*Adelano* luy octroya. Mais estant enuiéux de la richesse qu'il emportoit, commāda aux deux Indiens, qu'il auoit chargez de le conduire dās la *Canoa*, de le tuer, puis de luy apporter la marchandise & l'or qu'il pouuoit auoir: ce que les deux traistres executerent inhumainement: car ils l'assommerent d'une hache, ainsi qu'au meilleu de la *Canoa* il souffloit le feu pour cuire du poisson. Le *Paracoufi Outina* enuoya quelques iours apres, me demāder adionctiō de douze ou de quinze de mes harquebusiers, pour guerroyer son ennemy *Potauou*, & me feit entendre que cest ennemy deffaiēt, il me donnoit passage, voire me cōduisoit iusques aux montagnes,

Quantité  
d'or &  
d'argent

sans que personne me sceust nullement empescher. Lors i'assemblay mes hommes pour leur demander aduis, ainsi que i'auois accoustumé de faire en toutes mes entepri-  
ses. La plus part fut d'opinion que ie deuois enuoyer secours à ce *Paraconsi*, pour ce qu'il me seroit mal aisé de descouurir plus auant pays sans son moyen, & que les Espagnols, lors qu'ils estoient sur les termes d'acquérir, festoient tousiours alliez de quelque Roy, pour ruiner l'autre. Neâtmoins, pour ce que ie m'estois tousiours deffié des Indiens, & plus encor depuis l'aduertissement dernier que les Espagnols m'en auoient donné: i'eudoute que le petit nombre demandé par *Outina* ne receust quelque infortune; pour ce ie luy enuoyay trente harquebusiers, souz la charge de mon lieutenant *Ottigny*, qui ne seiourna que deux iours avec *Outina*, pendant qu'il faisoit appareiller les viures de son voyage, lesquels ordinairement & selon la coustume du pays, on faict porter par des femmes, par ieunes garçons, & par les hermaphrodites. *Outina* party avec trois cés de ses subiects, tous ayans l'arc & le carquois plein de flesches, fait mettre en teste nos trête harquebusiers, & les fait cheminer tout le iour iusque à ce que la nuit estant venue, & n'ayans faict encor que moitié du chemin, force

*Nota.*

leur fut de coucher dedans les bois , pres d'un grand estang , & là se camper , ils se separerēt fix à fix , faisans chacun vn feu à l'environ du lieu où est couché leur Roy , pour la garde duquel ils ordonnerent vne quantité d'archers , de ceux ausquels il se fie le pl<sup>o</sup>. Le iour estāt venu , le camp des Indiens fache mina iusques à trois lieues pres de Potanou : puis le Roy *Outina* requist mon lieutenant de luy bailler quatre ou cinq de ses hommes pour aller descouurir , qui tout à l'heure partirent : & ne s'estoient encor fort aduancez , qu'ils apperceurent sur vn estang , distant du village de *Potanou* , enuiron trois lieues , trois Indiens qui peschoient dans vne canoa . Or la coustume est que quād l'on pesche en cest estang , il y a tousiours aux aguets vne troupe d'hommes , armez d'arcs & de flesches pour la garde des pescheurs . Nos gens aduertis par ceux de la compagnee , n'oserēt passer outre , de peur de tomber en quelque embuscade . Parquoy ils reuindrent deuers *Outina* , lequel soudainement les fait retourner en meilleure troupe pour surprendre les pescheurs , auāt qu'ils peussēt se retirer & aduertir leur Roy *Potanou* de la venue de ses ennemis . Cequ'ils ne sceurēt executer si sagemēt que deux ne se sauassēt : encor le 3. se mettoit en deuoir de le gaigner à nage



L'HISTOIRE DE

quād on l'arresta à coups de fleſches, & tout mort ils le tirerent à bord, où nos Indiens luy eſcorcherent la peau de la teſte, luy couperent les deux bras ſur le chemin, reſeruās les cheueux au triomphe qu'il eſperoit faire de la deſſaïcte de ſon ennemy. *Outina* craignāt que *Potanon*, aduertty par les peſcheurs qui ſ'eſtoient ſauuez, ne fuſt en armes pour gaillardemēt les receuoir, demanda conſeil à ſon *Iarna*, c'eſt à dire en leur langage, ſon Magiciē, ſ'il eſtoit bon de paſſer outre. Lors ce Magicien feit certains ſignes hideux & eſpouuentables à veoir, & vſa de quelques paroles, leſquelles eſtans paracheuees, il dit à ſon Roy, qu'il n'eſtoit bon de paſſer outre, & que *Potanon* accompagné de bien deux milles Indiens, l'attendoit en tel & tel lieu pour le combattre : qui plus eſt, que tous leſdits Indiens eſtoient fournis de cordes pour lier les priſonniers qu'ils ſ'aſſeuroient de prendre. Ce faiēt cauſa qu'*Outina* ne voulut paſſer outre. Surquoy mon Lieutenant faſché le poſſible, d'auoir tant trauaillé ſans faire quel que choſe memorable, luy dit qu'il n'auroit iamais bonne opinion de luy ne de ſes gens, ſ'il ne ſe hazardoit: que ſ'il ne le vouloit faire, au moins qu'il luy dōnaſt vne guide pour le mener, luy & ſa petite troupe, au lieu où les

*Iarna*  
c'eſt à dire  
Magicien.

Façon de  
Magiciē  
& de *Outina*  
ſeuls.  
Deux mil  
Indiens.

ennemys estoient campez. *Outina* eut honte, & voyant la bonne affection du seigneur d'*Ottigny*, delibera de passer outre: aussi ne faillit-il de trouuer ses ennemis au lieu mesme que le Magicien auoit nommé: où l'escarmouche s'attaqua, qui dura bien trois grosses heures: en laquelle veritablement *Outina* eust esté deffait, n'eust esté que nos harquebusiers porterent tout le faix du combat, & tuerent vn grand nombre de soldats de *Potauou*, qui fut cause de les mettre en route. De laquelle *Outina* se contentant pour l'heure, feit retirer ses gens, & reprendre la route de sa maison, au grand mescontentement du seigneur d'*Ottigny*, qui rien ne desiroit que poursuyuir sa victoire. Apres qu'il fut arriué en sa maison, il enuoya les messagers à dix-huict ou vingt demeures d'autres Rois ses vassaux, & les somma de se trouuer aux festes & dances qu'il entendoit celebret à cause de sa victoire. Cependant le seigneur d'*Ottigny* se refraischist deux iours: puis prenant congé du *Paraconsi*, & luy laissant douze de ses hommes, pour empêcher que *Potauou*, se resentoit de sa derniere perte, ne vint brusler les maisons d'*Outina*, il se mit en chemin pour me venir trouuer au fort, où il me recita cōme le tout s'estoit passé: mesme

# L'HISTOIRE DE

qu'il auoit promis aux-douze soldats de les retourner querir. Lors les Roys mes voisins tous ennemis d'*Outina*, aduertis du retour de mon lieutenant, me vindrēt visiter avec pressés, & sçauoir cōme les choses s'estoiēt portees: me prians tous de les vouloir tenir en amitié, & d'auoir *Outina* en haine: ce que toutefois ne leur voul' accorder pour plusieurs raisons qui me mouuoient. Les Indiens ont accoustumé d'abādōner leurs maisōs, & de

*Consu-  
me des  
Indi-  
ens  
d'abandon-  
ner leurs  
maisons  
pour trois  
mois.*

se retirer aux bois, l'espace de trois mois, afin d'auoir *Ianui*, *Feburier* & *Mars*: pendant lequel temps, il n'y a moyē aucun de veoir vn Indien. Car lors ils vont à la chasse, font de petites cabanes parmy les bois, ausquelles ils se retirent, viuans de ce qu'ils prennent à la chasse. Cela fut cause que pendant ce temps, nous ne tirāmes aucuns viures par leur moyen, & n'eust esté que i'en auois faict bonne prouision, tant que mes hom-

*Le temps  
qu'ils espe-  
roient auoir  
secours de  
France.*

mes en eurent abondamment iusqu'à la fin d'Auril ( qui estoit le temps, auquel pour le plus tard, nous esperions auoir secours de France) ie me fusse trouué estonné. Ceste espoir fut cause que les soldats ne se donnoient grand peine de bien mesnager leurs viures, ores que ie leur fisse distribuer egalement ce que ie pouuois recou-

urer par le pays, sans que i'en reseruaſſe pour moy plus que le moindre ſoldat de toute la compagnee. Le mois de May venant, sans qu'il arriuaſt ſecours aucun de France, nous tombaſmes en extreme neceſſité de viures, <sup>Extreme</sup> iuſques à courir aux racines de la terre, & <sup>famine.</sup> à quelque oſeille que nous trouuions parmy les champs. Car ores que les Sauuages fuſſent de retour en ce temps là, ſi eſt-ce qu'ils ne nous ſecouroient que de quelque poiſſon, sans lequel veritablement nous fuſſions morts de faim. Auſſi nous auoient ils baillé auparauant la plus part de leur mil & de leurs febues pour noſtre marchandise. Ceste famine nous dura depuis l'entree de May, iuſqu'à la my Iuin. Pendant lequel temps les pauvres ſoldats & les maneuures attenuez le poſſible, & ne pouuans trauailler, ne faiſoient qu'aller les vns apres les autres en ſentinelle, au coupeau d'une montagne, ſituee aſſez pres du fort, pour veoir s'ils deſcouvroient quelque vaiſſeau François. En fin fruſtrez de leur eſpoir, ils ſ'aſſemblerent tous, & me vindrent ſupplier de donner ordre qu'ils retournaſſent en France : entendu que ſi nous laiſſions paſſer la ſaiſon de ſ'embarquer, nous eſtions gens de ne veoir



iamaïs nostre pays, auquel il falloit necessai-  
 remēt estre aduenü quelques troubles, puis  
 que l'on nous auoit manqué de promesse, &  
 qu'il n'en estoit venu aucun secours. Là des-  
 fus il fut aduisé & arresté entre tous, que l'on  
 feroit accoustrer le nauire breton, auquel  
 commandoit le Capitaine *Vasseur*. Mais  
 pource que le nauire n'estoit assez grād pour  
 nous receuoir tous, quelques vns propose-  
 rent qu'il seroit bon faire haulser de deux  
 estages le brigātin, que les seditieux auoiēt  
 ramené, & que vingt cinq hommes s'aduan-  
 tureroient de passer dans iceluy en France.  
 Les autres mieux aduisez dirent qu'il seroit  
 beaucoup meilleur faire bastir vn beau na-  
 uire sur le fond de la galiotte que i'auois fait  
 faire, promettant y trauailler courageuse-  
 ment. Lors ie mādāy mes charpētiers pour  
 sçauoir dans quel temps ils me pourroient  
 rēdre prest ce nauire. Ils asseurerent toute la  
 troupe, qu'ē leur fournissant toutes les neces-  
 sitez, ils le rendroient prest dans le huiētiē-  
 me d'Aoust. Tout à l'heure i'ordonnay tēps  
 pour y trauailler, dōnay charge au seigneur  
*d'Ottigny* mon Lieutenant, de faire apporter  
 tout le bois necessaire pour l'accomplisse-  
 ment des vaisseaux : & au seigneur *d'Arlac*  
 mon enseigne, d'aller avec vne barque à vne  
 lieuē

lieuë pres du fort couper les arbres cōmodespour faire la plāche, & les faire scyer aux scyeurs qu'il mena quand & soy : & à mon sergent de compagnee, de faire trauailler quinze ou seize hommes à la depesche du charbon : & à maistre Hance garde des munitions de l'artillerie, & au canōnier, de faire amas de gōme pour brayer les vaisseaux : en quoy il trauailla si bien, qu'en moins de trois sepmaines ou vn moys, il en amassa deux poinssons. Il ne restoit plus que le principal, qui estoit de recouurer viures pour nous nourrir, pendant nostre trauail : ce que i'entrepris faire, avec le reste de ma troupe & les mathelots du nauire. A ceste fin ie m'embarquay moy trentiesme dās ma grād barque, pour faire vn voyage de quarante ou cinquante lieues, sans que nous fussions pourueus d'aucune nourriture, qui fait assez cognoistre combien ceux de nostre fort en estoient assez mal garnis. Bien est vray que quelques soldats ayans esté meilleurs mesnagers que les autres, & ayans faiēt quelque prouision de gland, en vendoient à leurs compagnons quinze & vingt sols vne petite escuelle. Pendant nostre voyage, nous ne fusmes substentez que de framboises, d'vne certaine graine ronde, petite & noire, & de

racines de palmites que nous recourions  
és costes de la riuiera, en laquelle apres auoir  
nauigé en vain, ie fus contraint retourner au  
fort : où les soldats commençans à s'en-  
nuyer du trauail, à cause de l'extreme fami-  
ne qui les mattoit, s'assemblerent, & me pro-  
poserent, que puis que nous ne pouuions re-  
couurer viures des Indiens, il estoit expé-  
dient, pour le remede de leur vie, se saisir de  
la personne d'un des Roys de la terre: s'asseu-  
rans qu'estant pris, les subiects n'endure-  
roient les François auoir faute de viures. Je  
leur feis responce, qu'il ne falloit inconside-  
remét faire ceste entreprise : ains bien adui-  
ser à la consequence qui en pourroit venir.  
Sur ce ils m'obicterent, puis que le temps  
estoit passé du secours de Frãce, & que nous  
auions resolu d'abandonner le pays, qu'il  
n'y auoit danger de contraindre les sauua-  
ges à nous fournir viures: ce que pour l'heu-  
re ne leur voulus accorder, bien leur promis  
ie d'enuoyer en toute diligence aduertir les  
Indiens qu'ils eussent à m'apporter viures,  
en eschange de marchandises & d'habits:  
ainsi qu'ils feirét l'espace de quelques iours,  
qu'ils apportèrent du gland & du poisson,  
lequel ces Indiens traistres & meschans de  
nature, & cognoissans nostre famine estran-

ge, nous vëdoient si cheremët, qu'en moins de rien, ils nous tirèrent toute nostre marchandise que nous auions de reste. Qui pis est, craignans d'estre forcez de nous, & voyans qu'ils auoiët tout tiré, ils n'approcherent plus de nostre fort, que de la portee d'une harquebusade. Là ils apportoint leur poisson dans leurs petites almadies, iusques auquel les nos pauvres soldats estoient contrains aller, & le plus souuent (ainsi que j'ay veu) se despouiller de leur propre chemise pour auoir vn poisson. Que si quelque fois ils remonstroient aux sauages, le pris excessif qu'ils prenoient, ces meschans leur respondirent brusquement : Si tu fais si grand cas de ta marchandise, mange là, & nous mangerons nostre poisson, puis ils s'esclatoient de rire, & se mocquoient de nous à gueule bec. Dont nos soldats perdans toute patience, eurent souuent enuie de les mettre en pieces, & leur faire payer le tribut de leur folle arrogance. Toutefois considerant l'importance de cecy, ie mettois peine d'apaiser le soldat impatient : car ie ne voulois entrer aucunement en question avecques les sauages, & me suffisoit de dilayer le temps. Parquoy ie m'aduisay d'euoyer pardeuers *Outina*, pour le prier de tât faire avec ses

*Cruelle  
responce  
des sauages.*



# L'HISTOIRE DE

Pinocqs  
sorte de  
fruits.

Astina  
Roy.

subiects , que ie peusse estre secouru de glād & de mil: ce qu'il feist assez petitement, m'enuoiāt douze ou quinze hottees de glād, & deux de pinocqs, qui sont des petits fruits verds , lesquels croissent parmy les herbes de riuere, & sont gros comme cerises : encore ne fut ce qu'en leur baillant en contr'eschange, deux fois autant de marchandises & d'habillements qui leur en appartenoit. Car les subiects d'*Outina* apperceurent clairement la necessité en laquelle nous estions: & commençoient à nous tenir tel langage que les autres : ainsi que l'on voit communement que la necessité fait changer le vouloir des hommes . Sur ces entrefaites il se presenta quelque occasion de respirer : car *Outina* me feist aduertir qu'il y auoit vn Roy sien subiect nomme *Astina* , lequel il auoit deliberé prendre prisonnier, & le chastier pour sa desobeissance: & que pour ceste cause si ie luy voulois donner secours de quelque nombre de mes soldats , il les meneroit au village d'*Astina* : là où il y auoit moyen de recouurer du gland & du mil . Il s'excusa cependant enuers moy de ce qu'il ne m'auoit enuoyé dauantage de mil , & me feist dire que le peu qui luy restoit, n'estoit à peine suffisant pour ses semailles . Or estant vn

peu soulagé , comme il me sembloit pour l'esperance que j'auois de tel offre, ie ne voulus faire faute de luy enuoyer les hommes qu'il me demandoit, lesquels toute fois furent assez mal traittez : car il se mocqua d'eux, & au lieu de les mener contre *Astina*, il les fait marcher contre ses autres ennemis . Mon lieutenant qui auoit la charge de ceste entreprise avec le Capitaine *Vasseur*, & avec mon sergent, fut en deliberation de se venger d'*Outina* , & le mettre en pieces, luy & ses gens : & n'eust esté qu'ils craignoient de faire chose contre mon vouloir, il n'y a point de doute, qu'ils eussent executé leur entreprise. Ils ne voulurent doncques passer outre sans m'en aduertir . Parquoy estans de retour au fort, faschez & esguillonnez au possible d'une telle mocquerie, ils me firent leurs plaintes, & me donnerent à entendre qu'ils estoient presque morts de faim. Ils conterent le tout aux autres soldats, lesquels furent fort ioyeux de n'auoir voulu estre de la partie, & prindrent resolution, estans de rechef assemblez, de me faire sçauoir qu'ils persistoient en leur premiere deliberation, qui est de punir l'audace & mechâceté des sauuages, laquelle ils ne pouoient plus endurer, & estoient deliberez

# L'HISTOIRE DE

de prendre l'un de leurs Roys prisonnier. Ce que ie fus contraint leur accorder, afin d'euter à plus grand mal, & à la sedition que ie preuoyois aduenir, si i'en eusse fait refus. Car, disoient ils, quelle occasion auez vous de nous refuser, attendu la neccessité en laquelle nous sommes, & le peu de conte qu'ils font de nous? Ne nous fera il pas licite de les punir des torts qu'ils nous font, ioint que nous cognoissons apertement le peu de respect qu'ils nous portēt? Cela n'est il pas suffisant, encore que la neccessité n'y fust, puisque ils se sont mocquez de nous, & nous ont māké de promesse? Ayant donc resolu avec eux de me saisir de la personne d'*Outina*, lequel avec ce qu'il nous en auoit donné occasiō, estoit le plus suffisant à nous faire recouurer des viures, ie me partis avec cinquante des meilleurs soldats tous embarquez en deux barques, & arriuasmes sur les terres d'*Outina*, distantes de nostre fort d'environ quarante ou cinquāte lieues: puis ayans pris terre, nous tirasmes à son village, situé six grandes lieues de la riuiera, là où nous le prismes prisonnier, non toutesfois sans grands cris & alarmes, & l'amenasmes en nos barques: ayans parauant fait

*Outina*  
pris prison  
nier en  
son village

entendre à son beau-pere & à ses principaux subiects, que ce que iel'auois pris, n'estoit pour enuie que i'eusse de luy faire mal: mais seulement pour subuenir à la necessité de viures qui me pressoit: & que là où ils m'en voudroient faire recouurer, i'aduise-rois de le remettre en liberté: que ce pendant ie me retirerois dans les barques ( car ie craignois qu'ils ne s'y assemblassent, & qu'il n'en aduint quelque mal ) là où ie l'attendrois l'espace de deux iours, pour en auoir responce: toutesfois que ie n'attendois les auoir sans eschange de marchandise: ce qu'ils me promirent. Et de fait dès le soir mesme, sa femme accompagnée de toutes les femmes du village, arriua sur le bord de la riuiera, & me cria d'entrer en la barque, pour veoir son mary & son fils, que ie tenois tous deux prisonniers. Je descouray le lendemain cinq ou six cens archers Indiens, lesquels approcherent le riuage, & vindrent à moy m'aduertir de ce que pendant l'absence de leur Roy, leur ennemy *Potauou* en estant aduerty, estoit entré en leur village, & auoit tout brulé. Ils me prièrent de les vouloir secourir, ce pendant toutesfois ils auoiét vne partie de leur trou-



pe en embuscade, en intention de me charger, si ie fusse descendu en terre, ce qui me fut facile de iuger. Parquoy voyans le refus que i'en faisois, ils se douterent bien qu'ils estoient descouverts, & tascherent par tous moyens de me leuer la mauuaise opinion que i'auois d'eux. Ils m'apporterent doncques du poisson en leurs petites almadies, & de leur farine de gland, ils composerent davantage de leur boisson, qu'ils nomment *Cassin*, lequel ils enuoyerent à *Outina* & à moy. Ores encores que i'eusse gaigné ce poinct sur eux, que de tenir leur chef prisonnier, si ne peus-ie pas tenir beaucoup de viures pour ceste heure: la raison estoit, qu'ils pensoient qu'apres que i'aurois tiré des viures d'eux, ie ferois mourir leur Roy: Car ils mesuroient ma volonté à leur coustume, par laquelle ils font mourir tous les prisonniers qu'ils arrestent en guerre. Et ainsi desesperer de sa liberté, ils s'assemblerent en la grande maison: & ayant appellé tout le peuple, ils mettoient en auant l'election d'un nouveau Roy, lors que le beau pere d'*Outina* esleua dessus le siege Royal l'un des petits enfans du Roy: & feit tant que par la pluralité de voix, que l'hommage luy fut rendu par vn chacun. Ceste election fut presque

*Election  
d'un nou-  
veau Roy.*

cause de grands troubles entr'eux : car il y auoit le parent d'un Roy voisin , lequel pretendoit le Royaume, & de faict il auoit desia vne partie des subiets : toutesfois ceste entreprise ne peut estre executee, d'autant que par vn commun consentement des principaux, il fut aduisé & arresté, que l'enfant estoit plus idoine à succeder au pere que nul autre. Ce temps pendant, ie tenois tousiours *Outina* avec moy, auquel i'auois baillé aucuns de mes habillemens pour se vestir, cōme aussi i'auois fait à son fils. Or ses subiets, qui parauant auoiēt eu opinion que ie l'eusse tué, estans aduertis du bon traictement que ie luy faisois, enuoyerent deux hommes qui s'acheminerēt le long de la riuiera, & le vindrent visiter, & nous apporterent quelques viures. Ces deux hommes arriuez furent receuz de moy assez amiablement, & traictez selon les viures que i'auois. Sur ces entrefaictes il abordoit de toutes parts force Sauuages des regions circonuoisines, lesquels venoient pour veoir *Outina*, & taschoient par tous moyens à me persuader de le faire mourir, offrans que si ie le faisois, ils mettroient ordre que ie n'aurois faute de viures. Il y auoit encore vn Roy mien voisin nommé *Saturiona*, homme fin & accort, &

# L'HISTOIRE DE

qui faisoit monstre d'estre bien experimēté aux affaires . Ce Roy m'enuoyoit des mes-  
sagers ordinairement, pour me prier de luy  
bailler *Outma* : & pour plus facilement me  
gagner, il enuoya par deux fois sept ou  
huiet hottees de mil ou de gland, pensant  
par ce moyen m'amorcer & me faire entrer  
en composition avec luy : en la fin toutes  
fois voyant qu'il perdoit temps, il cessa de  
me visiter par embassades & viures : & moy  
ce pendant ie ne peus si bien proportion-  
ner le travail aux nauires que nous bastif-  
fions pour retourner en France, avec le peu  
de viures qui me restoit, qu'en la fin nous  
ne fussions contrains d'endurer vne extre-  
me faim, qui nous dura tout le mois de may.  
Car il ne se trouuoit en ceste arriere saison,  
ne mil, ne febues, ny gland par les villages,  
d'autant qu'ils auoient tout employé aux  
semailles, si bien que nostre recours fut aux  
racines que la pluspart des nostres faisoient  
piller dedans les mortiers que i'auois fait  
porter pour battre la poudre à canon, &  
les grains qui nous venoient d'ailleurs : les  
autres prenoient du bois d'Esquine, le bat-  
toient & en faisoient de la farine, laquelle  
ils faisoient bouillir avec de l'eau, & la man-  
geoient : les autres alloient avec la harque-

buse tascher d'arrester quelque oiseau. Mesme ceste misere fut si grande, qu'il s'en rencontra vn, lequel esplucha parmy les ordures de ma maison, toutes les arrestes de poisson qu'il peut trouuer, lesquelles il feir seicher & mettre en poudre pour en faire du pain. Les effets de ceste famine hydeuse se manifesterent incontinent en nous : car les os commencerent incontinent à suyure la peau de si pres, qu'en plusieurs endroits ils la percerent en la pluspart des soldats : tellement que ce que plus ie craignois estoit, que les Indiens ne s'esleuassent contre nous, d'autant qu'il eust esté fort malaisé de nous deffendre en si extreme defaillance de toutes nos forces, iointes au defaut de tous viures, lesquels nous manquerét tout à coup. Car mesme la riuere ne se trouuoit si abondante en poisson cōme de coustume, & sembloit que la terre & l'eau combatist contre nous. Or ainsi cōme nous estions sur les termes de desesper, enuiron la fin du mois de May, & le cōmencement de Iuin, j'euy aduertissement par quelques vns de mes Indiens voisins, qu'aux hauts pais à mont la riuere il y auoit desia des mils nouueaux, & que c'estoit le pais le plus auancé de tous:



# L'HISTOIRE DE

*Enecaque  
lieu.*

ce qui fut cause que i'entrepris d'y aller avec  
quelque nombre de mes hommes, & mon-  
té iusques à vn lieu nommé *Enecaque* : là où  
ie rencontray la sœur d'*Outina* en vn village,  
là où elle nous fit fort bonne chere, & nous  
enuoya du poisson. Nous trouuâmes la ve-  
rité de ce que l'on nous auoit dit, car desia  
les mils estoient bons : mais de ce bien il  
m'en aduint vn mal : car la pluspart de mes  
soldats furent malades pour en auoir man-  
gé dauantage que leur estomach desacou-  
stré n'en eust peu cuire : aussi auions nous  
esté desia l'espace de quatre iours, depuis  
nostre departement du fort, que nous n'a-  
uions mangé que de petits pinocqs, & quel-  
que peu de poisson, que nous recouuraâmes  
des pescheurs, lesquels nous rencontrions  
quelquefois le long de la riuere. Cela tou-  
tesfois fut si peu, que quelques soldats man-  
gerét à l'arriere des petits chiens qui auoiet  
esté nouuellement chiennez. Le lendemain  
ie deliberé d'aller en l'*Isle d'Edelano*, pour y  
surprendre le Roy, lequel auoit fait tuer l'vn  
de mes hommes, ainsi que i'ay dit cy deuât :  
toutesfois luy estant aduerty de mon par-  
tement du fort, & du chemin que ie tenois  
sur la riuere, se douta que i'allois en delibe-  
ration de me venger du mauuais tour qu'il

m'auoit fait : si bien qu'estant là arriué, ie trouuay les maisons vuides: car il s'estoit retiré vn peu auparauât avec tout son peuple, & ne me fut aucunement possible d'empescher que mes soldats, faschez d'auoir perdu l'vn de leurs compagnons, ne missent le feu dans le village. Au party de là, ie repassay par *Enecaque*, où ie recueillis le plus de mil qu'il me fut possible: lequel avec grande diligéce ie feis conduire au fort, pour secourir mes pauures hômes, que i'auois laissez en grâde necessité. Eux doncques me voyans arriuer de loin, accoururent sur le bord, auquel ils pensoient que ie deuois aborder: car la faim les pressoit de si pres, qu'ils n'auoient loisir que l'on leur portast les viures iusques au fort. Aussi le monstrent ils assez, lors que ie fus arriué, & que ie leur eus fait distribuer le peu de mil, que i'auois fait distribuer à vn chacun, auant que de descendre de la barque: car ils le mangerent sans l'escacher auparavant. Or me voyant en ceste extreme necessité, ie mettois peine de iour en iour de descouurir quelques villages, ausquels il y eust des viures. Et ainsi que ie faisois mes voyages çà & là, il aduint que deux de mes charpentiers furent tuez par les deux fils du Roy *Emola*, & par vn nommé *Casti*, ainsi

Village  
d'Edelan

# L'HISTOIRE DE

Village  
Ashore.

Niacuba-  
cany Roy-  
ne.

qu'ils alloient se promener au village nommé *Ashore*. La cause de ce meurtre fut, pour autant qu'ils ne se peurent tenir en passant par les champs, qu'ils ne cueillassent vn peu de mil, quoy faisans ils furent surpris, dont ie fus incontinent aduerty par vn Indien, lequel vn peu auparauant m'auoit apporté vn present de la part de *Niacubacany*, dame d'vn village & voisine du fort. C'est aduertissement donné, i'y enuoyé mon sergent avec vn nombre de soldats; lesquels n'y trouuerent autre chose, que les deux corps morts, lesquels ils feirent enterrer, & retournerent sans faire autre exploict, pour autant que les habitans s'estoient retirez, craignans d'estre chastiez pour vn tel forfait. Ainsi que ces choses se passoient, & que desia nous fussions bien auant au moys de May, il arriua deux subiects du Roy *Outina*, ensemble vn hermaphrodite, lesquels m'aduertirent que desia les mils estoient meurs en la plus part de leur terroer. Ce qui fut cause qu'*Outina* me donna à entendre que là où ie le voudrois remener chez soy, il mettroit si bon ordre que i'aurois des mils & des febues à foison: mesme que la campagne, laquelle il auoit fait semer pour moy, me seroit reseruee. Je mis cest affaire en delibe-

ration, & trouuay par l'aduis de tous, que ie luy deuois accorder sa requeste, qu'il auoit moyé de nous secourir de viures neccessaires pour nostre embarquement, & que pour ceste cause ie le deuois remener. Parquoy ie feis incontinct equipper deux barques que ie mené à *Patica*, lieu distât de son village de huit ou neuf lieues, auquel ie ne trouuay personne: car ils s'estoiét retirez dedans les bois, & ne se vouloient mōstrer, encore que *Outina* se monstraist, dautant qu'ils pensoient que ie serois cōtraint de le laisser. Or voyant qu'il ne se presentoit persōne, ie fus cōtraint hazarder l'un de mes hōmes, qui auoit pratiqué le pays, & auquel ie baillé le petit garçon d'*Outina*, & luy commāday d'aller en diligence au village d'*Outina*, par deuers son beau-pere & sa femme, les aduertir que s'ils vouloient rauoir leur Roy, ils eussent à m'apporter viures sur le bord de la petite riuere, en laquelle ie m'en allois. Là estant arriué, chacun feit grandes caresses au petit enfant, & n'y auoit celuy qui ne se tint bien heureux de le toucher. Le beau-pere & la femme entendans ceste nouuelle s'acheminèrent incontinct vers nos barques, & apportoiēt du pain qu'ils donnerent à mes soldats, m'entretindrent là par trois iours,



& se meirent ce pendant en tout deuoir de me surprendre: ce que ie descouuris incontinent, & m'en sceus fort bien garder. Parquoy voyans qu'ils ne pouuoient executer leur entreprise, & qu'ils estoient desia descouverts, ils m'enuoyerent m'aduerdir qu'ils ne me pouuoient encore donner viures, & que les grains n'estoient encores meurs. Ainsi doncques ie fus contraint retourner & remener *Outina* chez nous, là où i'eue assez de peine à le sauuer de la fureur de mes soldats: lesquels apperceuans la mechanceté des Indiens, tascherent à le massacrer. Aussi sembloit il qu'ils fussent contens d'auoir l'enfant, & qu'ils n'eussent grand soucy du pere. Or l'esperance m'estant tombee de ce costé, ie m'aduifay d'enuoyer mes hommes par les villages, ausquels ie pensois que le mil fust desia meur: mesme ie me transporté en plusieurs endroits, & poursuiuy ceste entreprise iusques à quinze iours suiuan, qu'*Outina* de rechef me pria de le mener en son village, l'assurant que ses subiects ne feroient aucune difficulté de me bailler viures: & que là où ils refuseroient, il estoit content que ie feisse de luy ce que bon me sembleroit. L'entrepris ce voyage pour la secõde fois avec les deux barques equipees  
comme

comme au parauant. Puis estant arriué en la petite riuere, nous recognusmes les subiects diceluy, lesquels n'auoient fait faute de s'y trouuer avec quelque pain, febues & poisson, pour donner à mes soldats. Estans toutefois retombez à leur premiere entreprise, ils espioient tous les moyens de me surprendre, esperans auoir bien la raison de la prise de leur Roy, s'ils gaignoient la victoire sur moy. Mais apres qu'ils eurent veu le peu de moyen, qu'ils auoient de m'endommager, ils reuindrent aux prieres, & meirent en auant, que si ie leur voulois bailleur leur Roy avecques quelques miens soldats, ils les conduiroient au village, & que les subiects le voyant, seroient plus affectionnez à bailler viures. Ce que toutesfois ie ne leur voulus accorder (me doutant de leur finesse, laquelle n'estoit si cachee, que l'on ne vist bien le iour au trauers) que premiere-ment ils ne m'eussent baillé deux hommes en ostage, à la charge que dans le lendemain ils apporteroient des viures. Ce qu'ils accorderent, & m'en baillerent deux, que ie meis à la chesne, de peur qu'ils ne se desrobassent, comme ie scauois bien qu'ils en estoient instruits. Quatre iours se passerent en ces parlements: en la fin desquels ils me

feirent entendre, qu'ils ne pouuoient satisfaire en tout & par tout à leur promesse: & que tout ce qu'ils pouuoient faire pour l'heure estoit, de faire apporter vne charge de mil par chacun subiect. Au reste que r'enuoyant en dix iours les deux ostages, ils leferoient. Ainsi que mon lieutenant estoit prest de partir, ie l'aduerty sur tout, qu'il se gardast de tomber en la main des Indiës: car ie les cognoissois assez fins & accorts pour entreprendre & executer quelque chose à nostre desauantage. Il se partit doncques avec sa troupe, & arriua en la petite riuiera, en laquelle nous auions accoustumé entrer, pour approcher de plus pres le village d'*Ouintina*, distant de six lieues françoises. Là il descendit en terre, fait mettre ses hommes en bon equippage, & tira droit en la grande maison du Roy: là où les principaux du pays se trouuerent, lesquels feirent apporter assez grande quantité de viures les vns apres les autres, toutefois faisans ce pendant escouler trois ou quatre iours, pendant lesquels ils amasserent des hommes pour nous donner à dos à la retraicte. Ils sayderent doncques de plusieurs moyens pour nous tenir tousiours en haleine. Car

tantost ils demandoient leurs ostages , puis voyans que mon lieutenant ne leur vouloit accorder , tant qu'ils eussent porté les viures iusques aux barques, selon ce qui auoit esté arresté entre nous , ils luy donnerent à entendre, que les femmes & petits enfans sestonnoient grandement de veoir leurs meches allumees pres les harquebuses: que pour ceste cause ils le supplioient tres-affectionnement , de les faire estaindre , à fin que plus aisement ils peussent fournir de gens pour porter les viures : que de leur part ils laisseroient leurs arcs & leurs fleches , & se contenteroient de les faire porter par quelques valets. Aussi peu leur fut accordée ceste seconde requeste, comme la premiere: car il estoit facile de suborner leur dessein . Mais ce pendant que ces choses se menoient, *Outina* ne comparoissoit aucunement, ains se tenoit clos & couuert en vne petite maison à part , là où quelques deputez des miens l'alloient veoir , se plaignans de luy des longs delaiz de ses subiects . A quoy il respondit que ses subiects estoient tellement irritez, qu'il ne luy estoit aucunement possible de les tenir en telle obeissance , comme



il eut bien voulu: qu'il ne les pouuoit garder de faire la guerre au Seigneur *d'Ottigny*. Que meſme il ſe ſouuenoit, qu'eſtant encore priſonnier, & paſſant par les villages de ſon obeiffance, lors que l'on l'amenoit pour recouurer viures, il auoit veu par les chemins les fleſches plantees, au bout deſquelles il y auoit des cheueux longs, ſigne certain de guerre denoncee & ouuerte, & leſquelles auſſi le Capitaine auoit portees iuſques en ſon fort. Il dit dauantage, que pour l'amitié qu'il portoit au Capitaine, il aduertifſoit le lieutenant, que ſes ſubiects auoient delibré d'abatre les arbres, & les faire cheoir au trauers de la petite riuiera, où eſtoient les barques, à celle fin de les tenir là ſubiectes, pourtant qu'ils les combattroient à laiſe, & que cela aduenant, il l'aſſeuroit de ne ſ'y trouuer. Ce qui augmenta dauantage le ſoupçon de guerre fut, qu'il aduint ainſi que les deputez alloient deuers *Outina*, ils entendirent la voix de l'un de mes gens, lequel auoit touſiours eſté parmy les Indiens pendant le voyage, & lequel ils n'auoiēt encore voulu rendre, iuſques à ce qu'ils euſſent retiré leurs oſtages. Ce pauvre homme ſ'eſcrioit à haute voix, pour autant que deux Indiens le vouloient porter dans les

Signal de  
guerre ou-  
uerte.

bois pour luy couper la gorge: dont il fut secouru & deliuré. Ces aduertissemens bien entendus , & apres en auoir meurement deliberé, le seigneur d'Ottigny arreſta de ſe retirer le vingt-ſeptieſme Iuillet . Parquoy il ſeit mettre ſes ſoldats en ordre, & leur bailla à chacun vn ſac plein de mil ; puis il ſachemina vers les barques, penſant preuenir l'entrepriſe des ſauuages . Il y a au ſortir du village vne grande allée de trois à quatre cens pas, laquelle eſt recouuerte de grands arbres des deux coſtez . Mon lieutenant ordonna ſes hommes en ceſte allée, & les meit de la façon qu'ils auoient enuie qu'ils marchaffent : car il ſaſſeuroit bien, que ſ'il y auoit embuſcade, elle ſeroit au ſortir des arbres . Il ſeit doncques marcher vn peu deuant le ſeigneur d'Arlac mon enſeigne, avecques huit harquebuſiers pour deſcouvrir : puis il commanda à l'vn de mes ſergens & corporaux, de marcher par le dehors de l'allée, avecques quatre harquebuſiers, pendant qu'il conduiſoit le reſte par le meilleu. Or aduint il ainſi qu'il auoit ſoupgonné : car le ſeigneur d'Arlac rencontra au bout de l'allée de deux à trois cens Indiens, leſquels les ſaluerent d'vne infinité de fleſchades, & de telle furie, qu'il eſtoit

# L'HISTOIRE DE

*Harmonie des  
sages &  
l'angois.*

facile de veoir l'affection qu'ils auoient de nous charger. Toutefois ils furent si bien soustenuz en la premiere charge que leur donna mon enseigne, que ceux qui tomberent morts, feirent vn peu refraischir la cholere des suruiuans. Cela faict, mon lieutenant feit gaigner & haister le pas pour gaigner pays en telle ordre, comme i'ay dasia dit. Puis ayant marché enuiron quatre cens pas, il fut rechargé d'vne nouvelle troupe de sauuages, lesquels estoient au nombre de trois cens, & lesquels les assaillirent en front, ce pendant que le reste des premiers luy donnoient sur la queue. Ce second assaut fut tellement soutenu, que ie puis dire que le seigneur d'Ottigny y feit vn aussi grand deuoir, qu'il est possible à homme de bien de faire. Aussi leur estoit il besoin: car il auoit des hommes en teste, lesquels sceurent bien combattre & bien obeir au chef qui leur commandoit, & lesquels en ce combat se sceurent si bien maintenir, que si Ottigny n'y eust remedié, il estoit en danger d'estre-deffait. Leur façon de combattre estoit, que quād deux cens auoient tiré, ils se retiroient & faisoient place aux autres qui estoient der-

*Façon de  
combattre  
des Indiens.*

rière, & auoient ce pendant l'œil & le pied si prompts, qu'aussi-tost qu'ils voyoient coucher la harquebuse en iouë, aussi-tost estoient ils en terre, & aussi-tost releuez pour respondre de l'arc, & se destourner, si d'auenture ils sentoient que l'on voulust venir aux prises: car il n'y a rien que plus ils craignent, à cause des dagues & des espees. Ce combat demeura & dura depuis neuf heures du matin, iusques à ce que la nuit les separa. Et n'eust esté qu'*Ottigny* s'aduisa de faire rompre les fiesches qu'ils trouuoient par le chemin, & aussi d'oster moyen aux Sauuages de recommencer, il n'y a point de doute qu'il n'eust eu beaucoup affaire: car les fiesches leur faillirent & furent cōtraints de se retirer. Ce pendant qu'ils combattoient ils crioient & faisoient entendre qu'ils estoient amys du Capitaine & du Lieutenant: & que ce qu'ils combattoient n'estoit, que pour se venger des soldats qui leur estoient ennemis mortels. Mon lieutenant estant arriué aux barques, fait faire la reueue, & trouua faute de deux hommes qui auoient esté tuez, l'un desquels estoit nommé Iacques Salé, & l'autre se nommoit le Mesureur. Il en trouua vingt deux de naurez,



L'HISTOIRE DE

lesquels il auoit fait à grand peine conduire iusques aux barques . Tout ce qu'il trouua de mil, ne monta qu'à la charge de deux hommes, qu'il feist departir egallement: car alors que le combat auoit commencé , chacun auoit esté contraint de laisser son sac, pour mettre la main à l'œuvre. Ce temps pèdant i'estois au fort, & tenois la main à ce qu'un chacun trouuast, esperant que mon lieutenant apporteroit des viures : toutesfois voyant que le temps passoit, ie cōmençay à soupçonner la verité de ce qui estoit aduenü, dont ie fus incontinēt apres acertené à leur retour . Me voyant doncques frustré de ce costé, ie feis prier Dieu, & le remercier de la grace qu'il auoit faicte à mes pauures soldats eschappez : puis i'aduifay nouueaux moyens pour recouurer viures, tant pour nostre passage en France, que pour couler le temps iusques à l'embarquement. Je fus aduertie par quelques vns de la troupe, lesquels alloient ordinairement à la chasse par les bois, & par les villages, qu'au village *Saranai*, situé de l'autre costé de la riuere, & distant de deux lieues du fort : & qu'au village *Emoloea* il y auoit des pleines, esquelles le mil estoit fort aduacé, & qu'il y en auoit en grāde foison . Parquoy ie feis equipper mes

*Village Saranai, & village Emoloea.*

barques, & y enuoyé mon fergét avec quelques soldats, lesquels feirent si bonne diligence, que nous eufmes du mil en quantité. L'enuoyay aussi vers la riuere, que les Sauuages nommoient *Iracana*, nommee par le Capitaine Ribaut la riuere de *Somme*, là où le Capitaine Vasseur & mon sergent arriuerent avec deux barques & l'equipage accoustumé, & y trouuerent vne grande assemblee des seigneurs du païs, entre lesquels estoient *Athore* fils de *Satouriona*, *Apalou*, & *Tacadocoron*, lesquels festoient là assemblez pour leur resiouyr: pource qu'en ce lieu sont les plus belles filles & femmes du païs. Le Capitaine Vasseur feit present de ma part à tous ces seigneurs, à la Royné, aux filles & femmes du village, de quelques petites hardes. Ce qui fut cause que les barques furent incontinent chargees de mil, après qu'ils eurent fait la meilleure chere dont ils se peurent aduifer. La Royné m'enuoya deux pieces de nattes aussi artificiellemēt faites, qu'il n'est possible de faire mieux. Or nous voyās par ce moyen assez garnis de viures, nous commençâmes tous chacun en son endroit, de trauailler & faire diligence, telle que le desir de voir nostre païs naturel nous pouuoit commander. Mais pour autāt que

*Iracana*  
riuere de  
*Somme*.

*Nattes*  
bien faites

## L'HISTOIRE DE

deux de nos charpentiers auoient esté tuez par les Indiens (comme i'ay dit cy deuant) *Jean de Hais*, maistre charpentier, homme fort digne de son estat, se retira chez moy, & me feit entendre qu'à cause du defaut des hommes, il ne me pouuoit pas rendre le nauire parfait, au temps qu'il auoit promis: ce qui mutina tellement les soldats que peu s'en fallut qu'il ne fust tué: toutefois ie les apaisé le moins mal qu'il me fut possible, & aduisay deslors de ne faire plus besongner à la nauire, ains nous contenter de retrasser le brigantin que i'auois. Ainsi nous commençâmes à ruiner toutes les maisons qui estoient hors le fort, & feismes faire du charbon du bois qui en sortoit: mesmes les soldats abbatirent la pallissade qui estoit du costé de l'eau, & ne me fut oncques possible de les engarder: aussi auoy-ie delibéré de ruiner le fort auant que partir, & y mettre le feu, de peur que quelque nouueau venu ne s'en preualust. Ce pendant il n'y auoit celuy de nous qui n'eust vn extreme regret d'abandonner vn pais, auquel nous auions enduré tant de trauaux & necessitez pour descouurir ce, que par la propre faute

des nostres, il faillloit laisser. Car si en temps & en lieu, & selõ la promesse que l'on nous auoit faite, nous eussions esté secourus, la guerre qui fut entre nous & *Outina*, ne fust aduenue, & n'eussions eu occasion de mal contenter les Indiens, lesquels i'auois avec toutes les peines du monde, entretenu en bonne amitié, tant par marchandises & habillemens, que par promesses de plus grandes choses : & avec lesquels ie m'estois tellement comporté, qu'encore que i'eusse esté quelques fois contraint de prendre des viures en quelques villages, si n'auoy-ie perdu l'alliance de huit Roys & seigneurs mes voisins, lesquels m'ont tousiours secouru de tout ce qui leur a esté possible. Aussi estoit-ce le principal but de tous mes des-seins, que de les gaigner & entretenir, sçachant combien leur amitié importoit à nostre entreprise, & principalement ce pendant que ie descouurois les commoditez du pais, & que ie taschois de m'y faire fort. Je laisse à penser combien il nous touchoit au cœur, de nous esloigner d'un lieu abundant en richesses ( comme bien nous en estions aduertis ) pour auquel paruenir, & faire

*Cause de  
la perte de  
la Floride.*



seruice à nostre Prince, nous auions laissé nostre propre païs, femmes, enfans, parens & amys, & auions passé par dessus les perils de la mer, & estions là arriuez, comme en vn comble de tout souhait. Ainsi qu'un chacun de nous rongeoit ses esprits en tels ou semblables discours, ie descouray le troisieme iour d'Aoust, quatre voiles en mer, ainsi que ie me promenois sur vne petite montaignette, dont ie fus grandement resiouy : i'enuoyay incontinct l'un de ceux qui estoient avec moy, pour en aduertir ceux du fort, lesquels en furent tellemēt resiouis, qu'à les veoir rire & sauter, l'on eust iugé qu'ils eussent esté hors de leur entendemēt. Après que ces nauires eurent mouillé l'ancre, nous descourisines cōme ils enuoyoiēt l'une de leurs barques en terre: veu laquelle ie feis armer en diligence l'une des miennes, pour enuoyer au deuant, & sçauoir quelles gens c'estoient. Cependant craignant que ce ne fussent Espagnols, ie feis mettre mes soldats en ordre & tenir prests, attendant le Capitaine Vasseur & mon Lieutenant, qui estoient allez au deuant, lesquels me rapporterent que c'estoient Anglois, & de faict ils amenerent avec eux vn nommé *Martin Atinas* Diepois, qui pour lors estoit en leur

*Arrivee  
de mai-  
stre Jean  
Havv-  
kins ge-  
neral An-  
glois.*

seruice, lequel au nom de maistre *Jean Havv* kins general, me vint prier que ie luy vou-  
fisse permettre qu'ils prinssent des eaux, dõt  
ils auoient grande necessité : me faisant en-  
tendre qu'il y auoit plus de quinze iours  
qu'ils estoient le long de la coste pour taf-  
cher d'en recouurer. Il m'apporta de la part  
du general deux flacõs de vin, avec du pain  
de froment : ce qui me resiouit, d'autant  
qu'il y auoit sept mois que ie n'en auois beu:  
le tout toutesfois fut departy à la pluspart  
de mes soldats. Ce *Martin Atinas* auoit ame-  
né les Anglois en nostre coste, laquelle il  
cognoissoit : car dès l'an 1562. il y estoit ve-  
nu avec moy, & pour ceste cause le general  
l'auoit enuoyé vers moy. Apres donc-  
ques que ie luy eus accordé sa demande, il  
la feit entendre au general, lequel dès le len-  
demain feit entrer l'vne de ses petites nau-  
ires en la riuiera, & me vint trouuer dedans  
vne grande barque, accompagné de gens  
honorablement vestus, toutesfois sans ar-  
mes. Il feit apporter grande quãtité de pain  
& de vin, pour en donner à vn chacun : de  
ma part ie luy feis la meilleure chere qu'il  
me fut possible; & feis tuer quelques mou-  
tons & poulailles, lesquelles iusques à ceste  
heure là i'auois soigneusement gardees, es-

perant en peupler la terre. Car pour toutes les neceffitez de maladies qui m'aduindrēt, ie n'auois voulu qu'il fust tué vn seul poulet: ce qui auoit eſté cauſe, qu'en peu de temps i'en auois amaſſé plus de cent chefs. Or ce pendant que le general Anglois eſtoit avecques moy, trois iours ſe paſſerent, pendant leſquels les Indiens abordoient de tous coſtez pour le veoir, & me demandoient ſil eſtoit pas mon frere: ce que ie leur accorderois, & leur donnois à entendre, qu'il m'eſtoit venu veoir & ſecourir avec ſi grande quantité de viures, que de là en auāt ie me pourrois paſſer de prédre aucune choſe ſur eux. Le bruit en fut incontînēt eſpandu par toute la terre, ſi bien que les ambaffadeurs m'abordoient de tous coſtez: leſquels au nom des Roys leurs maiſtres, demandoient à cōtraçter alliance avec moy: & ceux meſmes qui auparauant auoient enuie me faire la guerre, ſe vindrēt declarer mes amys & ſeruiteurs: à quoy ie les receuz, & les gratifiē de quelques preſens. Le general cognut incontînēt l'enuie & la neceſſité que i'auois de retourner en Frāce: ce qui fut cauſe qu'il m'offroit de me paſſer, enſemble toute ma troupe: à quoy toutesfois ie ne voulus accorder, eſtant en doute par quelle raiſon il

offrit si liberalement . Car iene scauois en quel estat estoient les affaires des François avec les Anglois : & encore qu'il me promist sur sa foy de me descendre en France, auât que d'approcher d'Angleterre , si est ce que ie craignois qu'il ne voulust attenter quelque chose en la Floride au nom de sa maistresse. Parquoy ie le refusay tout à plat: dont il s'esleua vn fort grand murmure entre mes soldats, lesquels disoient que i'auois enuie de les faire tous mourir, & que le brigantin, dont i'ay parlé cy dessus, n'estoit suffisant de les passer, entendu la saison en laquelle nous estions . Le bruit & murmure s'augmenta dauantage : car apres que le general fut retourné en ses vaisseaux, il proposa à quelques gentils-hommes & soldats qui l'alloient veoir, en partie pour faire bonne chere avec luy, il leur remonstra, dy-ie, qu'il doutoit fort qu'à peine ferions nous nostre passage seurement dedans les vaisseaux que nous auions : & que là où nous l'entreprendrions, il n'y auoit point de doute que nous seriõs en grãd hazard: toutefois q̃ si ie voulois, il en passeroit partie dedans les siës, & qu'il me laisseroit vne petite nauire pour passer l'autre. Les soldats ne furēt pas si tost venus, qu'ils feirent entēdre l'offre



à leurs compagnons, lesquels incontinent cōploterent ensemble, que là où ie ne le vou drois accepter, ils s'embarqueroiēt avecques luy, & me laisseroient: pourueu qu'il les vou lust receuoir comme il auoit promis. Ils s'assemblerent donc tous ensemble, & me vindrent trouuer en ma chambre, me feirent entendre leur dessein, auquel ie promis respondre dedans vne heure apres. Pendant laquelle i'amasse les principaux membres de ma compagnee, lesquels apres leur en auoir communiqué, me respondirēt tous d'une voix, que ie ne deuois refuser ceste offre, & contemner l'occasion qui se presētoit, mesme que l'on ne pourroit trouuer mauuais en France, si estans delaissez, nous cōme nous estions, nous nous serions aydez des moyens que Dieu nous auroit enuoyez. Apres plusieurs propos discouruz sur ceste entreprise, i'aduifay à la fin qu'il luy faudroit bailler gages du nauire qu'il laisseroit, & que de ma part i'estois cōtent luy bailler la meilleure de mes hardes, & le peu d'argent qu'auois amassé par la terre. Surquoy toutefois il fut aduisé que ie garderois l'argent, depeur que la Royne d'Angleterre le voyât, ne s'encourageast dauantage prendre pied en icelle, comme desia elle auoit enuie: qu'il valoit  
beaucoup

beaucoup mieux l'apporter en France, afin de donner courage à nos Princes de laisser vne entreprise si importante pour nostre republique, & que puisque nous estions resolu de partir, il valloit bien mieux bailler nostre artillerie, laquelle nous serions contrains autrement laisser, ou la cacher en terre, à cause de la foiblesse de nos hommes, insuffisans pour l'embarquer. Cela estât ainsi arresté & resolu, ie m'en allé deuers le general Anglois, accompagné de mon Lieutenant, du Capitaine *Vasseur*, du Capitaine *Verdier*, du pilote *Frenchant*, & de mon sergent, tous gens experimentez en tels affaires, & cognoissans suffisamment pour accoustre vn tel traicté. Nous visitasmes doncques le nauire que le general vouloit vendre, lequel nous tirasmes à telle raison, que mesmes il en creut ce qu'en aduiferoiēt mes hommes, lesquels le iugerent à la valeur de sept cens escus, dont nous accordasmes amiablement. Parquoy ie luy deliuray en gage de la somme, deux bastardes, deux moyennes, vn millier de fer, & vn millier de poudre. Ce marché ainsi faiēt, il considéra la neccessité en laquelle nous estions, n'ayans pour toute nourriture que du mil. & de l'eau : dont esmeu de pitié, il s'offrit de

# L'HISTOIRE DE

*Grande  
humanité  
& libera-  
lité du ge-  
neral An-  
glois.*

*Partement  
du general  
Anglois.*

m'ayder de vingt bariques de farine, six pi-  
pes de febues, vn poinçon de sel, & vn quin-  
tal de cyre pour faire de la chandelle. Or  
pourautant qu'il voyoit mes soldats pieds  
nuds, il m'offrit dauantage cinquante paires  
de soulliers, ce que i'accepté, & accordé de  
pris avec luy, dont ie luy baillé cedulle, de  
laquelle ie luy suis encore redeuable. Il feit  
dauantage: car particulièrement il me feit  
present d'une grande iare d'huile, d'une iane  
de vinaigre, d'un baril d'oliues, d'une assez  
grande quantité de ris, & d'un baril de bis-  
cuit blanc. Il feit aussi plusieurs presens aux  
principaux officiers de ma compagnee, se-  
lon leurs qualitez: tellement que ie puis dire  
que nous receusmes autant de courtoisies  
du general, qu'il est possible d'en receuoir  
d'homme viuant. En quoy certes il s'est ac-  
quis la reputation d'un homme de bien &  
secourable, meritant d'estre recognu de  
nous tous, autant comme s'il nous auoit dō-  
né la vie. Incontinent qu'il fut party, ie me  
mis en toute peine de diligenter mes hom-  
mes à faire les biscuits des farines qu'il m'a-  
uoit laissees, & à faire rellier mes futailles,  
pour mettre les eaux necessaires pour le  
voyage. On peut penser quelle diligēce nous  
fismes, à cause de la grāde affection que nous

auions de partir, en laquelle nous continuâmes si bien, que le quinzième iour d'Aoust, les biscuits, la plus part de nos eaux, & tout le bagage des soldats fut embarqué: tellement que de là en auant nous n'attendions que les vents commodes pour nous chasser en France: lesquels nous eussent mis hors d'une infinité de maux que nous endurâmes apres, s'ils fussent suruenus comme nous les desirions: mais ce n'estoit pas le bon plaisir de Dieu, ainsi que nous verrons cy apres. Estans ainsi prests de faire voile, nous aduisâmes qu'il seroit bon de mener quelques Indiens & Indiennes en France, afin que si de rechef ce voyage s'entreprenoit, ils peussent raconter à leurs Roys, la grâdeur de nostre Roy, l'excellence de nos Princes, la bonté de nostre pais, & la façon de viure des François: afin aussi qu'ils peussent apprendre nostre langage, pour nous en ayder en apres. A quoy ie mis si bon ordre, que j'auois moyen d'en emmener des plus beaux de toute la terre, si nos desseins eussent succédé ainsi comme ie pensois: Ce pendant les Roys mes voisins me venoient souuentefois veoir & visiter: lesquels apres auoir entendu que ie m'en voulois reuenir en France, me




# L'HISTOIRE DE

*Les Indiens  
mesurent  
leurs mois  
par reuo-  
lutions lu-  
naires.*

demandoient si ie ne deliberois pas de re-  
tourner, & si ce ne seroit pas en brief. Ie leur  
donnois à entendre qu'en dix lunes (ainsi  
nommoient ils leurs mois) ie les reuiédrois  
veoir avec telle puissance, que i'y suffirois  
pour les rendre victorieux de tous leurs en-  
nemis. Ils me prièrent que ie leur laissasse  
ma maison, que ie defendisse à mes soldats  
la demolition du fort & de leurs maisons,  
& que ie leur laissasse vne barque pour faire  
la guerre à leurs ennemis. Ce que ie faisois  
semblant de leur accorder, à ceste fin que ie  
demeurasse tousiours leur amy iusques à  
mon dernier partement.



LE TROISIESME VOYAGE,  
FAIT PAR LE CAPITAINE IEAN  
Ribault, en la Floride.


 O MME i'estois en ces propos, le vent & la marée se trouuerent propres pour faire voiles, qui fut le vingt huictiesme iour du mois d'Aoust, auquel le Capitaine *Vasseur*, qui commandoit à l'un de mes nauires, & le Capitaine *Verdier*, qui commandoit à l'autre, ia prests de sortir, commencerent à descouurir des voiles en la mer, dont ils m'aduer tirent en diligence : surquoy i'ordonnay de bien armer vne barque pour aller descouurir & recognoistre quelles gens c'estoient. I'enuoiay aux sentinelles que ie faisois tenir sur la petite montagne, à fin de m'oter quelques hommes sur les plus hauts arbres pour les mieux descouurir. Ils apperceurent la grande barque des nauires encores incogneues, laquelle à ce que l'on

*Arrivee  
du Capi-  
taine Iean  
Ribault le  
28 iour  
d'Aoust  
1565.*

## L'HISTOIRE DE

pouuoit iuger, sembloit donner la chasse à la mienne qui estoit desia passée la barre hors l'emboucheure de la riuiera : de sorte qu'il nous estoit impossible de iuger si c'estoient ennemys qui la voussissent mener avec eux : car aussi la veuë estoit vn peu trop lōgue pour en iuger à la verité. Sur ce doute ie feis mettre mes gens en ordre & en tel equipage comme si ce fussent esté ennemis : & de fait i'auois grande occasion de m'en deffier : car ma barque estoit arriuee à leur nauire sur les deux heures apres midy, & ne m'auoient enuoyé aucunes nouuelles de tout le iour pour m'asseurer quelles gēs c'estoiet. Le lendemain matin enuiron les huit ou neuf heures, ie veis entrer dedās la riuiera enuiron sept barques (entre lesquelles la mienne estoit) chargees de soldats, tous ayans la harquebuzze & le morion en teste, lesquelles marchotent toutes en bataille, lo long des coustaux, où estoient mes centinelles, ausquelles ils ne voulurent donner aucune responce, nonobstant toutes les demandes que l'on leur feit : tellement que l'vn de mes soldats fut contraint leur tirer vne harquebuzade, sans toutes fois qu'il les assenast, à raison de la distance qui estoit entre luy & les barques. Ce rapport m'estant fait,

ie departy le quartier à vn chacun de mes hommes, en bonne deliberation de nous deffendre, si ce fussent esté ennemis, ain- si qu'à la verité nous pensions : mesmes ie feis dresser les deux petites pieces de campagne qui m'estoient restees, de telle façon, que si en approchant du fort ils n'eussent crié que c'estoit le Capitaine Ribaut, ie n'eusse failly à leur faire tirer la vollee. J'ay depuis entendu que la cause, pour laquelle ils estoient entrez en telle maniere, venoit des rapports qui auoient esté faits à monsieur l'Admiral, par ceux qui estoient retournez en France, dedans les premieres nauires. Car ils luy auoient donné à entendre que ie faisois du grand & du Roy, & qu'à grand peine voudroy- ie endurer qu'un autre y entraist que moy pour commander. Voila donc comment le plus souuent la bonne renommee des plus gens bien est assaillie par ceux, lesquels n'ayans les moyens de se faire paroistre par œures vertueuses & louables, pensent en diminuant la vertu des autres, augmenter la force debile de leur lasche courage, qui est toutesfois l'un des plus remarquables dangers qui puissent aduenir.

*Faux rap-  
ports de  
Landon-  
niere à  
monsieur  
l'Admiral  
de France.*



L'HISTOIRE DE  
en la republique , & principalement entre  
gens de guerre qui commandent . Car il  
est bien difficile, voire du tout impossible,  
qu'en commandant à vne troupe d'hōmes  
ramassez de diuers endroits & diuerses na-  
tions, & nō memēt tels que nous les cognois-  
sons à nos guerres , il est impossible, dy-ie,  
qu'il n'y en ait tousiours de mal complexion-  
nez & difficiles à manier , lesquels conçoi-  
uent aisément vne hayne contre ccluy, qui  
par remonstrances & corrections legeres,  
s'essayēt à les ramener à la discipline militai-  
re. Car ils ne taschēt que pour peu d'occasiō  
fōdee sur vn leger pretexte, à faire sōner aux  
oreilles des grāds seigneurs, ce que malheu-  
reusement ils ont controuuē contre ceux,  
la iustice desquels leur est odieuse. Et encore  
que ie ne me vueille mettre au rāg des grāds  
& renommez Capitaines , tels que furent  
ceux du temps passé , si est-ce que nous pou-  
uons iuger par leurs exemples , combien les  
faux rapporteurs ont esté dommageables  
aux republiques . I'en auray seulement Al-  
cibiades pour tesmoing , en la republique  
des Atheniens, lequel par ce moyen fut exi-  
lé , dont ses citoiens endurerent vne infini-  
té de maux : tant qu'en la parfin ils furent  
cōtraints de le rappeler, & cognoistre alors

la faute qu'ils auoient faite en oubliant ses seruices, & croyans plustost vn faux rapport, que d'auoir en esgard à tant & tant de beaux exploits qu'il auoit faicts auparauant. Mais afin que ie ne me perde en ceste mienne iustification, ie reprendray mon premier cours. Estant doncques fait certain que c'estoit le Capitaine Ribaut, ie sorty du fort pour aller au deuant de luy, & luy faire tous les honneurs qu'il me fut possible. Je le feis saluer par l'artillerie & par vne gentille sclo-  
peterie de mes harquebusiers, à laquelle il respondit de la sienne. Puis estant descen-  
du en terre & receu honorablement & avec ioye, ie le mené en mon logis, me resiouif-  
sant au possible de ce qu'en ceste troupe ie recognoissois vn bon nombre de mes amis, lesquels ie traicté au moins mal qu'il me fut possible, des viures que ie peus recouurer au pays, & du peu qui m'estoit resté, avec ce que i'auois eu du general *Anglois*. Toutefois ie m'esmerueillay lors que tous d'une voix commencerent à me dire tels ou sembla-  
bles propos. Mon Capitaine, nous louons Dieu, de ce que nous vous auons trouué en vie, & principalement de ce que nous cognoissons que les rapports, qui ont esté faicts de vous, sont faux. Ces paroles m'es-

*Reception  
du Capi-  
taine le  
Ribaut  
par le Ca-  
pitaine  
Landon-  
niere.*

meurent tellement, que ie voulu dès l'heure en sçauoir dauantage, me doutant de quelque malheur. Parquoy ayant accosté le Capitaine Iean Ribaut, & nous estans ensemble tirez à part, hors la forteresse, il me communiqua la charge qu'il auoit, il me pria de ne retourner en France, de demeurer avec luy, moy & ma compagnie, & qu'il fasseroit le faire trouuer bon. Surquoy ie feis responce que hors celieu ie luy ferois tout seruice, que pour l'heure ie ne pouuois & ne deuois accepter cest offre, d'autant qu'il n'estoit venu que pour tenir le lieu que ie tenois: que ie n'auois point d'honneur d'y estre commandé: que iamais mes amis ne le trouueroient bon, & qu'à grand peine me le conseilleroit il, si en conscience ie luy en demandois son aduis. Il me fit responce qu'il ne me commanderoit point, que nous serions compagnons, & qu'à vn besoin, qu'il bastiroit vne autre forteresse, & qu'il me laisseroit la mienne. Ce nonobstant ie luy feis assez cognoistre, que ie ne pourrois receuoir plus grand ioye que la nouuelle qu'il m'apportoit pour m'en retourner en France. Dauantage qu'encore que i'y demeurasse, si faudroit il que l'vn de nous deux commandast en tiltre de lieute-

nant de Roy , que cela ne se pourroit pas bien accorder : que i'aymerois mieux qu'il me feist reproche estre le plus pauvre hōme du monde , que d'estre commandé en vn lieu , auquel i'aurois tant enduré pour m'y pieter , si ce n'estoit que ce fust vn grand seigneur ou cheualier de l'ordre : & que pour ces causes ie le priois bien fort de me bailler les lettres que m'escruiroit mōseigneur l'Amiral, ce qu'il feit: le cōtenu d'icelles estoit tel.

Capitaine Laudonniere, par ce qu'aucuns de ceux qui sont reuenuz de la Floride parlent indifferemment de la terre, le Roy desire vostre venue , afin que selon vostre effect, il se resoude d'y faire vne grand despence, ou du tout la laisser : & pource i'enuoye le Capitaine Iean Ribaut pour y commander, auquel vous deliurerez tout ce qu'auuez en charge, & l'instruirez de tout ce que pourrez auoir descouuert. Et en vn apostille de la lettre y auoit. Ne pensez point que ce que ie vous enuoyé querir soit pour mal contentement & mesfement que i'aye de vous, mais c'est pour vostre bien & honneur, & vous asseurer que toute ma vie vous aurez vn bon maistre en moy. *Chastillon*. Or apres auoir longuement deuisé auecques le Capitaine Ribaut, le Capitaine la Grange

*Lettre de  
monseigneur  
l'admiral  
enuoyee  
par le Ca-  
pitaine Ri-  
baut au  
Capitaine  
Laudon.*



m'accosta, & maduertit d'vne infinité de faux rapports que l'on auoit faicts à mon desauantage: & entre autres choses il m'aduertit que monsieur l'Admiral auoit trouué fort mauuais de ce que i'auois mené vne femme avec moy: mesme de ce que l'on luy auoit dit que ie voulois contrefaire le Roy, & faire du grand: que i'estoys trop rigoureux aux hommes qui estoient venuz avec moy: que ie voulois par autre moyen que celui de monsieur l'Admiral estre aduancé, & que i'auois escrit à plusieurs seigneurs de la cour, ce que ie ne deuois faire. A quoy ie respondy, que la femme estoit vne pauvre chambriere, que i'auois prise à vne hostellerie, pour auoir soin de mon mesnage, pour gouverner vne infinité de diuers animaux, comme les brebis & la poullaille que ie faisois conduire pour en peupler la terre: que ce n'eust esté chose raisonnable de faire faire ce mesnage par vn homme: mesme que considerant la longueur du temps que i'auois à y estre, il me sembloit que ce ne feroit offenser personne, si ie prenois vne femme, tant pour suruenir aux maladies de mes soldats, qu'aux miennes, ausquelles depuis ie tombay. Et peu appercevoir alors combien son seruice nous estoit necessaire: qu'el-

le auoit esté tellement estimée d'un chacun de mes hommes, qu'en mesme temps il se trouuerent six ou sept, lesquels me la demanderent en mariage ( comme aussi à la verité l'un d'entr'eux l'a eue depuis nostre retour) : que quand à ce que l'on disoit que ie faisois le Roy, ces rapports auoiét esté faits, pour autant que ie ne voulois souffrir aucune chose qui fust cõtre le deuoir de ma charge & le seruice du Roy. Dauantage, qu'il est necessaire en telles entreprises se faire recognoistre & obeir suivant sa charge, de peur que chacun ne vueille estre maistre, se sentât esloigné de plus grandes forces. Que si les rapporteurs auoient appellé cela rigueur, ceste chose venoit plustost de leur desobeissance que de ma nature, moins subiecte à estre rigoureuse, qu'ils n'estoient à estre rebelles. Au reste que ie n'auois escrit à aucun des seigneurs de la cour, sinon par le conseil & cõmandement de monsieur l'Admiral, lequel à mon partement m'a dit, que ie feisse part des choses que ie trouuerois en la terre, aux seigneurs qui font du cõseil: à celle fin qu'estans esmeuz par ce moyé, ils moyennassent enuers la Roynne l'entretènement de ceste entreprise : qu'ayant esté si peu de tẽps en la terre, tousiours empesché

# L'HISTOIRE DE

à bastir fortereffes, & à faire descharger mes nauires, ie n'auois sceu recouurer aucunes nouuelletez: dont ien'auois aduisé ce pendant les contenter de lettres, iusques à ce que i'eusse plus long temps pratiqué le pays, & eusse recouuert quelque chose pour leur enuoyer: la distribution desquelles ie n'entendois remettre qu'au bon plaisir de monseigneur l'Admiral. Que si le porteur s'estoit oublié iusques là, que d'auoir voulu rompre la couuerture des lettres, & les presenter luy mesme souz espoir de quelque gain, ce n'auoit esté de mon commandement: & que ie n'ay iamais tant reueré seigneur, & faict plus volōtaire & fidelle seruice qu'à monseigneur l'Admiral, ne pretendu iamais paruenir que par son moyen. Voila comment les choses se passerent pour ce iour. Le lendemain les Indiens arriuerent de toutes parts, pour scauoir quelles gens c'estoient, ausquels ie feis entendre que c'estoit celuy, lequel dès l'annee cinq cēs soixāte & deux, estoit arriué en ceste contree, & auoit faict planter la borne qui estoit à l'entree de la riuiera. Aucuns d'eux le recogneurent: car aussi estoit il assez remarquable, à cause de la grand barbe qu'il portoit. Il receut plusieurs presens de ceux des prochains villages: entre lesquels il en

recogneut encores quelques vns. Les Roys  
*Omoloa, Saranay, Alicamany, Malica, & Casti,* Roys Indiens  
 le vindrent visiter & recognoistre de plu-  
 sieurs presens à leur mode. Je leur feis enten-  
 dre qu'il estoit là enuoyé par le Roy de Fran-  
 ce, pour y demeurer en mon lieu, & que  
 j'estois mandé. Alors ils luy demanderent  
 & prierent que si c'estoit son plaisir de leur  
 faire deliurer des marchandises qu'il auoit  
 faiët amener, qu'en peu de iours ils le me-  
 neroient aux montagnes du *Palacy*, là où Montagnes du Palacy  
 ils m'auoient promis de me mener, & que  
 là où ils luy failleroient de promesse, qu'ils  
 estoient contens d'estre taillez en pieces. Là,  
 comme ils disoient, se trouuoit du cuiure  
 rouge, qu'ils nomment en leur langage  
*Sieroa Pira*, qui est autant à dire comme me-Sieroa pi-  
 tail rouge: dont j'auois quelque piece, qu'à ra mesail  
 l'heure ie monstray au Capitaine Ribaut, le-ronge.  
 quel en feit faire vn assay par son orfeure, le-  
 quel luy rapporta que c'estoit vray or. Pen-Vray or.  
 dant ces parlements, allees & venues des  
 Roys du pays, estant attenué du trauail pre-  
 cedent, melencholié des faux rapports que  
 l'on auoit faiëts de moy, ie tombay en vne  
 grosse fièvre continue, laquelle me dura  
 huit ou neuf iours, pendant lesquels



# L'HISTOIRE DE

le Capitaine Ribaut feit descharger ses viures, & en logea la pluspart en la maison que mon Lieutenant auoit fait faire, enuiron deux cens pas hors du fort : ce qu'il feit, afin qu'elles fussent mieux à couuert, & à fin aussi que les farines fussent plus pres de la boulangerie, laquelle i'auois fait là bastir expres, afin d'euitier aux inconueniens du feu, comme i'ay desia dit. Mais voicy comme bien souuēt le malheur nous cherche & nous suit, lors que nous pensions estre en repos, voicy ce qui aduint apres que le Capitaine Ribaut eut fait entrer trois de ses petits nauires dedans la riuiera, qui fut le quatriesme Septembre. Six grâdes nauires Espagnoles arriuerent en la rade, là où les quatre plus grandes des nostres estoient demeurees, lesquelles mouillerent l'ancre, en assurant nos hommes de bonne amitié. Ils demanderent comme se portoit tous les chefs de ceste entreprise, & les nommerent tous par noms & surnoms. Je laisse à penser si auant qu'ils partissent d'Espagne, il ne falloit pas qu'ils eussent esté aduertis de l'entreprise, & de ceux qui la vouloient & deuoient executer. Enuiron le point du iour ils commencerent à lascher sur les nostres : mais nos hōmes qui ne se fioient pas beaucoup en eux, auoient  
dés la

dès la nuit, mis les voiles hautes, toutes prestes à cropper. Parquoy cognoissans que ceste lasche d'Espagnols n'estoit pour leur bien faire: & sçachans bien que leur equipage estoit trop petit pour leur faire teste, à raisõ que la pluspart de leurs gens estoient en terre, ils ferrerent leur cable, abandonnerent leur ancre & se meirent à la voile. Les Espagnols se voyans descouverts leur lacherent quelques volees de canons, se meirent à la voile apres eux, & les pourchasserent tout le iour: mais nos gens gaignoient tousiours vers la mer: & les Espagnols voyãs qu'ils ne les pouuoient prendre, à cause que les nauires françoises estoient meilleures de voiles que les leurs, & aussi à raison qu'ils ne se vouloient point despouiller de la coste, ils se retirerent & allerent terrir en la riuere Seloy, que nous nommons la riuere des Daulphins distante de huit à dix lieues du lieu où nous estions. Nos gens doncques se sentans forts de voiles, les suivirent pour descouvrir ce qu'ils feroient: ce qu'ayãs fait, ils reuindrent en la riuere de May, là où le Capitaine Ribaut les ayãs descouverts, s'ëbarqua en yne grãde barque pour aller çavoir de leurs nouvelles. Estant à l'entree de la riuere, il rencontra la barque de la nauire

*La riuere  
Seloy, riuere  
des Daulphins*

du Capitaine Coufette, où il y auoit vn bon nombre d'hommes, lesquels luy feirent recit de ce qu'auoient fait les Espagnols : & comment la grande nauire nommee la Trinité, auoit tenu la mer, & qu'elle n'estoit point retournée avec eux. Dauantage ils luy conterent comme ils auoient veu trois nauires Espagnolles entrer en la riuere des Dauphins, & que les trois autres estoient demourees en rade : mesme qu'ils auoient fait descendre leur infanterie, leurs viures & munitions. Ayant entendu ces nouuelles il reuint vers la forteresse, me vint trouuer en ma chambre où i'estois malade, & là où en la presence des Capitaines la Grange, Sainte Marie, Ottigny, Vifty, Tonuille, & autres gentils-hommes, il proposa qu'il estoit necessaire pour le seruice du Roy, de s'embarquer avec toutes les forces, & aller avec les trois nauires qui estoient en la rade, trouuer les nauires Espagnolles, sur quoy il nous demanda aduis. Je pris la parole le premier, & luy remonstray la consequence d'vne telle entreprinse, l'aduer-tissant entre autres choses des perilleux coups de vents qui suruiennent en ceste coste : & que là où il aduiendroit qu'il la despouillast, il luy seroit mal ayse de la pouuoir

Coups de  
vents pe-  
rilleux au  
mois de  
Septem-  
bre.

repandre, que ce temps pendant ceux qui demeureroient au fort, seroient en peine & en danger. Les Capitaines sainte Marie & la Grange luy en remonstrenterent encores d'auantage, qu'ils n'estoient point d'auis que telle entreprise se feist, qu'il estoit beaucoup meilleur garder la terre, & faire diligence de se fortifier : & que lors que la trinité (qui estoit le principal des vaisseaux) seroit reuenue, il y auroit beaucoup plus grande apparence d'entreprendre ce voyage : ce nonobstant il resolut de le faire, & ce encore d'auantage, lors qu'il entendit par le Roy *Emola*, l'un de nos voisins, lequel arriua sur ces entrefaites, que les Espagnols estoient descendus en grand nombre : lesquels s'estoient saisis des maisons de *Celoi*, aux plus grandes desquelles ils auoient mis les Negres, qu'ils auoient amenez pour le travail, & s'estoient logez, à l'entour desquelles ils auoient fait plusieurs trenchées. Ainsi pour les considerations qu'il'en auoit, & se doutant (comme il estoit aisé) que les Espagnols se vouloiēt là camper pour nous falcher, & en fin nous mettre hors de la terre, il se resolut & persista en son embarquement : fait faire vne bande que tous



soldats qui estoient souz sa charge, eussent presentement à s'embarquer avec leurs armes, & que ses deux enseignes eussent à marcher: ce qui fut fait. Il vint en ma chambre, & me pria de luy prestre mon Lieutenant, mon enseigne, & mon sergent, & permettre que tous les bons soldats que j'auois, allassent avec luy. Ce que ie luy refusay, pourautant qu'il n'y auoit personne qui demeurast au fort moy estant malade. La dessus il me respōdit que ie ne deuois point douter, & qu'il seroit de retour le lendemain, que cependant le seigneur du *Ly* demoureroit pour prendre garde à tout. Lors ie luy remonstray qu'il estoit chef dedans ce pais, & que de moy ie n'y pouuois plus rien: parquoy qu'il aduisast bien à ce qu'il faisoit, de crainte qu'il n'en aduint inconuenient. Alors il me dit qu'il ne pouuoit faire de moins, que de continuer ceste entreprise: & qu'en la lettre qu'il auoit receuë de monsieur l'Admiral, il y auoit vne apostille, laquelle il me monstra escripte de semblables mots: Capitaine *Jean Ribaut*, en fermant ceste lettre j'ay eu certain aduis, comme dom *Petre Melandes*, se part d'Espagne, pour aller à la coste de la nouuelle France: Vous regarderez de n'endurer qu'il n'en-

treprene sur nous, non plus qu'il veut que nous n'entreprenions sur eux. Vous voyez (me dit-il) la charge que j'ay, & vous laissez à iuger à vous mesmes, si vous en feriez moins, attendu le certain aduertissement que nous auons, que desia ils sont en terre, & nous veulent courir sus: cela me ferma la bouche. Ainsi doncques arresté, ou plustost opiniastré en ceste entreprise, & ayant plustost esgard à son opinion particuliere, que aux aduertissemens que ie luy auois fait, & aux inconueniens du temps, dont ie l'auois aduerty: il s'embarqua le huiëtiesme iour de Septembre, & emmena avec luy trente & huiët de mes hommes, ensemble mon enseigne. Je laisse à penser à ceux qui sçauent que c'est que la guerre, si qu'ad vn enseigne marche, il y ayt vn soldat qui aye quelque chose de bon dans le ventre qui vueille demourer derriere, pour laisser son enseigne de loin: ainsi ne me demoura il aucun homme de commandement, car chacun le suiuit comme chef: au nom duquel depuis qu'il fut arriué, tous les cris & les bans se faisoient. Le Capitaine la Grange, lequel ne trouua ceste entreprise fort bonne, fut iusques au dixiesme du mois avec moy, & ne se fust embarqué, n'eust esté les grâdes prieres que

*Aduertissement de monsieur l'Amiral au Capitaine Ribaut.*

*Embarquement du Capitaine la Grange Ribaut.*

# L'HISTOIRE DE

luy auoit faites le Capitaine Ribaut , lequel demoura deux iours à la rade attendant que la Grange le fust allé trouver . Ce qu'ayant fait ils feirent voile tous ensemble , & onc depuis ie ne les ay reueuz . Ce mesme iour qu'il partit qui estoit le dixiesme Septembre, il suruint vne tempeste si grande, & accompagnée de tels orages, que les Indiens mesmes m'asseurerent qu'il faisoit le plus mauuais temps qui fut iamais veu en ceste coste: ce qui fut cause que deux ou trois iours apres, doutant que nos nauires ne fussent en peine, ie manday vers moy le Seigneur du Lys, pour mettre ordre à ce que le reste de nos gens fussent assemblez, pour leur remonstrer la necessité que nous auions de nous remparer : ce qui fut fait , & alors ie leur donnay à entendre la necessité & inconueniens , esquels nous estions en danger de tomber , tant pour l'absence de nos nauires , que pour la proximité des Espagnols , desquels nous ne pouuions moins attendre qu'une guerre ouuerte & assez denoncee, puis qu'ils auoient pris terre, & se fortifioient si pres de nous. Que sil estoit auenu inconuenient à nos gens qui estoient en mer, nous nous deuions bien resoudre d'endurer plusieurs maux , estans ex

Grande  
tempeste  
10. Sep-  
tembre.

si petit nombre, & si trauaillez comme nous estions. Ainsi chacun me promit de trauailler : & adonc considerant que l'ordre des viures estoit petit, & qu'ainsi estant, pourroient ils à grād peine faire grande besongne, ie leur feis augmenter : encore que depuis l'arriuee du Capitaine Ribaut, l'on m'eust tousiours fait ma part des viures, comme à vn simple soldat, & que ie n'eusse eu moyen de faire part d'vne bouteille de vin, à quelque homme qui le meritaist : car tant s'en faut que i'eusse eu le moyen de ce faire, que mesme le Capitaine print deux de mes barques, où estoient les farines qui m'estoient restees de biscuits que i'auois fait faire pour retourner en France : si bien que quand ie diray auoir receu plus de faueur des estrangers Anglois, que de ceux de mon païs, ie ne diray que la verité. Nous commençasmes doncques à nous remparer, & à racoustrer ce qui auoit esté demoly, principalement du costé de l'eau : là où ie feis planter soixante pieds d'arbres, pour refaire la pallissade, avec les planches que ie faisois prendre au nauire que i'auois fait faire : nonobstant toutes-fois toute nostre diligence & trauail, il ne



# L'HISTOIRE DE

nous fut oncques possible de la racoustrer à raison des orages , lesquels ordinairement nous denoncèrent tant d'ennuis , que nous ne peusmes acheuer nostre closture. Me voyant en telle extremité, ie feis faire la reueüe des hommes , qui estoient demourez du Capitaine Ribaut , pour sçauoir s'il s'en trouueroit quelques vns qui eussent les armes:il s'en trouua neuf ou dix, lesquels comme ie pense , n'auoient iamais tiré l'espee du fourreau, excepté deux ou trois. Que ceux qui ont voulu dire qu'il m'en estoit resté beaucoup , de sorte que i'auois moyen de me deffendre, me prestent maintenant l'oreille, & s'ils ont des yeux à l'entendement, qu'ils regardent quels hommes i'auois. De neuf il y en auoit quatre ieunes, lesquels seruoient le Capitaine Ribaut, & luy gardoient ses chiens, le cinquiesme estoit son cuisinier: entre ceux qui estoient hors du fort, & qui estoient de la mesme troupe du Capitaine Ribaut, il y auoit vn charpentier aagé de soixante ans pour le moins, vn faiseur de biere, vn vieil arbalestrier, deux cordonniers, & quatre ou cinq hommes qui auoient leurs femmes, vn ioueur d'espinette, les deux seruiteurs du seigneur du Lys, celuy de Beauhaire, celuy du

*Reuenue  
des homes  
dedans la  
Caroline.*

seigneur de la Grange, & enuiron quatre vingts cinq ou six gouiats, que femmes & enfans. Voila la belle troupe tant suffisante, à se deffendre & tant courageuse, comme ils l'ont faite; & de ma part ie laisse à penser si elle eust esté telle, si le Capitaine Ribaut l'eust laissée, pour m'emprunter de mes hommes. Ceux qui me resterent de ma troupe, estoient enuiron seize ou dixsept qui peussent porter armes, encores tous pauures & descharnez, les autres estoient malades & estropiez de la iournee que mon lieutenant eut contre *Outina*. Ceste reueüe ainsi faicte, nous ordonnaîmes nos gardes, desquelles nous feîsmes deux escouades, à fin que les soldats peussent auoir vne nuit franche. Puis nous aduîsâmes de ceux qui pourroient estre les plus suffisans, entre lesquels nous en esleûsmes deux, l'vn desquels se nommoit le seigneur de saint Cler, & l'autre le seigneur de la Vigne, ausquels nous feîsmes deliurer des lanternes & des chandelles pour faire la ronde, à cause du mauuais temps qu'il faisoit. Je leur feîs bailler aussi vn orloge à sable, à celle fin que les sentinelles ne fussent greues les vnes plus que les autres. Cependant nous ne laissions ny pour le mauuais temps, ny pour la maladie,

# L'HISTOIRE DE

que i'eusse à visiter les corps de garde. La nuit entre le dixneuuesme & vingtiesme de Septembre, la Vigne estoit de garde avec son escouade, là où il feit tout le deuoir encore qu'il pleust incessamment. Quand d'ocques le iour fut venu, & qu'il veid la pluye continuer mieux que deuant, il eut pitié des centinelles ainsi mouillees: & pensant que les Espagnols ne deussent venir en vn si estrange temps, il les feit retirer, & de fait luy mesme s'en alla en son logis. Ce pendant quelqu'un qui auoit à faire hors le fort: & mon trompette qui estoit allé sur le rempart, apperceut vne troupe d'Espagnols qui descendoient d'une petite montagnette. Incontinent ils commencerent à crier alarmes, & mesme le trompette: laquelle incontinent que i'eus entendue, ie sortis, l'arondelle & l'espee au poing, & m'en allé au milieu de la place, là où ie commençay à crier apres mes soldats. Aucuns de ceux qui auoient bonne volonté allerent deuers la breche, qui estoit du costé du Sud, & là où estoient les munitions de l'artillerie, là où ils furent forcez & tuez. Par ce mesme lieu deux enseignes entrèrent, lesquelles furent incontinent plantees. Deux autres enseignes aussi entrèrent de l'autre costé de

*De l'affaire  
des François  
en la  
Floride.*

Ouest, là où il y auoit vne autre breche: & ceux qui estoient logez en ce quartier, & qui se presenterent, furent deffaiçts. Ainsi que j'allois pour secourir ceux qui estoient à la deffence de la breche du costé de Sudoest, ie trouuay en teste vne bonne troupe d'Espagnols, qui ia auoient forcé nos gens, & estoient entrez: lesquels me repousserent iusqu'à la place, là où estant ie descouris avec eux, vn nommé François Ican, l'un des mariniers qui desroberent mes barques, & qui auoit amené & conduiçt les Espagnols. Il commença à dire me voyant, c'est le Capitaine. Ceste troupe estoit conduite par vn Capitaine, lequel à mon aduis estoit *don Petro Melandes*. Ils me ruerent quelques coups de piques qui donnerent en ma rondelle. Mais voyant que ie ne pouuois resister à telle compagnie, & que desia la place estoit prise, & les enseignes plantées sur les réparts, que ie n'auois hōme au pres de moy, qu'un seul nommé Bartelemy, i'entray en la cour de mon logis. Dedās laquelle ie fus suiuy, & n'eust esté vn pauillon qui estoit tēdu, i'eusse esté pris: mais les Espagnols qui me suyuoient s'amuserēt à couper les cordes du pauillō, ce pēdāt ie me sauuay par la breche qui estoit du costé de l'Ouest au pres de la maisō de mō lieutenant, & m'e allē dedās les



bois . Là où ie trouuay vne quātité des mes  
hōmes qui s'estoient sauuez, du nombre des-  
quels y en auoit trois ou quatre qui estoient  
fort blesez . Alors ie leur dis, Enfās, puis que  
Dieu a voulu q̄ la fortune no<sup>e</sup> soit aduenue,  
il faut que nous mettiōs peine de gagner à  
trauers les marais iusques aux nauires, qui  
sont à l'emboucheure de la riuiera . Les vns  
voulurent aller en vn petit village, qui estoit  
dedans les bois , les autres me suiurent au  
trauers des roseaux dedans l'eau , là où ne  
pouuant plus aller pour la maladie que i'a-  
uois, i'enuoyé deux des hommes qui estoiet  
auec moy , lesquels sçauoient bien nager,  
vers les vaisseaux, pour les aduertir de ce qui  
estoit aduenu , & leur dire qu'ils me vinssent  
secourir . Ils ne sceurent pour ce iour là gai-  
gner iusques aux vaisseaux pour les aduer-  
tir : & fallut que ie fusse toute la nuict en l'e-  
au iusques aux espaules, auec vn de mes hō-  
mes, lequel ne voulut iamais m'abandoner.  
Le lendemain matin, ne pouuant quasi plus  
respirer, ie me mis auec le soldat, qui estoit  
auecques moy , nommé Iean du Chemin,  
à faire mes prieres : car ie me sentoie si de-  
bille, que i'auois peur de mourir à coup : &  
de faict n'eust esté qu'il me tenoit embrassé,  
& qu'il me soustenoit, il n'eust esté possible

de me sauuer . Apres que nous eusmes faict nos prieres , i'entendy vne voix qui à mon iugement estoit de l'vn de ceux que i'auois enuoyez , lesquels estoient vis à vis des nauires , & appelloient le basteau, ce qui estoit vray : & par ce que ceux des nauires auoient esté aduertis de la prise , par vn nommé Iean de Hais maistre charpentier , lequel les estoit allé trouuer avec vne barque, ils s'estoiēt mis à la voile pour venir le long de la coste veoir s'ils pourroient sauuer quel qu'vn : en quoy certes ils feirent fort bien leur deuoir . Ils allerent droit là où estoient les deux hommes que i'auois enuoyez , & qui les appelloient . Incontinent qu'ils les eurent recueillis & qu'ils sceurent là où i'estois, ils me vindrent trouuer en vn piteux estat . Ils me prindrent cinq ou six, & me porterent en la barque : car il n'eust esté possible que i'eusse sceu marcher vn pas . Estant embarqué, aucuns des mariniers se despouillerent pour me prester leurs habits, & me vouloiēt incontinent mener à leurs nauires pour me faire prendre quelque peu d'eau de vie . Je n'y voulu toutefois aller, que premierement ie n'allasse avec la barque , le long des roseaux pour chercher les pauures gens qui estoient espars , là où nous en recueillismes

# L'HISTOIRE DE

enuiroñ dixhuiët ou vingt. Le dernier que ie recueilly estoit le nepueu du thresorier le Beau. Apres que nous fusmes tous arriuez aux nauires, ie les consolé au moins mal qui me fut possible: & renuoiaÿ soudain la barque pour veoir si on en trouueroit encores quelques vns. Puis quand elle fut retournee, les mariniers me conterent comme le Capitaine Iacques Ribaut qui estoit en son nauire, distant du fort enuiroñ deux harquebusades, auoit parlementé avec les Espagnols, & que François Iean estoit allé en son nauire, là où il auoit long temps esté, dont ils s'esmerueillerent fort, veu que c'estoit celuy qui estoit cause de ceste entreprise, comme il le laissoit aller. Apres que ie fus dedans le nauire nommé le leurier, le Capitaine Iacques Ribaut & le Capitaine Valnot me vindrent veoir: & là conclusmes de nous en reuenir en France. Or d'autant que ie trouuay le nauire desgarny de Capitaine, de pilotte, de maistre, & de contre-maistre, i'aduisay de choisir vn des plus suffisans qui fussent en la troupe des mariniers, & ce par leurs voix. Je pris dauantage six hommes de l'equipage d'vn petit nauire: lequel pour n'auoir point de haictage, & ne pouuoir estre sauué, auoit esté mis en fond. Ainsi ie renforçay l'equipage de celuy dans

*François  
Iean trait-  
tre & con-  
ducteur de  
l'entrepri-  
se*

lequel ie m'estois embarqué, & feis maistre d'iceluy vn qui cōmandoit pour contremaitre dans le petit nauire. Et pour ce que ie n'auois point de pillotte, ie priay Iacques Ribaut de me vouloir donner l'vn des quatre hommes que ie luy nommay, lesquels il auoit dans son nauire, pour me seruir de pillotte: il me promit les me bailler, ce que toutesfois il ne feit, lors que nous estions prests à partir, quelque remonstrance que ie luy feisse, que c'estoit pour le seruice du Roy. Ie fus contraint d'abandonner le nauire que i'auois achepté du Capitaine Anglois, d'autāt que ie n'auois des gēs qui le peussēt amener, car son equippage auoit esté pris par le Capitaine Iean Ribaut: i'ē pris seulemēt l'artillerie, laquelle estoit toute defferree, de laquelle i'en baillay neuf pieces à Iacques Ribaut pour apporter en Frāce, ie mis les cinq autres en mon nauire. Le vingt cinquiēme Septēbre no<sup>r</sup> feismes voiles pour retourner en Frāce, & nauigeasmes le Capitaine Iacques Ribaut & moy toute ceste iournee, & le lēdemain iusques àtrois ou quatre heures apres midy: mais pour autant que son nauire bouluirit plus que le nostre, il se tint au vēt, & nous laissa ce iour là. Ainsi continuasmes nostre nauigation, pendant laquelle nous eusmes de merueilleux coups de vents.

*Retour en  
France le  
25. Septem  
bre. 1565.*



# L'HISTOIRE DE

Et enuiron le vingt-huictiesme Octobre, au matin au poinct du iour nous descourismes l'Isle de Flors aux Açores: là où incontinent approchant de la terre, nous eusmes vn fort grand coup de vent qui venoit deuers le Northoest, qui nous feit estre à cape quatre iours, puis le vent vint au Sud & Sud-dest, & fut tousiours variant. Pendant nostre passage nous n'eusmes pour tous viures que du biscuit & de l'eau. Enuiron le dix ou vnziemes de Nouembre, apres auoir longuement nauigué, & iugeant n'estre gueres loing de la terre, ie feis ietter la sonde en mer: là où il fut trouué soixante & quinze brasses d'eau: qui nous feit tous ioyeux, & louasmes Dieu de ce que nous auions fait si bonne nauigation. Incontinent apres ie feis remettre à la voile, & continuasmes nostre route: mais pour autant que nous auions trop despédu du Northoest, nous entraimes en la Manche saint George, lieu qui est fort craint de tous les nauigeans, & là où il se perd beaucoup de nauires: toutesfois Dieu nous feit belle grace d'y estre entrez en beau temps. Nous nauigeasmes toute la nuict, pensant estre dedans la Manche, & le lendemain arriuer à Diepe, mais nous fusmes frustrez de nostre attente: car enuiron deux ou trois

*Manche  
St. George.*

où trois heures apres minuiet me promenant sur le tillat, ie descouury terre de tous costez, dont nous fusmes estonnez. Incontinent ie feis abbattre les voilles & ietter la sonde. Il ne se trouua deffouz nous que huit brasses d'eau, dont ie commanday d'attendre le poinet du iour: lequel estant venu, & d'autant que mes mathelots dirent qu'ils ne cognoissoient point cesté terre, ie commanday l'approcher. Là où estant pres ie feis mouiller l'anchre, & enuoyay le batteau à terre, pour sçauoir en quel pays nous estiõs. Il me fut rapporté que nous estions en Galles pays d'Angleterre. Incontinent ie me feis descendre en terre: là où apres auoir pris l'air, il m'arriua vne maladie, de laquelle ie pensay mourir. Ce pendant ie feis mettre le nauire dedans le haure d'vne petite ville nommee *Souaueze*, là où ie trouuay des marchans de saint Mallo, qui me presterent de l'argent, dont ie me feis faire quelques habillemens, & à vne partie de ceux qui estoient avec moy: & parce qu'il n'y auoit aucuns viures dedans le nauire, i'acheptay deux beufs, & les feis faller, & vn tonneau de biere, lequel ie consigné entre les mains de celuy à qui i'auois donné charge du nauire, le priant qu'il le remenast en France: ce qu'il

*Vealles.*

# L'HISTOIRE DE

me promet faire : quant à moy, ie deliberais m'en venir, avecques les miens, par terre: & apres auoir pris cōgé de mes mathelots, ie party de *Souaneze*, & m'ē vins coucher avec ma troupe en vn lieu nōmé *Morgan*: là où le seigneur du lieu sçachāt qui i'estois me retint l'espace de six ou sept iours: & au party, ayāt cōpassion de me veoir aller à pied, principalement en telle foiblesse où i'estois, il me donna vne petite haquenee. Ainsi ie suiuy mon chemin à *Bristo*, puis à *Londres*, là où i'allay faire la reuerence à monseigneur de *Foix*, lequel pour lors estoit Ambassadeur pour le Roy, & lequel me secourut d'argent en ma necessité. De là ie vins à *Calais*, puis à *Paris*, où ie fus aduertie que le Roy s'en alloit à *Molins* pour y seiourner : incontinent, & en la plus grande diligence qu'il me fut possible, avec partie de ma troupe ie m'y en allay. Voila en bref le discours de tout ce qui est aduenue en la nouuelle France, depuis qu'il pleut à la maiesté du Roy d'y enuoyer ses subiects pour y descouurir les terres. Les lecteurs equitables & non passionnez pourrōt aisement iuger la verité du fait, & estre veritables censeurs du deuoir que i'y ay fait. Quant à moy, ie ne veux accuser ny excuser aucun, il me suffit d'auoir pour-

*Courtoisie du sieur de Morgā.*

*Bristo.  
Londres.*

fuiuy la verité de l'histoire, de laquelle plu-  
 sieurs pourront tesmoigner, lesquels y ont  
 esté presens: vne chose diray-ie plainement  
 que le long delay fait en l'embarquemēt du  
 Capitaine Iean Ribaut & les quinze iours  
 qu'il fut voguant le long de la coste de la  
 Floride, auant que me venir trouuer à la  
 Caroline, ont esté cause de la perte que nous  
 auons faite. Car il descouurit la coste dès le  
 quatorziesme iour d'Aoust, & employa le  
 temps à aller de riuiera en riuiera, lequel luy  
 eust esté suffisant pour descharger ses nauir-  
 res, & à moy pour m'embarquer & retour-  
 ner en France. Je sçay bien que tout ce qu'il  
 en faisoit estoit à bonne intention: toutes-  
 fois il m'a semble qu'il deuoit auoir plus des-  
 gard à son deuoir qu'aux cōceptions de son  
 esprit, lesquelles il engruuoit quelquefois  
 si profondement qu'il estoit malaisé de les  
 tirer. Aussi luy en print il fort mal: car il ne  
 fut pas si tost party de nous, que la tempeste  
 le print, laquelle en la fin le contraingnist de  
 faire naufrage contre la coste: là où tous  
 ces vaisseaux furent perdus, & luy à peine  
 se peūt il sauuer des ondes, pour tomber en-  
 tre les mains de ceux qui le feirent mourir  
 luy & tous ceux de sa troupe.

Causes de  
 la perte de  
 la Flori-  
 de.

Naufrage  
 des nauir-  
 res Fran-  
 coises.





LE QVATRIESME VOYAGE  
DES FRANÇOIS A LA FLORIDE,  
sous le Capitaine Gourgues, en l'an  
1567.

**L**E Capitaine Gourgues gentil-  
homme Bourdelois, poussé d'un  
desir de vengeance, de releuer  
l'honneur de sa nation, emprun-  
te de ses amys, & vend partie de ses biës pour  
dresser & fournir de tout le besoin trois  
moyens nauires, portans 150. soldats, avec  
oçtante mariniers choisis souz le Capitaine  
Cazenoue son lieutenant, & François Bour-  
delois maistre sur les mathelots. Puis party  
le vingt-deuxiesme Aoust 1567. & apres auoir  
quelque temps combatu les vents & tem-  
pestes contraires, en fin arriua & territ à l'I-  
sle de Cuba. De là fut au Cap S. Anthoine,  
au bout de l'Isle de Cube, esloignée de là  
Floride enuiron deux cens lieues, où le Ca-  
pitaine leur declara son desseing qu'il leur  
auoit tousiours celé, les priant & admo-

neftât de ne l'abandonner fi pres de l'ennemy, si bien pourueuz, & pour vne telle occasion : ce qu'ils luy iurerent tous, voire si ardemment, qu'ils ne pouuoient attendre la pleine Lune à passer le deſtroit de Baham, ains deſcouvrirent la Floride affez toſt, du fort de laquelle les Eſpagnols les ſaluerent de deux canonnades, eſtimans qu'ils fuſſent de leur nation, & Gourgues leur fit pareille ſalutation pour les entretenir en cet erreur, afin de les ſurprendre avec plus d'auantage, paſſant outre neantmoins, & feignant aller ailleurs iuſques à ce qu'il eut perdu le lieu de veüe, ſi que la nuit venue, il deſcend à quinze lieues du fort, deuant la riuere Tacatacourou, que les François ont nommé Seine, pource qu'elle leur ſembla telle que celle de France. Puis ayant deſcouuert la riuere toute bordee de Sauuages, pourueuz d'arcs & fleches, leur enuoya ſon trompette pour les aſſeurer (outre le ſigne de paix & d'amitié qu'il leur faiſoit faire des nauirres) qu'ils n'eſtoient là venus que pour renouer l'amitié & l'ancienne confederation des François avec eux. Ce que le trompette executa ſi bien (pour y auoir demeuré des premiers ſouz Laudonniere) qu'il rapporta du Roy Satouriona, le plus grand des

*Deſcente  
des François à la  
Floride.*

# L'HISTOIRE DE

*Les Rois  
de la Flo-  
ride cōtra-  
ient ami-  
tié & con-  
federation  
perpetuel-  
le avec les  
François.*

autres Rois, avec les offres d'amitié vn che-  
ureuil & autres viandes pour refraichisse-  
ment. Puis se retirerent dançans en signe de  
ioye, pour auertir tous les Rois parens de  
Satouriona, d'y retourner au lendemain  
contracter amitié avec les François: dont le  
chef faisoit ce pendant sonder le gué de la  
riuere pour ses vaisseaux & commodité de  
negocier avec ces Sauuages, desquels au lē-  
demain matin se presenterent le grand Roy  
Satouriona, Tacadocorou, Halmacanir, A-  
thore, Harpaha, Helmacapé, Helycopile,  
Molona, & autres ses parens & alliez, avec  
leurs armes accoustumées. Puis enuoyerēt  
prier le general François de descendre, ce  
qu'il fit avec les espees & harquebuzes, les-  
quelles il fit laisser apres que les Sauuages  
(s'en plaignans) eurent par les remontran-  
ces de Gourgue laissē, & fait pareillement  
emporter les leurs cōme en tesmoignage de  
reciproque assurance, ne demeurant que  
l'espee au François. Ce fait, Satouriona l'e-  
stant allē trouuer, le feit seoir à sa droicte, en  
vn siege de bois de Lentisque, couuert de  
mouffe expressement fait semblable au sien.  
Puis deux des plus anciens arracherent les  
ronces & autres herbes qui estoient deuant  
eux, & apres auoir biē nettoyé la place, tous  
fassirent à terre en rond. Surquoy Gourgue

*Mœurs  
facons de  
faire des  
Sauuages  
Floridiens*

voulât parler, Satouriona le deuãce, luy de-  
duisant les maux incroyables, & cõtinuelles  
indignitez q̃ tous les Sauvages, leurs fẽmes  
& enfans auoient receuz des Espagnols de-  
puis leur venue & ruine des autres François:  
avec le desir perpetuel de se biẽ vëger de tãt  
insigne trahison, non moins q̃ de leurs offẽ-  
ces particulieres, pour la ferme amitiẽ qu'ils  
ont tousiours portẽ aux François, si on les  
voulois aider. À quoy Gourgues prestât le ser-  
mẽt, & cõfederation iuree; il leur dõna quel-  
ques presẽs de dagues, cousteaux, mirouers,  
haches, ãneaux, sonnettes, & tels autres meu-  
bles à no<sup>r</sup> ridicules, mais precieux à ces rois:  
lesquels en outre, veu l'offre de plus grande  
largesse, luy demãderent chacun vne chemi-  
se pour vestir seulemẽt aux iours solennels,  
& estre enterrees avec eux à leur mort. Ce  
qu'apres auoir eu, & Satouriona ayãt en re-  
cõpense dõné au Capit. Gourgues deux cor-  
dõs de grain d'argẽt pẽdus à son col, & cha-  
cun des rois quelques peaux de Cerf accou-  
strees à leur mode, ils se retirerẽt dançans &  
fort ioyeux, avec promesse de tenir le tout se-  
cret, & d'amener au mesme lieu bõnes trou-  
pes de leurs subiects tous embastõnez pour  
se bien venger des Espagnols. Ce pen-  
dant Gourgues ayant fort interrogé Pierre  
de Brẽ natif du Haure de Grace, autrefois.



# L'HISTOIRE DE

eschappé ieune enfant du fort à trauers les bois, pendant que les Espagnols tuoient les autres François, & depuis nourry par Satouriona, qui le donna lors à ce Chef: se seruit fort de ses aduis : sur lesquels il enuoya recognoistre le fort & l'estat des ennemys par quelques vns des siens, conduits par Olotaraça nepueu de Satouriona qu'il luy auoit donné pour cet effect & asseurâce d'estampes, gentil-homme Comingeois, & autres qu'il enuoyoit recognoistre l'estat des ennemis. Outre ce il luy donna vn sien fils tout nud comme ils sont tous, & celle de ses femmes qu'il aymoît le mieux, aagée de 18. ans, vestue de moufle d'arbres, lesquels furent trois iours és nauires, iusques à ce qu'ô fut venu de la recognoissancé, & que les Rois eussentourny au rendé-vous.

La demarche concludë, & le rendé-vous donné aux Sauvages au delà la riuierè Salinacani, de nostres Somme, ils beurent tous en grande solennité leur breuuage (dit Cassigné, fait de ius de certaines herbes) accoustumé quand ils vont en lieu hazardeux, lequel a telle force, qu'il leur oste la soif & la faim par vingt-quatre heures, & fallut que Gourgue fist semblant d'en boire: puis leuerent les mains, & iurerēt tous ne l'abandon-

Offrages  
que Gour-  
gues print  
des Sauua-  
ges pour  
l'asseurâce  
des Fran-  
çois, no-  
mmement  
de ceux  
qu'il en-  
uoyoit  
pour recon-  
noistre les  
costs, nom-  
més l'e-  
stat des  
Espagnols  
Breuuage  
des Sau-  
uages Flo-  
ridiens  
sans en  
guerre  
pour mi-  
eux porter  
la fume  
de la pipe.

ner iamais . Olotocara le suiuit la picque au poing , festans tous retreueuz à la riuere de Saranala, non sans grandissime peine, pour la pluye & lieux pleins d'eaux qu'il fallut passer , & qui les retardant leur accroissoit la faim ne trouuant rien que manger par les chemins, n'estans encore descenduë la barque des prouisiōs qui luy venoiēt des nauires, à la garde & racommodement desquels il auoit laissé Bourdelois avecques le reste des mariniers . Or auoit il sceu que les Espagnols estoient quatre cens hommes de deffence, repartis en trois forts dressez & flanquez , & bien accommodez sur la riuere de May, le grand fort principalement, commencé par les François , puis accommodé par eux. Sur la plus dangereuse & principale auenue duquel ils auoient fait à deux lieues plus bas & plus proche de l'emboucheure deux autres petits forts, lesquels, la riuere entre deux, se deffendoient sous six vingts soldats, nōbre d'artillerie, & autres munitions qu'ils y tenoient. Depuis Saracary iusques à ces petits forts y auoit deux lieues, qu'il trouua fort mal aisees pour les fascheux chemins & pluyes continuelles. Puis part de la riuere de Catacouru avec dixharquebusiers pour recognoistre le

*Estat des  
Espagnols  
à la Flo-  
ride.*

premier, & l'affaillir à la Diane du matin fuiuant, ce qu'il ne peut faire pour l'iniure du ciel & obscurité de la nuit. Le Roy Helicopile le voyant fasché d'y auoir failly, l'asseur de le cōduire par vn plus aisé, bien que plus long chemin. Si que le guidant par les bois, le meine en veuë du fort, où il recongneut vn cartier qui n'auoit que certains cōmencemēs de fossez. Si bien qu'apres auoir faict sōder la petite riuere qui se rend là, attend que la mer mōtāt fust retournée pour la faire passer à ses gēs sur les dix heures du matin, au lieu où il auoit veu vn petit bois entre la riuere & le fort (afin de n'estre veu passer, & ordonner ses soldats) faisant attacher les fournimens aux moriōs, & porter espées & harquebuses esleuées en la main, creinte que l'eau qui leur venoit sur la ceinēture, ne les trempast, où ils treuuerēt si grande quātité de grosses huistres, & les escailles si tranchantes, que plusieurs en furēt blecez & autres perdirēt leurs fouliers. Toutesfois aussitost passez, d'vne ardeur Frāçoise s'apprestēt au cōbat la veille de Quasimodo en Apuril 1568. Tellement que Gourgues pour employer ce feu de bonne volonté, donne vingt harquebusiers à son Lieutenaut Caze noue, avec dix mariniers chargez de pots &

*Les François passēt la riuere pour attaquer le premier fort des Espagnols.*

grenades à feu pour brusler la porte: puis attaque le fort par autre endroit apres auoir vn peu harâgué ses gens sur l'esträge trahisõ que ces Espagnols auoiët iouez à leurs cõpagnõs. Mais apperceuz venans teste baissée à deux cens pas du fort, le canõnier môté sur la terrasse du fort, ayant crié Arme, Arme, ce sõt Frâçois, leur enuoya deux coups de couleurine portant les armes de France, prinse sur la Laudõniere. Mais comme il vouloit recharger pour le troisieme coup, Olotocara nõ appris à garder son rãg, ou plus transporté de passion, môte sur la plate-forme, & luy passa la pique à trauers le corps desia mort. Surquoy Gourgues sauãçât, & apres auoir ouy crier Cazenoue que les espagnols sortis armez au cry de l'alarme, s'enfuyoient, tire ceste part, & les enferme de sorte entre luy & son lieutenant, que de soixante, vn seul ne rechappa que quinze reseruez à mesme peine qu'ils auoiët faiët porter aux Frâçois. Les Espagnols del'autre fort ce pēdāt ne cessēt de tirer canonnades, lesquelles incommodoiēt beaucoup les assaillans: encor que pour y respondre ils eussent ja placé & plusieurs fois pointé les quatre pieces trouuées au premier fort. Surquoy Gourgue se iette, suiy de quatre vingts harquebusiers, dans la bar-

*Les François & Sauvages vōt assaquer le second fort des Espagnols.*



# L'HISTOIRE DE

dans le bois ioignant le fort , duquel il iur-  
 geoit que les assiegez fortiroient pour se sau-  
 uer souz la faueur du bois , dedans le grand  
 fort qui n'en estoit esloigné que d'une lieuë.  
 Puis les Sauvages impatiens d'attendre le re-  
 tour de la barque , se iettent tous en l'eau,  
 tenans leurs arcs & flesches esleuées en v-  
 ne main , nageans de l'autre bras , en for-  
 te que les Espagnols voyans les deux riu-  
 couertes de si grand nombre d'hommes,  
 penserent fuyr vers le bois : mais tirez par  
 les François , puis repoussez par les Sauua-  
 ges , vers lesquels ils se vouloient retirer,  
 on leur ostoit la vie plustost qu'ils ne l'a-  
 uoient demandé. Somme que tous y fini-  
 rent leurs iours, fors quinze de ceux qu'on  
 reseruoit à punition exemplaire. Sur quoy  
 le Capitaine Gourgues ayant faict transpor-  
 ter tout ce qu'il trouua du deuxiesme fort  
 au premier où il vouloit se fermer pour pren-  
 dre resolution contre le grand fort duquel  
 il ne sçauoit l'estat; en fin vn sergent de ban-  
 de l'un des prisonniers l'asseura qu'ils y pou-  
 uoient estre pres de trois cens bien munis  
 souz vn braue Gouverneur qui sy feroit bat-  
 tre attendant secours. Si qu'auoir eu de luy  
 le plan, la hauteur, les fortifications & a-  
 uenuës , puis dressé huiet bonnes eschelles,

Les Fran-  
 cois & sau-  
 uages se  
 preparent  
 pouratta-  
 quer le  
 grand fort.

& faiët soufleuer tout le pays contrel'Espagnol , afin qu'il n'eust nouuelle , ny secours, ny retraicte d'aucune part , il delibere sortir . Cependant le gouuerneur enuoye vn Espagnol desguisé en Sauuage pour recognoistre l'estat des François . Et bien que descouuert par Olotocara, subtiliza tous les moyens qu'il peut à leur persuader qu'il estoit du second fort , duquel eschappé , & ne voyant que Sauuages de toutes parts, espera plus , disoit-il , en la mercy françoise, à laquelle il se venoit rendre desguisé en Sauuage , craincte que recognu il ne fust massacré par ces Barbares : confronté toutesfois avec le sergent de bande & conuaincu estre du grand fort , l'espion fut de la reserve : apres qu'il eut asseuré Gourgues qu'on le disoit accompagné de deux mil François, craincte desquels deux cens soixante qui restoient d'Espagnols au grand fort estoient assez estonnez . Surquoy Gourgues resolu deles presser en telle espouuante , & laissant son enseigne le Capitaine mesme avec quinze harquebusiers pour la garde du fort & de l'entrée de la riuiera : faiët de nuiët partir les Sauuages pour s'embusquer dans les bois de çà de là la riuiera, puis part au matin, menant liez le sergent & l'espion pour luy mon-

frer à l'œil ce qu'ils n'auoient faict entendre qu'en peinture . Acheminez, Olotocara déterminé Sauvage qui n'abandonnoit iamais le Capitaine , luy diét qu'il l'auoit bien seruy & faict tout ce qui luy auoit commandé: qu'il fasseroit de mourir au combat du grand fort, auquel toutesfois pour la vie il ne vouloit faillir . Mais le prioit de donner à sa femme ce qu'il luy donneroit s'il ne rechappoit : à fin quelle l'enterre avec luy, pour estre mieux venu au village des esprits. Auquel le Capitaine Gourgues, après l'auoir loué de sa fidelle vaillance, amour coniuugal , & soing genereux d'un honneur immortel , respond, qu'il l'aimoit mieux honorer vif que mort, & que Dieu aydant il le rameneroit victorieux . Dès la descouuerte du fort les Espagnols ne furent chiches de canonnades , mesmement de deux doubles couleurines, lesquelles montées sur un bouleuert commandoient le long de la riuiera, qui firent soudain gagner la montagne couuerte de bois au Capitaine Gourgue: du pied de laquelle commence le fort iusques au delà duquel continuoit la forest. Si qu'il eust assez de couuertures pour s'en approcher sans offense . Aussi deliberoit il de demeurer là iusques au matin qu'il estoit

resolu d'affaillir les Espagnols' par escalade, du costé du mont où le fossé ne luy sembloit assez flanqué pour la deffense de ses courtines, & d'où partie des siens pourroïent tirer les assiegez qui se descouvroient pour maintenir le rempart pendant que le reste monteroit . Mais le gouverneur auança son desastre, faisant sortir soixante harquebusiers , lesquels coulez le long des fossez, s'avancerent pour descouvrir le nombre & valeur des Frâçois, vingt desquels se mettâs souz Cazenoue entre le fort & eux ia sortis, leur coupent la retraicte, pendant que Gourgues commande au reste, de les charger en teste, mais ne tirer que de pres, & coups qui portassent , pour puis apres les s'agenter plus aisément à coups d'espee . Si que tournant le dos aussi tost que chargez , & reserrez par le Lieutenant, tous y demurerent. Dont le reste des assiegez furent si effrayez, qu'ils ne sceurent prendre autre resolution pour garentir leur vie, que par la fuite dans les bois prochains : où neantmoins rencontrerez par les flesches des Sauvages qui les y attendoient (l'une desquelles perça la rondelle & le corps d'un Espagnol , qui en tomba mort) furent aucuns cōtrains de tourner teste, aimans mieux mourir par la main des



# L'HISTOIRE DE

François qui les poursuyuoient : s'asseurans de ne pouuoir trouuer lieu de misericorde en l'une ny l'autre nation, qu'ils auoient esgallémēt & si fort outragée, fors ceux qu'on reserua pour exemple à l'aduenir. Le fort prins fut trouué bien pourueu de tout le besoin : nommément de cinq doubles couleures, & quatre moyennes, avec plusieurs autres petites de toutes sortes, & 18. gros caques de poudre, toutes sortes d'armes, que Gourgue fit soudain charger en la barque, non les poudres & autres meubles, d'autant que le feu emporta tout par l'innaduertance d'un Sauvage, lequel faisant cuire du poisson, mit le feu à une trainée de poudre faicte & cachée par les Espagnols, pour festoyer les François au premier assaut: renuersant le magazin & les maisons qui estoient de bois de sap. Les restes des Espagnols menez avec les autres, apres que le Chef leur eut remonstré l'iniure qu'ils auoient fait sans occasion à toute la nation François, furent tous pendus aux branches des mesmes arbres qu'auoient esté les François : cinq desquels auoient esté estranglez par un Espagnol, qui se trouuant à tel desastre confessa la faute, & la iuste punition que Dieu luy faisoit souffrir. Mais au lieu de l'escriteau que

Pedro

*Escriteaux  
pour epitaphes & ta-  
bieaux  
mortuai-  
res aux  
François &  
Espagnols  
tuez à la  
Floride.*

Pedro Melâdes leur auoit donné, portât ces mots en Espagnol, *Je ne fay cecy comme à François, mais comme à Lutheriens*, Gourgue fit escrire en vne table de sapin avec vn fer chaud, *Je ne fay cecy comme à Espagnols, ny comme à Mariniers, mais comme à traistres, voleurs & meur-* driers: puis se voyant pauvre de gens pour garder ses forts, moins encor' pour les peupler: crainte aussi que l'Espagnol qui a terres prochaines, ne s'y raccommodaît, ou les Sauvages s'en preualussent contre les François, si sa Maiesté y vouloit enuoyer, resolu de les ruiner. De faict, apres auoir assemblé, & en fin persuadé à tous les Roys Sauvages de ce faire: y firent courir leurs subiects de telle affection, qu'ils renuerferent tout, & mirent les trois forts rez pié rez terre dans vn iour. C'est fait de Gourgue, pour retourner à ses nauires laissées en la riuiera de Seine, dicté Tacatacourou, à quinze lieues de là, enuoye Cazenoue & l'artillerie par eau, puis apres oētante harquebusiers, armez sur le dos, & meches allumées, suiuiuz de quarâte mariniers portans picques, pour le peu d'assurance de tât de Sauvages: va par terre tousiours en bataille, trouuant les chemins couuerts de Sauvages qui le venoient honnorer de presens &

*Les forts  
bastis à la  
Floride  
ruinez de  
fons à cō-  
ble*

Q

## L'HISTOIRE DE

louanges, comme au liberateur de tous les pais prochains. Vne vieille entr'autres luy dit, qu'elle ne se soucioit plus de mourir, puis que les Espagnols chassiez, elle auoit vne autre fois veu les Frâçois à la Floride. Somme qu'arriué, & trouuant ses nauires accommodéz, & le tout prest à faire voile: cōseille les Roys persister en amitié & cōfederation ancienne, qu'ils ont eue avec le Roy de Frânce, qui les defendra contre toutes nations. Ce que tous luy promirent, fondans en larmes pour son depart, Olotocara sur tous: pour appaiser lesquels il leur promit d'estre de retour dans 12. lunes (ainsi content-ils les anneés) & que son Roy leur enuoyeroit armée, & force presens de cousteaux, & toutes autres choses de besoin. Tellement qu'après les auoir licentiez, puis assemblé les siens; rēdu grâces à Dieu de tout le passé depuis son embarquement, & prier Dieu pour vn heureux retour: le troisiésme May 1568. toutes choses furent apprestées, le rendez-vous donné, & les ancres leuées pour faire voile si à propos, qu'en dix-sept iours ils firent vnze cens lieuës, d'où continuant le sixiésme Iuin arriuerent à la Rochelle, le trente-quatriésme iour de leur departie de

la riuere de May: n'ayant perdu que la patache & huit hommes dedans, avec nombre de gentils-hommes, & autres demeurez aux combats des forts. Apres les caresses & bõs traictemens qu'il receut des Rochelois, il fit voile vers Bourdeaux, d'où il print la poste pour aduertir le sieur de Monluc de ce que dessus, aduerty neantmoins de dix-huit pataches, & vne roberge de deux cens tonneaux chargées d'Espagnols, lesquels asseurez du desastre de la Floride, & qu'il estoit à la Rochelle, furent iusques à Che-de-Baye, le propre iour qu'il en estoit party, & le suiurent iusques à Blaye: (mais il estoit ia dedàs Bourdeaux) pour luy faire rédre vn autre comte de son voyage que celui, dont il resiouyst fort plusieurs François. Depuis le Roy Catholique aduerty qu'on n'auoit sceu prendre Gourgue: ordonne vne grande somme de deniers à qui luy pourroit apporter sa teste: priant en outre le Roy Charles d'en faire iustice comme d'vn aucteur de si sanglant acte, contreuenant à leur alliance & bonne confederation. Tellement que venu à Paris pour se presenter au Roy, luy faire entendre avec le succez de son voyage, les moyens qu'il auoit de remettre tout ce pays en son obeissance, à quoy il protestoit



# L'HISTOIRE DE

d'employer sa vie, & tout ce qui luy restoit de moyens : eut recueil & responce tant diuerses, qu'il fut en fin forcé de se celer long temps à la Cour de Rouen, enuirō l'an 1570. & sans l'assistance du President Marigny, en la maisō duquel il demeura quelques iours, & du Receueur de Vacqueiulx, qui luy a tousiours esté vray amy, il estoit en danger. Ce qui fascha fort Dominique de Gourgues, considerant ses seruices faits tant à luy qu'à ses predecesseurs Roys de France. Il estoit natif du mont de Marsan en Guyenne, & employé pour le seruice des Rois Tres-Christiens en toutes les armées faictes depuis 25. à 30. ans; en fin eut charge & tiltre de Capitaine, soustenant en vne place pres Siene, avec 30. soldats, les efforts d'une partie de l'armée Espagnole, de laquelle prins d'assaut, & tous les siens taillez en pieces, fut mis en galere pour tesmoignage de bonne guerre, & bien rare faueur Espagnole. Mais le vaisseau faisant route vers la Sicille prins des Turcs, mené à Rhodes, Constantinople, fut à peu de temps repris par Romeguas, commandant à l'armée de Malte. Par ce moyen retourné en sa maison, dresse vn voyage sur la coste d'Affrique, d'où il tourne au Bresil, & vers la mer du Su. Puis

*L'origine  
vie &  
mort du  
Capitaine  
Gourgues*

curieux de vanger le nom François : donne à la Floride avec tel succez que vous auez veu. Si que rédu par continües actions guerrieres , terrestres , & maritimes , non moins resolu Capitaine, que pratic marinier, se fait redouter del'Espagnol, & rechercher par la Royne d'Angleterre pour le merite de ses vertus . Somme qu'il est 1582. choisi par Dom Anthoine pour cōduire en tiltre d'Amiral , la flotte qu'il deliberoit enuoyer contre le Roy d'Espagne ; qui s'est dès l'an passé saisy de Portugal , comme le plus proche ou plus habile à succeder à Dom Sebastien dernier Roy, mort en bataille contre le Roy de Fez en Barbarie . Mais party de Paris pour aller à Tours y resoudre de tout le surplus , est saisy d'une maladie qui l'enleua de ce monde au grand regret de ceux qui le cognoissoient.

FIN.

# ORDRE DES CHOSES PLUS NOTABLES CONTENUES EN ceste histoire.

**D**ivision del'Ameri-  
que, fucillet 1 & 2  
Animaux, Oiseaux & Ar-  
bres 3  
Mœurs & disposition des  
Sauuages Floridiens. 4  
Façon de guerroyer 4  
Ordonance de guerre In-  
dienne 5  
Semence deux fois l'an 6  
Cap François 8  
Lieu où furent mises &  
engrauees les armoy-  
ries de France 8  
Riuieres de la Floride 10.  
11. 14. 16. 20. 22. 37.  
& 105.  
Port Royal 12. 21 & 43.  
Passage en la mer du Sud  
12  
Cap de Loup 12  
Perles 13  
Borne plantee 13  
Harangue du capitaine  
Iean Ribaut, 17. 18. & 19  
Charlesfort 20  
Festes & ceremonies In-

diques estranges. 23. & 24  
Fortune de feu 26  
Pierres de cristal & mi-  
ne d'argent 28  
Cruauté des Capitaines  
cause dissention & par-  
tialité 28  
Guernache soldat origi-  
ne de la dissention 28  
Albert Capitaine des Frã  
çois tué par ses soldats 29  
Nicolas Barré esleu capi-  
taine 29  
Admirable necessité de  
viures 30 & 31  
Ananas fruit excellēt 34  
*Reys sauuages Indiens.*  
Chiquola ou Chicora se-  
lon Pierre Martyr 15  
Audusta, Mayon, Hoya,  
Toupe & Stalame 22  
Couexis, Ouadé, Macou,  
Satouriona 25. 38  
Mayra, Molona, Olata  
Quae Outina, Cadecha,  
Chilili, Eclauou, Euacap-  
pe, Calanay, Onachaca-

TABLE

ra, Omittaqua, Aquera,	Chaine d'argent	62
Moquoso 48	Prise du gnuuerneur de	
Poauou, Onatheaqua &	la Iamayque	67
Houstaqua 49	Quatité d'or & argét	72
Malica 52. Omoloa 55	Serropé grand lac	73
Serranay & Allicamani,	Grandissime lac	75
57. Patica 68	Isle & village d'Edelano	
Marracou, Onathaqua,	75. 76.	
Mathiaqua, Calos, & Oa-	Hostaqualieu duquel le	
thchaqua, Astina, Casti,	Roy peut mettre 4000	
71. 72. 73. 82. 87. & 104	sauuages en cāpagne	76
Second voyage 33	Extreme famine	80
Arriuee du cap. Laud. en	Outina Roy pris	83
la Floride 36	Eslection d'vn nouveau	
Notable vieillesse entre	Roy Indien	84
les Floridiens 40 & 41	Grande necessité	85. 86
Fertilité de vignoble en	Signal de guerre ouuerte,	
la Floride 41	& escarmouche des In-	
Thimogona argent 42	diés & François	90. 91
Distance des riuieres de	Façon de combattre des	
May, Seine & Sōme 42	Indiens	91
Val Laudonniere 44	Sarranai & Emoloa vil-	
La Caroline 46	lages	92
Ceremonies estrāges 52	Iracana R. de Sōme	93
Retour de noz nauires	Cause de la perte de la	
en France 53	Floride	94
Ceremonie Indienne &	Arriuee de M. Ican Ha-	
coustume de cōbatre 54	vvkins general An-	
Fouldre admirable 57	glois	95
La Roquette & Gère au-	Humanité & liberalité	
teurs de la sedition 60	du general Anglois	97
Hostaqua village 62	Les Indières mesurēt leurs	





# TABLE.

Amoys par l'unes	98	dangereux	112
Arrivée du cap. Jean Ribaut en la Floride	99	Galles ou Vvailles pays d'Angleterre	113
Faux rapports de Laud. à l'Admiral	100	Courtoisie du sieur de Morgam	113
Reception du capitaine Jean Ribaut par le cap. Laudonniere	101	Bristo	au mesme
Lettre de mōsieur l'admiral à Laudonniere	102	Londres	au mesme
Arrivée des Espagnols en la Floride	104	Cause de la perte de la Floride	114
Mōtagnes de Palassy	104	Naufrage des navires des François	au mesme
Sieroa pira metall rouge, vray or	104	Quatriesme voyage des François où commandoit le cap. Gourgues en l'an 1567	114
Aduertissement de mōsieur l'admiral au capitaine Ribaut	107	Descente des François en la Floride	115
Embarquement du cap. Ribaut	107	Confederation des Rois Floridiés avec les François	115
Reueue des hommes dedans la Caroline	108	Façon de viure des Sauvages	
Massacre des François en la Floride	109	breuage des sauvages	116
François Jean traistre & conducteur de l'entreprise	111	Trois assauts des François sur les Espagnols	117
Retour de Laudonniere en France	112	Forts ruynez	121
Manche S. George lieu		Retour du ca. Gourgues en France	123
		Mort du capitaine Gourgues	123


FIN.




























RARE

85-B

1771

THE J. PAUL GETTY CENTER  
LIBRARY



